

巡按福建監察御史臣李嗣京 訂正

知 關 縣 事 臣曹鼎臣 叅閱

知 建 陽 縣 事 臣黃國琦 較釋

帝王部 二十八

奉先

傳曰慎終追遠民德歸厚矣孟子曰君子不以天下
儉其親故王者富有四海風化兆庶莫不推因心之
孝奉如在之靈敘昭穆而舉禘祫祖有功而宗有德
申嚴配於上帝飭廟貌於都邑脩奉陵寢追述徽烈

潔粢豐盛作樂陳舞順時序而薦享率諸侯以助祭于以見滌濯靜嘉肅雍顯相烝烝之義罄乃明馨穰穰之福降於盼蟹至于親行祭弔祗載神王緬懷里社益樹枌榆斯又尊尊之至昭明策書者也

有虞氏禘黃帝而郊嚳祖顓頊而宗堯禘郊祖廟謂祭禮以配食

也有虞以前尚德故配用有德者臣欽若等按史記舜名重華父曰瞽瞍瞽瞍父曰蟠牛蟠牛父曰句望句望父曰敬康敬康父曰窮蟬窮蟬父曰帝顓頊顓頊父曰昌意昌意父曰黃帝自黃帝至舜凡九世也

夏后氏禘黃帝而郊鯀祖顓頊而宗禹夏氏以下用其姓代之

臣欽若等按史記禹之父曰鯀鯀之殷人禘嚳而郊夏祖契而宗

湯臣欽若按史記帝嚳生契為殷祖自契之至冥六世也冥為司玄勤其管事死于水中殷人郊之

太甲脩德諸侯咸歸故稱太宗

太戊時殷復興諸侯歸之故稱中宗

祖庚時嘉武丁之以祥雉為德立其廟為高宗遂作

高宗彤日及訓武丁修政行德天下咸驩殷道復興

故商頌那祀高祖成湯也烈祖祀中宗也玄鳥殷武

祀高宗也長發大禘也

周文王之祭也事死者如事生思死者如不欲生思

日必哀稱諱如見親祀之忠也如見親之所愛思死者如不欲生言思

親之深也

武王立追尊古公為太王季歷為王季九年上祭于

畢一作十一年東觀兵至于孟津為文王木主載以

車中軍武王自稱太子發言奉文王以伐不敢自專

也十一年王既克殷一作十三年柴于上帝祈於社設奠

於牧室遂率天下諸侯執豆籩逶奔走追王太王亶

父王季歷文王昌不以卑臨尊也上治祖禰尊尊也

下治子孫親親也旁治昆弟合族以食序以昭穆別

之以禮義人道竭矣

成王即位周公相王王道大洽制禮作樂禘饗而郊

稷祖文王而宗武王郊祀后稷以配天宗祀文王於

明堂以配上帝四海之內各以其職來助祭故周頌

思文后稷配天也天作祀先王先公也清廟祀文王

也我將祀文王於明堂也執兢祀武王也豐年秋冬

報也有瞽始作樂而合乎祖也潛季冬薦魚春獻鮪

也雝禘太祖也大雅生民尊祖也后稷生於姜嫄文

武之功起於后稷故推以配天焉其詩曰后稷肇祀

庶無罪悔以迄于今王既即政以朝享之禮告于祖

廟故周頌閔予小子嗣王朝於廟也烈文諸侯助祭

也載見諸侯始見于武王廟也訪落嗣王謀於廟也

王既在新邑烝載祭歲文王騂牛一武王騂牛一王

命作冊逸祝冊惟告周公其後王賓殺禋咸格王入

大室裸

漢高帝五年二月追尊先媼曰昭靈夫人十年八月令諸侯王皆立太上皇廟于國都

惠帝以高祖十二年五月卽位上高祖尊號曰高皇帝令郡國諸侯王立高祖廟是年帝爲東朝長樂宮及間往數蹕煩民作複道方築武庫南奉嘗叔孫通奏事因請問曰陛下何自築複道高帝寢衣冠月出游高廟子孫奈何乘宗廟道上行哉帝懼曰急壞之通曰人主無過舉今已作百姓皆知之矣願陛下爲原廟渭北衣冠月出游之益廣宗廟大孝之本帝乃

詔有司立原廟帝嘗出游南宮叔孫通曰古者有春嘗果方今櫻桃熟可獻願陛下出因取櫻桃獻宗廟帝許之

文帝以高后八年閏九月卽位前元年十月辛亥見于高廟

景帝元年十月詔曰蓋聞古者祖有功宗有德制禮樂各有繇歌者所以發德也舞者所以明功也高廟

酎奏武德文始五行之舞武德高祖所作也文始舜舞也五行周舞也武德者孝惠廟酎奏文始五行

之舞孝文皇帝臨天下通關梁不異遠方除誹謗去

肉刑賞賜長老收恤孤獨以遂群生減嗜欲不受獻
 罪人不孥不誅亡罪不私其利也除宮刑出美人重
 絕人之世也朕既不敏弗能勝識此皆上世之所不
 及而孝文皇帝親行之德厚侔天地利澤施四海靡
 不獲福明象乎日月而廟樂不稱朕甚懼焉其為孝
 文皇帝廟為昭德之舞以明休德然後祖宗之功德
 施於萬世永永無窮朕甚嘉之其與丞相列侯中二
 千石禮官具禮儀奏丞相臣嘉等奏曰申屠嘉也陛下永
 思孝道立昭德之舞以明孝文皇帝之盛德皆臣等
 愚所不及臣謹議曰功莫大於高皇德莫盛於孝文

皇帝高皇帝廟宜為帝者太祖之廟孝文皇帝廟宜
 為帝者太宗之廟天子宜世世獻祖宗之廟郡國諸
 侯宜各為孝文皇帝立太宗之廟諸侯王列侯使者
 侍祠天子所獻祖宗之廟請布天下制曰可
 武帝元封五年三月祀高祖于明堂以配上帝
 太始四年三月壬午祀高祖于明堂以配上帝癸巳
 祀孝景皇帝于明堂

昭帝以後元二年二月即位謁高廟七月尊趙婕妤
 為皇太后起雲陵婕妤先葬于雲陽以就雲陽為起雲陵
 始元元年夏又為太后起園廟雲陽陵

三年秋募民徙雲陵四年六月徙三輔富人雲陵賜錢戶十萬

元鳳四年正月丁亥帝加元服見于高廟

宣帝以元平元年七月卽位謁高廟

本始元年六月詔曰故皇太子在湖未有號謚湖縣各太

子死於湖因卽葬焉歲時祠其議謚置園邑有司奏請禮為人

後者爲之子也故降其父母不得祭尊祖之義也陛

下爲孝昭帝後承宗祖之祀制禮不踰闕謹行視孝

昭帝所爲故皇太子起位在湖史良娣家在博望苑

北親史皇孫位在廣明廓北謚法曰謚者行之迹也

愚以爲親謚宜曰悼母曰悼后比諸侯王園置奉邑

三百家故皇太子謚曰戾置奉邑二百家史良娣曰

戾夫人置守冢三十家園置長丞周衛奉守如法以

湖闕鄉邢里聚爲戾園長安白亭東爲戾后園廣明

成鄉爲悼園皆改葬焉

二年六月庚午尊孝武廟爲世宗廟武帝巡狩所幸

之郡國皆立廟焉初帝欲褒先帝詔丞相御史曰朕

以眇身蒙遺德承聖業奉宗廟夙夜惟念孝武皇帝

躬仁誼厲威武北征匈奴單于遠遁南平氏羗昆明

甌駱兩越東定歲貉朝鮮廓地斥境立郡縣百蠻率

殿款塞自至珍貢陳於宗廟協音律造樂歌薦上帝
 封太山立明堂改正朔易服色明開聖緒尊賢顯功
 興滅繼絕褒周後備天地之禮廣道術之路上天報
 貺符瑞竝應寶鼎出白麟獲海効鉅魚神人竝見山
 稱萬歲功德茂盛不能盡宣而廟樂未稱朕甚悼焉
 其與列侯二千石博士議有司遂請尊孝武帝廟為
 世祖廟奏盛德文始五行之舞天下世世獻納以明
 盛德武帝巡狩所幸郡國凡四十九皆立廟如高祖
 太宗焉

元康元年五月立皇考廟益奉明園戶為奉明縣 廣明

也時有司復言禮父為士子為天子祭以天子悼國
 宜稱尊號曰皇考立廟因園為寢以時薦享焉益奉
 明園民滿于六百家以為奉明縣尊戾夫人曰戾后
 置園奉邑及益戾園各滿三百家又改葬衛后追謚
 曰思后置園邑三百家長丞周衛奉守焉
 元帝以黃龍元年十二月癸巳即位謁高廟建昭五
 年六月庚申復戾園

七月庚子復太上皇寢園原廟 高祖已自有廟在長安城中惠帝更於渭

北作廟謂昭靈后武安王昭哀后衛思后園 昭靈后高祖母

也武安王高祖兄也哀后高祖

也衛后戾太子母也

冊府元龜 帝王部

竟寧元年三月癸未復孝惠皇帝寢廟園孝文太后
 孝昭太后寢園初永光四年九月罷衛思后園及
 園十月罷祖宗廟在郡國者諸陵分屬三輔五年十
 二月毀太上皇孝惠皇帝寢廟園建昭元年冬罷孝
 文太后孝昭太后寢廟先是貢禹奏言古者天子七
 廟今孝惠孝景廟親盡宜毀及郡國廟不應占禮宜
 正定天子是其議未及施行而禹卒其後丞相韋玄
 成等議太上孝惠廟皆親盡宜毀奏可議者明年玄
 成復言孝文太后孝昭太后寢祠園宜如禮勿復修
 奏可後歲餘帝寢疾夢祖宗譴罷郡國廟帝少弟楚

孝王亦夢焉至是帝疾連年遂盡復諸所罷寢廟園

皆修祀如故

是年五月帝又毀太上皇
孝惠孝景廟並太后廟

成帝以竟寧元年六月卽位謁高廟

河平元年九月復太上皇寢廟園是時博士平當上

書臣聞孔子曰如有王者必世而後仁

世三十
年三十年

之間道德和洽制禮興樂災害不成禍亂不作今聖
 漢受命而王繼體承業二百餘年孜孜不息政令清
 矣然風俗未和陰陽未調災害數見意者大本有不
 立與何德化休徵不應之久也禍福不虛必有因而
 至者焉宜深迹其道而務修其本昔者帝堯南面而

治先克明峻德以親九族而化及萬國孝經曰天地之性人爲貴人之行莫大於孝孝莫大於嚴父嚴父莫大於配天則周公其人也夫孝子善述人之志周公既成文王之業而制禮作樂修嚴父配天之事知文王不欲以子臨父故推而序之上極於后稷以配天此聖人之德亡以加於孝也高皇帝聖德受命有天下尊太上皇猶周文武之追王太王王季也此漢之始祖後嗣所宜尊奉以廣盛德孝之至也書云王稽古建功立事可以永年傳於亡窮太誓之辭帝納其言故下詔復太上皇寢廟園

哀帝以綏和二年四月丙午卽位謁高廟尊定陶恭王爲恭皇建平二年四月詔曰漢家之制推親親以顯尊尊定陶恭皇之號不宜復稱定陶立恭皇廟于京師

六月庚申帝太后丁氏喪詔曰朕聞夫婦一體詩云穀則異室死則同穴谷風之節昔季武子成寢杜氏之殯在西階下請合葬而許之事見禮記檀弓篇附葬之禮自周興焉孔子曰合葬非古自周公以來未之有改也郁郁乎文哉吾從周孝子事亡如事存帝太后宜起陵恭皇之園遂葬定陶平帝以元壽二年九月辛酉卽位謁高廟元始四年

正月郊祭高祖以配天宗祀孝文以配上帝夏尊孝
宣廟為中宗孝元廟為高宗世世獻祭

五年正月禘祭明堂諸侯王二十八人列侯二十人
宗室子九百餘人徵助祭

後漢光武建武元年六月即位八月癸丑祀高祖太
宗世宗於懷宮

二年正月立高廟于維陽四時禘祀高祖為太祖文
帝為太宗武帝為世宗如舊餘帝四時春以正月夏

以四月秋以七月及臘一歲五祀光武都維陽只合
祖廟以下至平帝
為一廟藏十一帝主于其中元帝次第
入光武第九元帝為祖廟後遵而不改是年以皇祖

皇考墓為昌陵置陵令守視後改為章陵因以春陵
為章陵縣

三年正月辛巳立親廟維陽祀父南頓君以上至春
陵節侯四廟二月己未以赤眉降祠高廟受傳國璽

十月壬申立春陵祠園廟
五年七月丁丑幸沛祠高祖原廟詔修復西京園陵

代廟者及皇考廟事下公卿博士議即大司徒涉等
議宜立平帝哀帝成帝元帝廟奉所代今親廟父直

以上親入廟兄弟以下使有司祠宜為南頓君立皇
考廟祭上至春陵節侯群臣奉祠時議有異不著上

可涉等議詔曰以宗廟處所未定且祫祭高廟其成
哀平且祠長安故高廟其南陽春陵歲時各且因故
園廟祭祠原廟去太守治所遠者在所令長行太守
事侍祠惟孝宣帝有功德其上尊號曰中宗於是維
陽高廟四時加祭孝宣孝元五帝其西廟成哀平三
帝主四時祭於故高廟東廟京兆尹侍祠冠衣車服
如太嘗祠陵廟之禮南頓君以上至節侯皆就園廟
南頓君稱皇考廟鉅鹿都尉稱皇祖考廟鬱林太守
稱皇曾祖考廟節侯稱皇高祖考廟在所郡縣侍祠
二十二年閏正月幸長安祠高廟遂有事十一陵

中元元年四月幸長安祀長陵十月甲申使司空告
祠高廟

六年四月丙子幸長安始謁高廟遂有事十一陵
十年正月修理長安高廟八月幸長安祠高祖遂有
事十一陵

十一年二月巳酉幸南陽還幸長陵祠園陵
十五年四月戊申以太牢告祠宗廟

十七年十月甲申幸長陵修園廟祠又爲春陵宗室
起祠堂

十八年三月壬午祠高廟遂有事十一陵

十月庚辰幸宣城還祠章陵立考侯康侯廟北園陵
置嗇夫 夫本即官主知賦役多少平其差 詔零陵郡

奉祠節侯戴侯廟以四時及臘歲五祀焉置嗇夫佐

吏各一人

十九年正月庚子追尊孝宣皇帝曰中宗始祠昭帝

元帝於太廟成帝哀帝平帝於長安春陵節侯以下

四世於章陵時五官中郎將張純與太僕朱浮奏議

禮為天子事太宗降其私親禮之設施不授之與自

得之異意當除今親廟四孝宣皇帝以孫後祖為父

立廟於奉明日皇考廟獨群臣侍祠願下有司議先

帝四廟當約非劉氏不王呂太后賊害三趙專王呂

氏賴社稷之靈祿產伏誅天命幾墜危朝更安呂太

后不宜配食高廟同祧至尊薄太后母德慈仁孝文

皇帝賢明臨國子孫賴福延祚至今其上薄太后尊

號曰高皇后配食地祇遷呂太后廟至于園四時上

祭

明帝即位以光武皇帝撥亂中興更為起廟上尊號

曰世祖廟 蔡邕表志孝明立世祖廟以明再受命祖

有功之義後嗣遵儉不復改立皆藏至其

中聖明所制一王之法也自執事之吏下至學士莫
能知其所以兩廟之意誠宜具錄本事建武乙未元
和丙寅詔書下宗廟儀及齊 以元帝於光武為穆故
令宜入郊祀志以為典式

雖非宗不毀也後遂為嘗

永平元年正月帝率公卿以下朝於原陵如元會儀

二年正月辛未宗祀光武皇帝於明堂帝及公卿列

侯始服冠冕衣裳玉佩絢履以行事漢官儀曰天子冠通天諸侯王

冠遠遊三公諸侯冠進賢三梁卿大夫尚書二千石博士冠兩梁二千石以下至小吏冠一梁天子公卿

特進諸侯祀天地明堂皆冠平冕天子十二旒三公

九卿諸侯十其纓如其綬色玄衣纁裳周禮曰王祀

昊天上帝則服大裘而冕祀五帝亦如之三禮圖曰

冕以四十升以布漆為之廣八寸長尺六寸前圓後

方前下後高有俛伏之形故謂之冕欲人之位彌高

而心彌下故以名焉董巴輿服志曰與宗初服冕衣

裳以祀天地衣裳以玄上纁下乘輿備文日月星辰

十二章三公諸侯用山龍九章卿以下皆織成陳留襄邑獻

皆五色采乘輿刺繡公卿以下皆織成陳留襄邑獻

之徐廣輿服注曰漢文帝案古禮備其服章天子郊

廟衣皂上絳下前三幅後四幅衣畫而裳繡禮記曰

古之君子必佩玉君子於玉比德焉天子佩白玉諸

侯佩玄玉大夫佩水蒼玉世子佩瑜玉周禮履人掌

玉赤舄青絢鄭玄注曰赤舄為冕服之舄也絢履鼻

頭以青采飾之三禮圖曰屨

履下曰舄其色各隨裳色

十月甲子西巡狩幸長安祠高廟遂有事於十一陵

三年十月烝祭光武廟冬祭日烝衆也冬初奏文始

五行武德之舞甲子車駕從皇太后幸章陵

十一年閏四月甲午南巡狩幸南陽祠章陵

十五年三月辛卯幸大梁至定陶河定陶恭王陵

十七年正月當謁元陵夜夢先帝太后如平生歡既

寤悲不能寐即案曆明日吉遂率百官及故客上

陵其日降甘露於陵樹帝令百官采取以薦會畢帝從席前伏御牀視太后鏡奩中物感動悲泣令易脂澤裝具左右皆泣莫能仰視焉是年公卿百官以帝威德懷遠祥物顯應乃竝集朝堂奉觴上壽帝曰其敬舉觴太嘗擇吉日策告宗廟

和帝以章和二年二月壬辰卽位三月辛酉有司上奏孝章皇帝崇弘洪業德化普洽垂意黎民留念稼穡文加殊俗武暢方表咸惟人而無思不服巍巍蕩蕩莫與比隆周頌曰於穆清廟肅雍顯相請上尊廟曰肅宗其進武德之舞制曰可

四月丙子謁高廟丁丑謁世祖廟

永元十年十一月癸卯祠高廟遂有事十一陵九年追謚帝母梁貴人曰恭懷皇后貴人父竦爲章德竇后所陷坐誅貴人姊妹以憂卒后養帝爲己子及后喪未及葬而梁貴人姊嫫上書陳貴人枉歿之狀太尉張酺司徒劉方司空張奮上奏依光武黜呂太后故事貶太后尊號不宜合葬先帝百官亦多上言者帝手詔曰竇氏雖不尊法度而太后嘗自減損朕奉事十年深惟大義禮臣子無貶尊上之文恩不忍離義不忍虧案前世上官太后亦無降黜其勿復議於

是合葬敬陵帝以貴人酷歿歛葬禮闕乃改殯於承
光宮上尊謚曰恭懷皇后追服喪制百官編素與姊
大貴人俱葬西陵義比敬園以竇后配食章帝恭懷
后別就陵寢祭之

十五年十月戊申幸章陵祠舊宅園廟

殤帝延平元年三月甲申尊孝和皇帝廟曰穆宗

安帝以延平元年八月癸丑卽位九月庚子謁高廟

辛丑謁光武廟

永初元年三月葬清河孝王

王名慶安帝之父也

贈龍旂虎賁

建光元年三月有司上言清河孝王至德淳懿載育

明聖承奉丕祚爲郊廟主漢興高皇帝尊父爲太上

皇宣帝號父爲皇考序昭穆置園邑太宗之義舊章

不忘宜上尊號曰孝德皇皇妣左氏曰孝德皇后祖

妣宋貴人追謚曰敬德皇后乃告祠高廟使司徒持

節與大鴻臚奉策書璽綬清河追上尊號又遣中嘗

侍奉太牢祠典護禮儀侍中劉珍等及宗室列侯皆

往會事尊陵曰其陵廟曰昭廟置令丞設兵車周衛

比章陵復以廣川益清河園

敬德後陵曰敬北陵

延光三年二月丙子東巡狩丁丑告陳留太守祠南

頓君光武皇帝於濟陽辛卯幸太山癸巳告祠二祖

六宗 二祖四宗前已解詔又 四月乙丑還宮假於祖

廟

十月行幸長安四月乙未祠高廟遂有事十一陵遣

使者祠太上皇子萬年

四年三月庚申幸宛帝不豫令太將軍耿寶行太尉

事祠章陵園廟告長沙零陵太守祠定王節侯鬱林

府君

是月安帝晏駕初帝以諛害大臣廢太子及是無上宗之奏後自建武以來無毀者故遂嘗祭因以其陵號稱恭宗也

順帝以延光四年十一月丁巳卽位壬申謁高廟癸

酉謁光武廟

永建二年六月巳酉追尊謚皇妣李氏為恭愍皇后

葬于恭北陵先是李氏為閭太后鳩殺瘞在雒陽城

北帝初不知莫敢以聞及太后葬左右白之帝感寤

發哀親到瘞所更以禮殮之尊謚于策書金匱藏于

世祖廟

三年七年丁酉茂陵園寢災帝縞素避正殿辛亥使

太嘗王龔持節告祠茂陵

永和元年正月巳巳宗祀明堂

二年十月行幸長安十一月丙午祠高廟丁未遂有

事十一陵

漢安元年正月癸巳宗祀明堂

冲帝以建康元年八月卽位九月有司奏孝順皇帝

弘秉聖哲龍興統業稽乾則古欽奉鴻烈寬裕宴宴

宣恩以極躬自菲薄以崇玄默遺詔貽約顧念萬國

衣無制新玩好不飾瑩陵損狹不起寢廟遵履前制

敬勅有司經曰愛敬盡於事親而德教加于百姓詩

云敬慎威儀惟民之則臣請上尊號曰敬宗廟天子

世世獻奉藏主祫祭進武德之舞如祖宗故事奏可

質帝以永嘉元年正月丁巳卽位甲申謁高廟乙酉

謁光武廟

桓帝以本初元年閏六月庚寅以清河孝王孫卽位

七月辛巳謁高廟光武廟時梁太后攝政以冲質二

帝皆不享壽用殤帝故事就陵寢祭凡祠廟命三公

分祭之

九月戊戌追尊皇祖河間孝王曰孝穆皇夫人趙氏

曰孝穆皇后廟曰清廟陵曰樂成陵皇考蠡吾侯曰

孝崇皇廟曰烈廟陵曰博陵

尊帝母區氏為博園貴人臣欽若等曰事具帝

王尊親門皆置令丞使司徒持節奉策書璽綬祠以太牢

建和二年四月丙子封帝弟顧為平原王奉孝崇皇

祀

元嘉二年四月甲寅孝崇皇后偃氏喪以帝弟平原王后為喪主歛以東園畫梓壽器玉匣飯含之具禮儀制度比恭懷皇后使司徒持節大長秋奉弔祠賻錢四十萬布四萬疋中謁者僕射典護喪事侍御史護大駕鹵簿詔安平王豹河間王建渤海王悝長杜益陽二長公主與諸國侯三百里內者及中二千石二千石令長相皆會葬將作大匠復土繕廟合葬博陵

延熹元年六月丙戌分中山置博陵郡以奉孝崇皇

園陵

博陵城今在瀛州博野縣也後徙安平

二年十月行幸長安甲午祠高廟十一月庚子有事十一陵

靈帝建寧元年正月庚子即位二月辛酉上孝桓皇

帝尊號廟曰威宗庚午謁高廟辛未謁世祖廟

閏二月甲午追尊皇祖淑為孝元皇夫人夏氏為孝

元皇后陵曰敦陵廟曰靖廟皇考萇為孝仁皇尊夫

人董氏為慎園貴人陵曰慎陵廟曰夔廟皆置令丞

使司徒持節之河間奉策書璽綬祠以太牢嘗以歲

時遣中嘗侍持節之河間奉祠

是時京郡四時所祭高廟五主世祖廟少

帝七主三陵追尊后三陵凡牲用十八太牢殿祭之歲出祖廟主皆合于高廟如毀廟三太牢皆有副牲

故高廟三主親毀之後亦俱廢祭之歲奉祠自建武以來關西諸陵以遠但四時牲帝每事長安謂諸陵乃太牢祠自維陽諸陵至靈帝皆以晦望二十四氣伏膺及四時祠廟日上飯太嘗送用物園令食監典省其親陵所宮人隨鼓漏理被枕具留水陣嚴具

獻帝興平元年加元服有司奏立長秋宮詔曰朕稟

受不弘遭值禍亂未能紹先以光故典皇母前薨未

卜宅兆禮章有闕中心如結三歲之感蓋不言吉且

須其後初帝母王美人為何皇后所殺於是有詔乃

奏追尊王美人為靈懷皇后改葬文昭陵儀比敬恭

二陵初平中相國董卓左中郎將蔡邕等以和帝已下功德無殊而有過著不應為宗及餘兆宗者

追尊二后皆奏毀之四時所祭高廟一祖二宗及近帝四凡十一帝終

冊府元龜

巡按福建監察御史臣李嗣京 訂正

知甌寧縣事 臣孫以敬 參閱

知建陽縣事 臣黃國琦 較釋

帝王部 二十九

奉先第二

魏文帝黃初元年十一月庚午即位癸酉追尊皇祖

太王曰太皇帝考武王曰武皇帝先是帝為魏王漢

獻帝命王追尊皇祖太尉曰太王臣欽若等曰即曹嵩也為漢大尉

太祖曰武王至是並追尊號

二年六月甲辰以京師宗廟未成帝親祀武皇帝于建始殿躬執饋奠如家人之禮

秦禮將營宮室宗廟為先庶人無廟故祭

於寢帝者非禮甚矣

四年五月辛酉有司奏造二廟立太皇帝廟大長秋

特進侯臣欽若等曰即曹騰也為漢中嘗侍大長秋貴庭侯也與高祖合祭親

盡以次毀特立武皇帝廟四時享祭為魏太祖萬載

不毀也

明帝以黃初七年五月丁巳即位癸未追謚母甄夫

人日文昭皇后

太和元年正月丁未郊祀武皇帝以配天宗祀文皇

帝於明堂以配上帝二月辛巳立文昭皇后寢廟於

鄴初甄后賜死故不列廟帝即位有司請追謚日文

昭皇后使司空王朗持節奉策以太牢告祠于陵三

公奏曰自古周人始祖后稷又特立廟以祀姜嫄今

文昭皇后之于後嗣聖德至化豈有量哉夫以皇家

世妃之尊而克讓允恭固推盛位神靈遷化而無寢

廟以承享禮非所以報顯德昭孝敬也稽之古制宜

依周禮先妣別立寢廟並奏可四月甲申初營宗廟

三年六月戊申追尊高祖大長秋曰高皇帝夫人吳

氏曰高皇后並在鄴廟之所祠則文帝之高祖處士

會祖高皇太帝其一廟考太祖武皇帝特一廟臣欽

日處士明帝
五代祖也

十一月宗廟成使太嘗韓暨持節迎高皇帝太皇帝

武帝文帝神主於鄴處士以親盡
遷主置園也十二月己丑至奉

安神主于廟先是漢獻帝建安十八年太祖為魏公

始建魏宗廟于鄴自文帝受禪而雒陽宗廟未成黃

初末韓暨為太嘗奏請迎鄴四廟神主建立雒陽廟

四時烝嘗親奉粢盛崇明正禮廢法淫祀多所規正

四年以文昭甄皇后舊陵庠下使后父適孫虎賁中

郎將像兼太尉持節詣鄴昭告后土十二月辛未改

葬朝陽陵

五年詔曰尊嚴祖考所以崇孝表行也追本敬始所

以篤教流化也是以成湯文武實造商周書詩之義

追尊稷契歌頌有娥姜嫄之事明聖德之源流受命

所繇興也自我魏承天序既發迹於高皇太皇帝而

功隆於武皇文皇帝至於高皇之父處士君潛修德

讓行動神明斯乃乾坤所福饗先靈所從來也而精

神幽遠號稱罔記非所謂崇孝重本也其令公卿以

下會議號謚侍中劉曄議曰聖帝孝孫之欲褒崇先

祖誠無量已然親疎之數遠近之降盖有禮紀所以

割斷私情克成公法爲萬世式也周王所以土祖后稷者以其佐唐有功名在祀典故也至於漢氏之初追謚之義不過其父上比周室則大魏發迹自高皇始下論漢氏則追謚之禮不及其祖此誠往代之成法當今之明義也陛下孝思中發情無已已然君舉必書所以慎於禮制也以爲追尊之義宜齊高皇而已尙書衛臻與曄議同事遂施行六年四月甲子初進親裸于廟

景初元年六月丁未有司奏武皇帝撥亂反正爲魏太祖樂用武始之舞文皇帝應天受命爲魏高祖用咸熙之舞群公有司始更奏定七廟之制曰大魏三聖相承以成帝業武皇帝肇建洪基撥亂夷險爲魏太祖文皇繼天革命應期受禪爲魏高祖上集成大命清定華夏典制禮樂宜爲魏烈祖於太祖廟北爲二祧其左爲文帝廟號曰高祖昭祧其右擬明帝號曰烈祖穆祧三祖之廟萬世不毀其餘四廟親盡迭遷一如周后稷文武廟祧之禮

十月乙卯營雒陽宮委粟山爲圓丘以曹氏世系出自有虞氏今以始祖帝舜配號圓丘曰皇皇帝天方丘所祭曰皇皇后地以舜妃伊氏配天郊所祭曰皇

天之神以太祖武皇帝配地郊所祭曰皇地之祇以
武宣皇后配宗祀皇考高祖文皇帝於明堂以配土
帝

十二月壬子冬至始祀皇皇帝于圓丘以始祖有
虞帝舜配

齊王正始六年十一月祫祭太祖廟乙未有司奏文
昭皇后立廟京都永傳享祀樂舞與祖同慶在鄴廟

嘉平元年正月甲午謁高平陵 在雒水南大石山
去雒城九十里

晉武帝泰始元年十二月丙寅受禪丁卯追尊皇祖
宣王為宣皇帝伯考景王為景皇帝考文王為文皇

帝宣王妃張氏為宣穆皇后景王夫人羊氏為景皇
后初宣帝為魏太傅晉國初建追尊曰景王文帝為

大將軍錄尚書事封晉王謚曰文王至是皆追尊號
二年正月有司奏置七廟帝重其役詔宜權立一廟

於是群臣議奏曰上古清廟一宮尊遠神祇逮至周
室制為七廟以辨宗祧聖旨深弘遠跡上世敦崇唐

虞舍七廟之繁華尊一宮之遠旨昔舜承堯禪受終
于文祖遂陟帝位蓋三十載月正元日又格于文祖

遂陟帝位此則虞氏不改唐廟因仍舊宮可依有虞
氏故事即用魏廟奏可於是追祭征西將軍豫章府

君穎川府君京兆府君

臣欽若等按晉書征西將軍鈞生豫章太守量量生穎川

太守雋雋生京兆尹防防生宣皇帝

與宣皇帝景皇帝文皇帝為三

三穆

時宣皇升太祖靈位所以六世與景帝為七廟

二月丁丑郊祀宣皇帝

以配天宗祀文皇帝於明堂以配上帝七月詔曰

者前奏就魏舊廟誠亦有準然于祇奉明主情猶未

安更宜營造於是改創宗廟十一月己丑追尊景

夫人夏侯氏為景懷皇后

時任茂以為夏侯初嬪之時未有王業帝不從

卯遷祖禰神主于太廟

四年七月己卯謁崇陽陵

六年因廟毀改修創群臣議奏曰古者七廟所自

如禮又曰古雖七廟自近代以來皆廟七室於禮無

廢於情為敘亦隨時之宜也其便仍舊又三日於

七年四月帝將親祠車駕夕牲而儀注還不拜詔問

其故博士奏歷代相承如此帝曰非致敬宗廟之禮

也於是實拜而還遂以為制夕牲必躬臨拜

十年改築太廟於宣陽門內窮極壯麗廟成帝用摯

虞議率百官遷神主於新廟自征西以下車服尊從

皆如帝者之儀

咸寧元年十二月丁亥追尊宣帝廟曰高祖景帝曰

世宗文帝曰太祖二年六月癸丑薦荔枝于太廟

冊府元龜 帝王部

太康元年五月丁卯薦鄗醑酒于太廟八年九月改

營太廟以正月十年四月太廟成乙巳遷神至於新

廟帝迎于道左遂祫祭十二月庚寅 太廟梁折

惠帝以太熙元年四月卽位五月辛未葬武帝於峻

陽陵廟曰世祖

懷帝以光熙元年十一月庚午卽位追尊所生太妃

王氏爲皇太后

元帝建武元年三月辛卯卽位立宗廟于建康

太興二年正月丁卯崇陽陵毀帝素服哭三日使

軍將軍梁堪守太嘗馬龜等修復山陵迎愍帝梓宮

于平陽不尅而退時續續 作亂五月癸丑太陽陵毀帝素

服哭三日是歲有詔瑯琊恭王宜稱皇考賀循議云

禮典之義子不敢以已爵加其父號帝從之

三年正月乙卯詔曰吾雖上繼世祖然於懷愍皇帝

皆北面稱臣今祠太廟不親執觴酌而令有司行事

於情理不安可依禮更處臣欽若等曰事 具禮官奏議門

明帝太寧元年二月葬元帝於建平陵廟曰中宗

三月戊寅朔改元臨軒停饗宴之禮懸而不樂二年

正月丁丑帝臨朝停饗宴之禮懸而不樂十二月壬

子帝謁建平陵從大祥之禮

成帝以太寧三年閏八月己丑卽位上明帝尊謚廟
曰肅祖

咸康元年建安郡荀氏薨詔曰朕少遭閔凶慈訓
無量撫育之勤建安君之仁也一旦薨歿實思報復
永惟平昔感痛哀推其贈豫章郡君別立廟于京都
初荀氏爲元帝官人有寵生明帝及瑯琊王褒及明
帝卽位封建安郡君別立第宅太寧元年迎還宮內
供奉隆厚成帝立尊重同於太后故爲之立廟

八年三月初以武悼夏皇后配饗武帝廟

康帝以咸康八年六月甲午卽位七月丙辰葬成皇
帝于興平陵廟號顯宗

建元元年正月朔晦成恭杜皇后周忌有司奏至尊
年應改服詔曰喪親名教之重也權制出於近代耶
於是素服如舊非漢魏之典也

穆帝永和七年九月峻陽陵毀甲辰帝素服臨于太
極殿三日遣兼太嘗趙扶修復山陵

八年二月峻平崇陽二陵毀戊辰帝臨三日遣殿中
都尉王惠如雒陽以衛五陵

五陵謂宣帝高原陵平
陵文帝崇陽陵武帝峻
陽陵惠帝
太陽陵也

九年正月丙寅皇太后與帝同拜建平陵八月遣太

尉河間王欽修復五陵十年正月巳酉朔帝臨朝以五陵未復懸而不樂十二年十一月遣兼司空散騎嘗侍車灌龍驤將軍袁真等持節如雒陽修五陵十二月庚戌以有事於五陵告于太廟帝及群臣皆服總于太極殿臨三日

升平元年正月壬戌朔帝加元服告于太廟

哀帝以升平元年五月庚申即位七月戊午葬穆皇帝于永平陵廟號孝宗

興寧元年三月壬寅皇太妃周氏薨于瑯琊第癸卯帝奔喪詔司徒會稽王昱總內外重務

簡文帝咸安元年十二月辛卯初薦鬻酒於太廟

孝武帝以咸安二年七月乙未即位九月甲寅追尊皇妣會稽王妃曰順皇后

十月丁卯葬簡文皇帝于高平陵廟號太宗

大元元年正月壬寅帝加元服見于太廟甲子謁建平等四陵

四年正月丙子謁建平平等七陵

謂元帝建平陵明帝武平陵成帝興平陵

康帝崇平陵穆帝永平陵哀帝安平陵簡文帝高平陵

五年正月乙巳謁崇平陵

九年正月辛未謁建平平等四陵七月戊戌遣兼司空

高密王純之修謁維陽五陵

十年正月甲午謁諸陵

十六年正月庚申改築太廟九月癸未新廟成正室

十四間東西儲各一間合十六間棟高八丈四尺備

法駕遷神主于行廟征西至京兆四主及太孫各用

其位之儀服四主不從帝者儀是與太康異也諸王

既入廟設脯醢之奠及新廟成神主還室又設脯醢

之奠

十九年六月壬子追尊會稽王太妃鄭氏為簡文宣

太后詔曰會稽太妃文母之德徽音有融誕載聖明

先延于晉先帝追尊聖善朝議不一道以疑屈朕述

尊先志嘗惕于心仰奉遺旨依陽秋二漢孝懷皇帝

故事上太妃尊號曰簡文宣太后

初鄭氏為元帝夫人生瑯琊王簡

文帝末后稱建平國夫人咸和元年薨簡文帝時為

瑯琊王制服重有司以王出繼宜降所生國臣不能

親奏免國相諸葛頭王上疏曰亡母生臨臣國設留

國第臣雖出後亦無所厭則私情得敘敬后喪孝王

已出繼亦還服重此則朋比臣所憲章也穆皇后不

奪其志乃徙瑯琊王為會稽王追號后曰會稽太妃

及簡文帝即位未及追尊臨喪封皇子

二十年二月作宣太后廟于太廟路西陵曰嘉平

安帝隆安三年三月己卯追尊所生陳夫人為德皇

太后

義熙十二年十月丙寅姚泓將姚先以雒陽降巳丑
遣兼司空高密王恢之修謁五陵

恭帝元熙元年正月壬辰朔改元以安帝山陵未厝
不朝會

後魏道武天興元年十二月臨天文殿司徒進璽綬
追尊成帝巳下及后號謚樂用皇始之舞以神元皇

帝為始祖臣欽若等按後魏書黃帝以土德王比積
六十七世至成帝成及節莊明安宣景元

和定僖成獻凡十二帝獻臣欽若
帝生聖武聖武生神元平文皇帝為太祖臣欽若
魏書神元至章平思昭昭成皇帝為高祖臣欽若等
凡三帝思帝生平文按後魏書

平文至惠煬烈凡四帝昭成帝平皇文次子也考為
事具帝王帝系門其追尊祖始皆從帝謚焉

獻明皇帝臣欽若等曰獻明
即昭成太子也

二年正月甲子初祀上帝于南郊以始祖神元皇帝
配

十月太廟成遷神元平文昭成獻明皇帝神主于太
廟歲五祭用二至二分臘牲用太牢
嘗以宗正兼太尉率祭官行事又立神元思帝

平文昭成獻明五帝廟於宮中歲四祭用正冬臘九
月牲用馬牛各半帝

又於雲中及盛樂神元舊都祀神元以下七帝歲
祭又於雲中及盛樂神元舊都祀神元以下七帝歲
祭又於雲中及盛樂神元舊都祀神元以下七帝歲
祭

明元永興元年十月壬午即位追尊皇妣劉貴人為
宣穆皇后

二年九月甲寅葬宣武皇帝於盛樂金陵廟號太祖
三年四月謁金陵於盛樂

五年五月幸雲中七月乙巳登薄山觀宣武遊幸刻
石頌德之處乃於其牢起石壇而薦享馬神瑞二年

二月甲辰立太祖廟於白登之西 歲一祭具太牢
帝親之無嘗月 又

詔郡國於太祖巡幸行宮之所各立壇祭以太牢 歲

皆牧守
侍祀 又立太祖別廟於宮中 歲四祭用馬
牛羊各一 後二年

又於白登西太祖舊遊之處立昭成獻明太祖廟以

九月十月之交帝親祭 牲用馬
牛羊 又於雲中盛樂金陵

三所各立太祖廟 四時祭
官侍祀

泰嘗四年四月庚辰有事於東廟遠助祭者數百國

五年五月乙酉詔曰宣武皇帝體道得一天縱自然

大行大名未盡盛美非所以光揚洪烈垂之無窮也

今因啓緯圓始覩尊號天人之義煥然著明其改宣

為道更上尊謚曰道武皇帝以彰靈命之光啓聖德

之玄同告祠郊廟宣于八表

太武以泰嘗八年十月壬申即位十二月追尊妣為

密皇太后庚子葬明元皇帝于雲中金陵廟號太宗

始光三年六月幸雲中舊宮謁陵廟

神麤三年九月癸卯立密皇太后廟于鄴后杜氏生

帝而薨帝既立追尊號又立廟于鄴置祀官太常博士齊郎三十餘

人侍祀刺史四時薦祀以魏郡太后所生之邑復其

歲五祭調役後其露降于廟庭

太延元年十一月行幸鄴祀密太后

文成興安元年十月戊申即位十一月壬寅追尊皇

考景穆太子為景穆皇帝廟號恭宗皇妣閭氏為恭

皇后臣欽若等曰是年二月南安王儁立上大武尊謚廟號世宗

大安元年正月辛酉奉世宗恭宗神主于太廟

獻文以和平六年五月甲辰即位六月丙寅上文成

皇帝尊謚廟號高宗

天安元年三月辛丑奉高宗神主附于太廟

孝文承明元年六月辛未上太上皇帝尊謚曰獻文

皇帝葬于雲中金陵廟號顯宗

七月甲辰追尊皇妣李貴人為惠祖后

太和五年四月己亥行奉方山建永固石室於山上

銘太皇太后終制于金冊

六年十一月帝將親祀七廟詔有司依禮具儀於是

羣臣議曰昔有虞親虔祖考來格殷宗躬謂介福迨

降大魏七廟之祭依先朝舊事多不親謁今陛下孝

誠發中將思親祀稽合古王禮之嘗典臣等謹按舊

冊府元龜卷之二 卷之二十九
章并採漢魏故事撰祭服冠履牲牢之具盥洗簋簋
俎豆之器百官助祭位次樂官節奏之引升降進退
之法別集爲拜之儀制可於是帝乃親祭其後四時
常祀皆親之

十二年五月壬寅增置彝器於太廟

十四年十月癸酉葬文明太皇太后馮氏於永固陵
甲戌車駕謁永固陵甲申再謁

十五年三月甲辰謁永固陵

四月乙丑謁永固陵巳卯經始明堂改營太廟詔曰
祖有功宗有德自非功德厚者不得擅祖宗之名居
三祧之廟仰惟先朝舊事舛駁不同難以取准今將
述尊先志具詳禮典宜制祖宗之號定將來之法烈
祖有創基之功世祖有開折之德宜爲祖宗百世不
遷而遠祖平文之功未多於昭成然廟號爲太祖道
武建業之勲未高於平文廟號爲烈祖比功較德以
爲未允朕今奉遷道武太祖顯祖爲二祧餘者以次
而遷

七月乙丑謁永固陵巳卯詔議祖宗以道武爲太祖

臣欽若等曰是年四月七月日辰俱有乙丑巳卯案
太和十二年閏九月十八年閏二月卽是年閏在五
月六月也八月壬申詔郡國有時果可薦者送京師以供

廟饗乙巳親定禘祫之禮戊午又詔曰明堂太廟並就祖宗配祭配享於斯備矣白登崞山鷄鳴山廟惟遣有司行事馮宣王誕先王后復因在官長安立廟宜異嘗等可勅雍州以時供祭十月庚寅謁永固陵十一月丁卯以明堂太廟成遷七廟神主于新廟十六年正月始以太祖配南郊始以孟月祭廟宗祀顯祖獻文皇帝於明堂以配上帝禮置載戊申詔曰夫四時享祀天子嘗道然祭薦之禮貴賤不同故有邑之君祭以首時無田之士薦以仲月况七廟之重而用中節者哉自須蒸嘗之禮頗違舊義今將迎遵往式以此孟月時祠於太廟但朝典初改衆務殷奏無違齋潔遂及於今又按承神饗祖必須擇日今禮律未宣有司或不如此可勅太帝令尅日以聞

九月甲寅朔大序昭穆於明堂祀文明太皇太后於

玄室帝親為之詞云

十月巳亥詔曰夫先王制禮所以經綸萬代貽法後昆至乃郊天享祖莫不配祭然而有節白登廟者有為而興昭穆不次故太祖有三層之宇巴陵無方丈之室又嘗用季秋躬駕展虔祝禮或有褻慢之失嘉樂頗涉野合之儀今授衣之旦享祭明堂立冬之始奉蒸太廟若復致齋白登便為一月再駕事成褻瀆迴詳二理謂宜省一白登之高未若九室之美幃次之華未如清廟之盛將欲廢彼東山之祀成此二享

之敬可勅有司但令內典神者攝行祭事獻明道武各有廟稱可具依舊式

十八年閏二月甲戌謁永固陵七月戊戌謁金陵八月庚午謁永固陵十月戊申親告太廟奉遷神主

十九年四月太和廟成五月遷文成皇后馮氏神主於太和廟

二十三年二月甲戌謁永固陵三月辛卯謁金陵宣武以太和二十三年四月卽位上孝文皇帝尊謚

葬于長陵廟號高祖
六月戊辰追尊皇妣高氏曰文昭皇后

十月丙戌帝謁長陵遵遺詔孝文皇帝三夫人已下悉免歸家丁酉有事於太廟

景明元年正月壬寅謁長陵十月丁卯朔謁長陵二年正月丙辰朔謁長陵

孝明以延昌四年正月丁卯卽位二月甲戌上宣武皇帝尊謚葬於景陵廟號世宗十二月丁卯帝與皇

太后謁景陵
熙平二年七月己巳車駕有事於太廟

幼主釗以武泰元年二月乙卯卽位三月甲申上孝明皇帝尊謚葬於定陵廟曰肅宗

孝莊永安二年三月甲午追尊皇考為文穆皇帝臣

若等按後魏書文穆皇帝即彭城王也廟號肅祖皇妣李氏為文穆皇

后

四月癸未遷肅祖文穆皇帝及文穆皇后神主於太

廟

前廢帝普泰元年二月己巳即位四月壬子有事于

太廟

九月癸巳追尊皇考為先帝皇妣王氏為先太妃臣

若等按後魏書先帝即廣陵惠王羽也

後廢帝中興二年二月辛亥上孝莊皇帝謚曰武懷

皇帝孝武帝即位以武穆廟諱改謚孝莊皇帝廟號敬宗

孝武帝即出永熙二年正月丁巳追尊皇考為武穆

帝臣欽若等曰武穆帝即廣平武穆王懷也太妃馮氏為武穆后妣李氏

為皇太妃

西魏文帝以永熙三年閏十二月即位上孝武皇帝

尊謚殯于草堂佛寺大統元年三月戊申追尊皇考

為文景皇帝臣欽若等按後魏書文景即京兆王也皇妣楊氏為后

年十一月追改始祖神元皇帝為太祖道武為烈祖

廢帝以大統十七年三月即位四月庚辰上文皇帝

追謚葬於永陵

後周閔帝元年正月辛丑即天王位

臣欽若等日無年號追尊

皇考文公為文王皇妣為文后壬寅祠園丘詔曰予

本自神農其於二丘宜作厥主始祖獻侯

臣欽若等按後周書

獻侯名莫耶自陰山始居遼西

啓土遼海肇有邦國其配南北郊文

考德符五運受天明命祖于明堂以配上帝廟為太

廟乙巳祠於太廟辛酉又祠太廟

四月壬午謁成陵

太祖陵也

乙酉還宮丁亥祠太廟七月

辛亥享太廟

明帝以元年九月即皇帝位十一月庚子祠太廟十

二月庚午謁成陵癸酉還宮癸亥太廟成

武成元年八月己亥改天王稱皇帝追尊文王為文

帝祖考為德皇帝

臣欽若等按後周書德皇帝諱耽太祖父也

武帝以武成二年四月即位上明皇帝尊謚葬于昭

陵廟

保定元年正月戊辰詔曰履端開物實資元后代終

成務諒惟宰棟故周文公以上聖之智翼彼姬周爰

作六典用光七百自此厥後代失其緒俾魏魏之化

歷千祀而莫傳郁郁之風終百王而永墜我太祖文

皇帝稟純和之氣挺天縱之英德配乾元功俾造化

故能捨末魏之弊風蹈隆周之獻典誕述百官厥用

允集所謂乾巡改而重構豈帝王洪範而巳哉朕入
嗣大寶思揚休烈今可班斯禮於太祖廟庭巳巳祠
太廟班太祖所述六官焉 臣欽若等曰太祖依周禮
六官置百官令班行之
七月巳酉追封伯父顥為邵國公第三伯父維生為
莒國公天和三年五月庚戌祠太廟十月癸亥祠太
廟

建德元年三月誅大冢宰宇文護四月庚寅追尊畧
陽公為孝閔帝詔曰慎始敬終有國彝典事亡如存
哲王通制義崇追遠禮貴尊親故畧陽公至德純粹
天姿秀傑屬魏祚告終寶命將改謳歌允集曆數攸
歸上協蒼靈之慶下照后祇之錫而禍生肘腋暴起
蕭牆白獸噬駮蒼鷹集殿幽辱神器統酷乘輿冤結
生民毒流寓縣今泊海澄清氣沴涓蕩追尊之禮宜
崇徽號遣太師屬國公迥 尉遲
回也於南郊上謚曰孝閔
皇帝陵曰靜陵

二年正月乙卯祠太廟

四月巳亥祠太廟七月巳巳祠太廟

三年正月巳巳祠太廟

五年六月辛亥祠太廟

六年四月巳巳祠太廟

十月戊午改葬德皇帝於冀州帝服總哭於太極殿
宣帝以宣政元年六月卽位上武皇帝尊謚葬於孝
陵廟曰高祖七月巳巳祠太廟

大象元年正月癸巳祠太廟四月巳巳祠太廟
二年正月癸巳祠太廟

靜帝以大象二年五月入居天臺臣欽若等按後周書宣帝大象元年

二月傳位於帝居正陽宮至是遂入居天臺上宣皇帝尊謚葬于定陵

隋高祖開皇元年二月甲子受禪乙丑追尊皇考桓
王為武元皇帝廟號太祖皇妣呂氏為元明皇后遣

兼太保宇文善兼太尉李詢奉策詣同州告廟兼用
女巫同家人禮奉迎神主歸于京師犧牲尚赤祭用

日出改周氏左社右廟為右社左廟未言始祖又無
受命之祧自高祖以下置四親廟同殿異室一曰皇

高祖太原府君廟二曰皇曾祖康王廟三曰皇祖獻
皇廟四曰皇考太祖武元皇帝廟擬祖遷于上而太

祖之廟不毀臣欽若等案隋書太原太守惠瑗生平

刺史桓公忠忠生高祖周末高祖為隋國公詔贈烈
為太保康公禎為太傅獻公及高祖為隋王自康公
而下竝建王爵至是
竝惠瑗立四廟焉

四年正月巳巳有事於太廟
七年正月癸巳有事於太廟

十二年七月己巳有事於太廟

十月壬午有事於太廟至太祖神主前帝流涕嗚咽
悲不自勝

十三年正月壬子親祀武帝

煬帝以仁壽四年七月卽位上文皇帝尊謚十月己
卯葬于太陵廟號高祖

太業元年營建雒邑乃於東都固本里北起天經宮
以遊高祖衣冠四時致祭三年六月丁亥詔曰聿遵
孝享德莫至焉崇慶寢廟禮之大者然則質文異代
損益於時學滅坑焚經典散逸廟堂制度師說不同
所以世數多少莫能是正連室異宮亦無定準朕獲
奉祖宗欽承景美永惟嚴配思降大典於是詢謀在
位博訪儒術咸以爲高祖文皇帝受天明命奄有區
夏拯羣黎於四海革彫弊於百王恤獄緩刑生靈皆
遂其性輕徭薄賦比屋各安其業恢夷宇宙混同車
書東漸西被無思不服南征北怨俱荷來蘇駕毳乘
風歷代所弗至辨髮左衽聲教所罕及莫不厥角關
塞頓顙闕庭譯靡絕時書無虛月韜戈偃武天下晏
如嘉瑞休徵表裏禔福猗歟偉歟無得而名者也朕
又聞之德厚者流光治辨者禮縉是以周之文武漢

之高光其典章特立謚號斯重豈非緣情稱述卽崇顯之義乎高祖文皇帝宐別建廟宇以彰巍巍之德乃遵月祭用表蒸蒸之懷有司以時創造務合典制又名位旣殊禮亦異等天子七廟事著前經諸侯三昭義有差降故其以多爲貴王者之禮今可依用貽厥後昆是年有司奏請准前議於東京建立宗廟帝謂秘書監柳誓曰今始祖及二祧已具令後子孫處朕何所又下詔唯議別立高祖之廟屬有行役遂復停寢九年閏九月己巳幸博陵庚午帝謂侍臣曰朕昔從先朝周旋於此年甫八歲日月不居條經三紀追惟平昔不可復希言未卒流涕嗚咽侍衛者皆泣下沾襟

冊府元龜

册府元龜 卷之二十一 奉先第二

册府元龜

巡按福建監察御史臣李嗣京言

新建縣舉人臣戴國士參閱

知建陽縣事 臣黃國琦較釋

帝王部 三十

奉先第三

唐高祖以隋恭帝義寧元年封唐王二年三月巳巳

立四親廟武德元年五月甲子即位六月巳卯遷葬

皇高祖瀛州府君曰宣簡公皇曾祖司空曰懿王皇

祖景王曰景皇帝廟曰太祖陵曰永康皇祖妣曰景

册府元龜 帝王部

烈皇后皇考元王日元帝廟曰世祖陵曰興陵皇

日元真皇后臣欽若等按唐史隋恭帝義寧元年十月

唐仁公為元王二年三月竝高祖立四親至是追尊為元帝以上事見帝系門迎神玉册于

太廟

六年四月己未幸故宅改名通義宮祭元皇帝於舊

寢以貞元皇后配享高祖哽咽悲不自勝侍衛莫不

獻欷

太宗貞觀三年正月戊午有事於太廟禮士祭閱

九年五月上太上皇謚曰太武皇帝廟號高祖陵曰

獻陵

七月甲寅增修太廟崇祔弘農府君及高祖神主并

舊四室為六室臣欽若等按弘農府君太宗之代祖名重耳仕後魏為弘農太守是歲

太守命有司詳議廟制八座等奏議依晉宋故事立親廟六從之

十二月庚戌詔曰昔周監二代崇文武之典禮漢繼

三王尊高光之功烈斯固有國之彛訓不刊之令範

高祖太武皇帝聰明神武獻聖徇齊應天順民撥亂

反正德侔造化道濟區夏靖率土之沸騰拯黔首之

塗炭一戎大定四海宅心制治定之禮作功成之樂

天地交泰品物咸寧聲教遐洎休徵雜沓蠻夷戎狄

之長輻湊藁街麟鳳龜龍之祥光映圖史然猶印慎

一日推而弗居邁遠古之鴻名踰前王之至治朕以寡昧丕承景業緬惟永往攀慕終天思弘尊親之道庶展罔極之志竊惟太原之地肇基王迹事均豐沛義等宛譙理宜別建寢廟以彰聖德詳觀漢典抑有成規但先皇遺旨務存儉約虔奉訓誡無忘啓處宜令禮官與公卿等詳議以聞

十三年正月乙巳朔謁獻陵先日宿衛黃麾仗周衛陵寢至是質明七廟子孫及諸侯百僚蕃夷君長皆陪列于司馬門內帝至小次降輿號哭入闕門西面再拜慟絕不能興禮畢改服入于寢躬親執饌闋高祖及先后服御之物匍匐床前悲慟左右侍御者莫不獻欬

十六年四月辛亥制每薦新於太廟令太嘗卿及少卿一人行事十二月令左監門中郎將齊士員將兵衛獻陵乙酉帝召士員至望見而降殿自迎悲咽不已謂從官曰頃屬歲陰道暮情深罔極所備新衣珍饌欲以正旦奉薦園陵朕若親行使勞曷從三元告始家有吉凶慶慰之禮咸重茲日朕不欲煩勞乃自抑止因命江夏王道宗代行所獻之物竝跪授道宗

焉

十七年四月十一日帝親謁太廟謝承乾之過

高宗以貞觀二十三年六月卽位上文皇帝尊謚廟號太宗陵曰昭陵八月庚子奉太宗神主祔于太廟永徽元年五月吐火羅國獻大鳥高七尺帝以太宗懷遠所致獻于昭陵仍刻像於陵之內

三年正月丙子親祠太廟及布幣裸獻至太宗仰視六年正月壬申朔親謁昭陵文武百寮及宗室子孫並陪位帝降輦易服行哭就位再拜擗踊禮畢又改服奉謁寢宮其崇聖宮妃嬪大長公主已下及越趙二國太妃等先於神座左右侍列如平生帝入寢哭踊絕於地進至東階西面再拜號慟久之乃進太牢之饌如珍饈具品引太尉無忌司空勣越王福曹王明左屯衛大將軍程知節並入執爵進俎帝至神座前拜哭奠饌閱先帝先后衣服拜辭訖行哭出寢北門乃御小輦還行宮五月辛未以高祖太武皇帝既開基業不可限以常禮忌日特宜廢務

顯慶元年十月幸鄭州次汜水以先帝於汜水擒竇建德因平王充於是刻石立頌以紀功烈帝自爲頌文

五年二月乙未帝以每年二月太嘗卿少卿分行二

形... 奉先三... 卷之三十一
陵事重人輕又不備鹵簿威儀有闕乃令三公行事
太嘗卿少卿爲副太嘗別造鹵簿事訖則納於本司
仍著於令

龍朔二年六月辛酉詔奉嘗寺每五月六月停教樂
以太宗文皇帝文德皇太后忌月故也

乾封元年六月戊午詔曰朕以寡德嗣守宗祧雖明
發載懷肅恭禋祀踐霜露而興感奉盥洗以增哀每
惟宗廟至敬虔誠裸享而二尊一奠情有未安思革
舊章用崇嚴配管子曰禮者因人之情緣禮而爲之
節也故三王五帝禮制不同損益隨時期於適便况
罔極之恩旣展于茲辰終身之慕情深於是日豈可
以因循經禮乖違誠敬自今已後宗廟薦享爵及簠
簋登鉞各宜別奠其餘牢饌竝依嘗典

咸亨四年令劉仁軌郝處俊修撰國史帝以許敬宗
所紀多不實處俊曰先聖仁恩觸類皆是臣處俊往
年宿衛之日被差腰輦供奉見有三衛誤拂御衣此
人怕懼五情無主先聖謂之曰此間無御史我不爲
汝作罪過不須怕懼帝謂處俊曰此亦須入史

五年八月壬辰追尊太祖武皇帝爲高祖神堯皇帝
太宗文皇帝爲太宗文武聖皇帝太穆皇后爲太穆

神皇后文德皇后為文德聖皇后皇帝稱天皇皇后
稱天后以避先帝先后之稱

儀鳳二年五月壬戌詔尊宣皇帝陵為建昌陵先皇

帝陵為延陵

臣欽若等曰宣皇帝即高宗六代祖也
武德初進謚宣簡公先皇帝五代祖也

武德初尊謚懿王
至是俱尊為帝

中宗以弘道元年十二月即位上天皇太帝尊謚廟

號高宗葬乾陵

神龍元年正月復位改享德廟依舊為京太廟

臣欽若等

日初武后革命改京太廟為享德廟至是復焉

五月壬午遷武氏七廟于

西京崇尊廟

崇尊武氏太廟

東都割置太廟

八月乙亥崇祔太祖景皇帝獻祖先皇帝代祖元皇

帝高祖神堯皇帝太宗文武聖皇帝皇考高宗天皇

大帝皇兄義宗孝敬皇帝於東都太廟禮畢即日還

宮

十二月上則天皇后謚曰則天大聖后

睿宗唐隆元年六月即位七月庚辰追尊則天大聖

皇后依舊為天后

景雲元年十月復追尊天后為大聖天后

十一月巳酉葬中宗孝和皇帝於定陵帝思中宗之

德乃為紀聖頌以揚其徽範命有司刻之於石初中

宗以皇兄義宗孝敬皇帝祔太廟第七室至是中書令姚元之等奏於東都別立義宗廟祔中宗孝和皇帝和思皇后趙氏神主于太廟

太極元年正月辛未朔有事於太廟

延和元年六月乙卯追尊大聖天后為聖帝天后

玄宗先天元年八月即位十月丁酉太上皇詔曰昔

重華嗣德格于文祖高密陟后至于神宗蓋所以敬

履端之元申孝享之道皇帝初嗣大寶允膺休命歡

洽人靈慶溢宗社宏躬祇祀典用展肅雍可以今月

四日謁享太廟所司准式庚子帝謁太廟壬寅祔昭

成皇后肅明皇后神主于儀坤廟臣欽若等按唐書昭成皇后竇氏女

宗所生母也陵曰靖陵肅明皇后劉氏玄宗嫡母也陵曰惠陵

開元二年四月辛未詔曰園陵之地教冠所遊凡厥

有司罔不祇事禮存則先王是訓禮失則后代何觀

欽若永圖敢忘舊典頃者別致鷹狗供奉山陵至於

料度極多費損况昔誠禽荒既非尋嘗所用遠惟龍

馭每以仁愛為心彼耕象與耘鳥且增哀慕豈飛蒼

而走黃更備畋獵有乖儀式無益崇嚴載懷虧紊良

深悚惕諸陵所有供奉鷹狗等竝宜即停

四年七月己亥上太上皇尊謚曰大聖貞皇帝廟號

睿宗葬橋陵八月壬子勅宜於太廟西街西少府監空園內別造中宗廟依前隸入太廟署

臣欽若等按唐志禮官議

日孝和皇帝有中興之功而無後嗣請因殷之陽甲漢之成帝出為別廟從之

肅明皇后神

主於儀坤廟安置

臣欽若等按唐志禮官議曰昭成皇后有大祧之德已配於睿宗肅

明皇后無啓母之尊自應別廟從之

乙巳勅中宗孝和皇帝合別立廟

宜修理儀坤廟隸入太廟署不煩別署官屬

十一月丁亥徙中宗神主于西廟

五年正月癸卯太廟四室壞帝素服避正殿迎神主

於太極殿輟朝五日視事於別殿己酉親享太極殿

十月丙子京師修太廟成戊寅祔神主于太廟

六年十一月辛卯至自東都丙申親謁太廟時有司

撰儀注以祔祭之日車駕發宮中帝謂宰臣宋璟蘇

頲曰祭必先齊必也據儀注祭之日發大明宮又以

質明行事朕便侵星而發猶是移辰方到質明之禮

其可及乎又朕不宿齋宮即安正殿情所不敢寗於

廟所設齋宮五日赴行宮宿齋六日質明行事庶合

於禮璟等稱聖情深至請即奉行詔有司改定儀其

日帝自齋宮步詣太廟入自東門就立位樂奏九成

升自阼階行裸奠之禮至睿宗室俯伏鳴咽侍臣莫

不流涕乃下制曰朕聞禮莫大於孝惟孝所以通神

明事莫大於祀惟祀所以謁宗廟顧此薄德復承不緒恭虔夙夜弗敢遑寧去歲爰命司空增崇太室尋以匠者功就養人禮奉雖是効是則率繇典章而不躬不親曷盡誠敬粵自河雒旋于京師聿修齋祭致用蠲潔屬羣方駿奔庶位咸列裸奠式受咸懷載殷聖靈在天若享精意伊爾王公卿士下逮黎蒸道存念茲惠乃錫類

七年五月勅曰五月是齋舊有嘗式六月緣忌特令斷屠宜令所司進蔬食府縣捉搦勿令屠宰宋徽宗十年六月己巳增置京師太廟爲九室移孝和皇帝神主以就正廟下詔曰朕聞王者乘時以設教因事以制禮沿革以從宜爲本取捨以適會爲先故損益之道有殊質文之用甚異且夫至德之謂孝所以通於神明大事之謂祭所以虔于宗廟國家握紀命曆重光累盛四方繇其繼明七代可以觀德朕嗣守丕業祇奉睿圖聿懷昭事罔不恤祀嘗覽古典爰詢廟制遠則殷周事異近則漢晉道殊雖禮文之不一因嚴敬之無二朕以爲立愛自親始教人睦立敬自長始教人順是知政以道存禮從時變特因宜以創制豈法古而限今况恩以降殺而疎廟以遷毀而廢雖

式瞻古訓禮則不違而永言孝思情所未足享嘗則止豈愛崇而禮備有禱而祭非德盛而流永其祧室宜列爲正室將使親而不盡遠而不祧廟以貌在宗由尊立俾四時式薦不間於毀主百代靡遷匪惟於始廟所謂變以合禮動而得中嚴配之典克崇肅雍之美茲在又兄弟繼及古有明文今中宗神主猶居別處詳求故實當守不安移就正廟用彰大典仍創置九室宜令所司擇日啓告移造

十一年正月行幸北都帝親製起義堂頌刻石紀功于太原府之南街五月乙丑遷祔中宗神主于太廟月丙辰制曰崇建宗廟禮之大者聿追孝饗德莫至焉今宗以立尊親無遷序永惟嚴配致用蠲潔棟宇式崇禋奠斯受顧茲薄德獲承禋祀不躬不親曷展誠敬宜用八月十九日祇見九室

是月戊申尊八代祖宣皇帝號懿祖始祔于太廟之九室

十七年十一月庚寅親享九廟辛卯發京師丙申謁橋陵帝望陵涕泣哀感左右奉先縣以所管萬三百戶供奉陵寢曲赦縣內大辟罪已下戊戌謁定陵己亥謁獻陵乙巳謁乾陵戊申還宮

二十一年正月乙巳遷肅明皇后神主於太廟附肅宗室殿儀坤廟

二十五年七月己卯詔諸陵廟竝隸宗正寺其官員悉以宗子為之

二十七年二月己巳詔曰宗廟致敬必先於如在神人所依無取於非族深惟至理用切因心其應緣太廟五享於宗子及嗣郡王中揀擇有德望者令攝三公行事其異姓官吏不須令攝

二十八年七月壬寅尊宣皇帝陵為建初陵先皇帝陵為啓運陵仍置官員

天寶元年二月甲午親享太廟

以加尊號故也

二年三月制曰涼武昭王朕十一代祖也積德右地炳靈中葉奄有舊國兆先帝功敬追尊為興聖皇帝其陵側左近仍竝禁樵牧春秋二時備致祭

八月制曰禮祀者所以展誠敬之心薦新者所以申霜露之思是知先王制禮蓋緣情而感時朕承丕業肅恭祀事至於諸節嘗修薦享自流火留期商風改律載深追遠感物增懷且詩著授衣令存休澣在於臣子猶及恩私恭事園陵未標典式自今以後每至九月一日薦衣于陵寢貽範千載庶展孝思且仲夏

端午事無典實傳之淺俗遂乃移風况乎以孝道人
因親設教感游衣於漢紀成獻報於禮文宣示庶寮
令知朕意

六載正月丁亥親祠太廟

以戊子祀
圓丘故也

八載閏六月丙寅上高祖神堯皇帝尊謚曰高祖神
堯大聖皇帝太穆皇后竇氏尊謚曰太穆順聖皇后
太宗文武聖皇帝尊謚曰太宗文武大聖皇帝文德
聖皇后長孫氏尊謚曰文德順聖皇后高宗天皇大
帝尊謚曰高祖天皇大聖皇帝大聖則天皇后武氏
尊謚曰則天順聖皇后中宗孝和皇帝尊謚曰中宗

孝和大聖皇帝和思皇后趙氏尊謚曰和思順聖皇
后睿宗大聖真皇帝尊謚曰睿宗玄真大聖皇帝昭
成皇后竇氏尊謚曰昭成順聖皇后肅明皇后劉氏
尊謚曰肅明順聖皇后以來月五日於太清宮聖祖
前恭申冊禮宜令所司卽詳定儀注聞奏丁卯詔曰
禘祫之禮以存序位質文之變蓋取隨時國家系本
仙家業承聖祖重熙累盛既錫無疆之休合享登神
思弘不易之典自今已後每神並於太清宮聖神前
設位序正上以明陟配之禮欽若玄穹下以盡虔恭
之誠無違至道比來每緣禘祫時享則停事雖適於

從宜禮或虧於必備已後每緣禘祫其常享無廢又
 奉先追遠禮惟昭德崇福展敬義在因心自今已後
 獻祖宣皇帝宣莊皇后懿祖光皇帝光懿皇后忌日
 宜令京城寺觀一日設齋太祖景皇帝烈皇后代祖
 元皇帝元貞皇后忌日京城三日行道

九載十一月巳丑制曰春秋致享用存昭敬祝史陳
 信必在正辭苟名位之或乖於上下而非便故經稱
 崇事易載顯若所以展祇肅明等威朕欽崇道本嗣
 守丕業每懷如在之誠敢忘奉先之旨禮或未達情
 實匪寧承前有事宗廟皆稱告享茲乃臨下之辭願

薦尊上之義靜言斯稱殊未為允自今已後每親告
 獻太清宮太微宮改為朝獻有司行事為薦獻親告
 享宗廟為朝享有司行事為薦享親巡陵為朝拜有
 司行事為拜陵應緣諸事告宗廟者改為奏其郊天
 后土及祀祝云敢昭告于者竝改為敢昭薦于式崇
 寧禮庶表因心宣示中外令知朕意

十載正月癸巳朝享太廟

以甲午有事於南郊故也

十一載三月丙午制今後每月朔望宜令薦食於太
 廟每室一牙盤乃五日一開室門灑掃

十三載二月癸酉親享太廟以兩漢諸帝廟號皆有

孝字帝王徽號莫大於孝是以上高祖神堯大聖皇帝
 帝謚曰高祖神堯大聖大光孝皇帝太宗文武大聖
 皇帝曰太宗文武大聖大廣孝皇帝高宗天皇大聖
 皇帝曰高宗天皇大聖大弘孝皇帝中宗大和大聖
 皇帝曰中宗大和大聖大昭孝皇帝睿宗玄真大聖
 皇帝曰睿宗玄真大聖大興孝皇帝

臺其署令改為
臺令加舊一階

是歲改獻昭乾
定橋五陵署為

肅宗至德二年十月丁卯入長安先是九廟為賊所
 焚帝素服哭於廟三日入大明宮

十二月新作九廟神主於長安殿安置帝親告享流
 涕嗚咽感動左右初帝在彭原使人於鳳翔郡採栗
 木以作神主備之及是奉迎告享用之

乾元元年四月辛亥九廟神主自長安殿遷入太廟
 帝備法駕鹵簿警蹕王公百寮從甲寅帝親行享禮
 代宗以寶應元年四月卽位上文明武德大聖大宣
 孝皇帝尊謚廟號肅宗陵曰建陵

五月庚寅進冊先妃吳氏為皇太后
 三年四月巳丑祧獻祖懿祖二室遷太祖巳下七室
 祔玄宗二室五月辛亥以醴泉縣奉建陵昇固赤縣
 廣德二年正月丙辰勅以來月七日饗太廟二月甲

成親享太廟九室

大曆二年四月癸未詔有司陵廟祠祭并三長齋月
依舊薦酒肉

七年五月徙忻州七聖廟尊容置于太原之紫極宮

八年五月庚子是日太宗諱日命有司備四千僧齋

於昭成寺十月己酉命有司大禘於廟是日冬享因

展禮也

德宗以大曆十四年五月卽位八月庚申上睿文

武皇帝尊謚廟號代宗葬元陵

十二月己酉祔代宗神主于太廟禮儀使顏真卿奏

議祧元皇帝于西夾堂

建中元年正月庚午謁太廟

以辛未有事于南郊也

三月丙寅禮儀使奏東都太廟闕木主請造詔下議

之

初武后於東都立高祖太宗高宗三廟至中宗已後兩京太廟四時並祭至德之亂木主多亡缺未

附於是議者紛然而大旨有三日必存其廟遍立羣主時享之日以他官攝行二日建廟立主存而不祭

若皇輿時巡則就享之三日存其廟座或東幸則飾齋車奉京師羣廟之主以往議皆不決而罷

二年二月復肅宗神座于寢宮先是寶應二年西戎

犯京師焚建陵之寢室至是始創復焉

十月癸卯祫饗太廟始奉獻祖神主出行禘禮初寶

應二年玄宗肅宗神主祔廟始遷獻祖懿祖神主於

西夾室是時禮儀使于休烈以國喪畢將行祫享以太祖既位當東面獻祖懿祖屬尊於太祖若同祫享卽太祖不得居正位於是永闕二神主於西夾室至是有司亦以國喪既畢當行祫禮於是大嘗博士陳京建議請准魏晉以來祫禮奉二主出同祫享與太祖竝列昭穆而虛東向之位又云若以二祖同享謂太祖失尊位卽請奉二祖神主於德明皇帝廟祫享詔下尚書省雜議禮儀使顏真卿請依蔡謨等議至祫享之日奉獻祖神主居東面之位自懿祖太祖洎諸祖宗尊左昭右穆之列時宰臣百寮竝同真卿之議奏留中不出將及祫享真卿又奏請從蔡謨議爲定從之

興元元年十二月甲午詔曰朕一經播遷久曠禮儀不唯霜露之感實貽失墜之憂賴先澤在人上帝臨我克平大難載復舊京方欲展禮郊丘請罪宗廟而乃股肱卿士詢謀異同明孝敬之大端陳古今之正義三省章表深體乃誠以義制心允從衆請予之不德愧歎良深其來年告謝郊廟百寮請俟後期者可之其元日御含元殿准式時李懷光李希烈竝叛逆不賓京師將士賞賚未徧人情尚擾不安李晟自鎮

上表請權停郊廟之禮百寮議與晟協故有是詔
貞元五年八月詔天下諸上州並宜國忌日准式行
香

九年六月癸亥詔定國忌日寺觀齋僧道人數有差
十一月甲寅朝享太廟前一日有勅至廟行禮不得
施褥至敬之所自合履地而行

十二年十月辛亥祫祭於太廟

十四年正月詔曰八陵宮寢

臣欽若等曰自高祖至代宗凡八陵

久要

修葺此緣日月非便未及興工宜令宗正寺與所司
卽計料依所擇日速修理初宗正寺奏諸陵宮寢屋
宇摧壞及要科剝松栢等勅詔陰陽人楊季炎擇日
起修

三月詔曰八陵舊寢宮在山上置來多年曾經野火
燒焚摧毀畧盡其宮尋移在瑤臺寺側左今屬通年
欲議修置緣供水稍遠百姓非嘗勞弊今欲於見住
行宮處修造冀久遠使人又爲改移舊制恐所見未
周宜令中書門下及百寮同商量可否聞奏丁丑令
昭陵宜修舊宮先有五間殿依舊基創造寢殿五間
餘舍屋准圖起造初正月中令有司修葺陵寢以昭
陵舊宮先因火焚毀百官詳議而議者多云修舊宮

帝意欲遷移繇是以山下爲定於是遣右諫議大夫平章事崔瑱充脩八陵使及所司計料獻昭乾定泰五陵各造屋三百七十八間橋陵一百四十間元陵三十間唯建陵不復創造但修葺而已所緣陵寢中惟牀蓐一事已上竝令創造帝親加閱視然後遣送赴陵所八月以修八陵畢廢朝一日羣臣於宣政殿前橫行稱賀中尉第五守亮宣詔曰朕獲主宗祀以奉園陵歲月滋深是有崇飾今修奉旣畢感慕增懷所賀知

十五年二月丁亥不視事以公卿等朝拜諸陵循親

規制也

初是月七日拜陵官發其日本不視事道會董晉卒廢朝至十六年二月公卿拜陵發日遂不視事迄今便因循行此禮時謂不經無據也

五月壬戌不視事以逼先帝忌故也

十六年二月辛未不視朝以拜陵公卿辭故也

十九年四月壬辰修德明興聖獻祖廟甲午詔曰奉

遷獻祖懿祖神主太祖景皇帝正東向之位虔告之

禮當在重臣宜令簡較司空平章事杜佑攝太尉告

于太清宮門下侍郎平章事崔瑱太尉告太廟詔曰

國之大事式在於明禋王者孝享莫重於殷祭所以

尊祖而正昭穆也朕承列聖之休德荷上天之賡命

虔奉牲帛二十有五年永惟宗廟之位禘嘗之序夙
夜祗慄不敢自專是用延訪公卿稽叅典禮博考群
議至於再三敬以令辰奉遷獻祖宣皇帝神主懿祖
光皇帝神主祔於明德興聖皇帝廟太祖景皇帝正
東向之位宜令有司備禮務極嚴重祇肅祀典載深
感惕咨爾中外宜悉朕懷丙申奉遷獻祖懿祖神主
祔於明德興聖廟文武三品已上官序位於廟廷宗
子諸親咸陪列馬門下侍郎平章事崔瑱攝司徒從
金輅至行廟升座畢奠用脯酒稱官跪奏安神退戊
戌帝不視事宰臣及百官以祔廟禮畢蹈舞賀于宣

政殿前

憲宗永貞元年九月丁卯上神武孝文皇帝尊謚廟
號德宗葬崇陵十一月册謚德宗母沈氏曰睿貞皇
后奉神主祔于代宗之室

元和元年七月上至德大安孝皇帝尊謚廟號順宗
葬豐陵以奉先縣神泉鄉櫟陽縣大澤鄉美原縣義
林鄉竝隸富平縣以奉豐陵

二年正月庚寅朝享于太廟初次諸室帝皆盡于敬
誠至德宗順宗室帝流涕嗚咽若不自勝侍臣及奉
册讀册官皆相顧感泣

穆宗以元和十五年正月卽位五月上聖神章武孝皇帝尊謚廟曰憲宗葬景陵以美原縣龍原鄉櫟陽縣萬年鄉竝移隸奉先縣以奉陵寢七月歙州奏當州有玄宗皇帝真容在開元寺去城十里今請移於廓內龍興寺仍交換寺額制可之

長慶元年正月巳亥朔備法駕親薦獻于太清宮遂齋于太廟庚子享太廟至順宗顯宗二室上獻歙流涕侍臣從官皆感動禮畢復齋于郊壇行宮

敬宗以長慶四年正月卽位上睿聖文惠孝皇帝尊謚廟號穆宗葬光陵勅富平縣宜割豐水鄉華州下

邽縣割翟公鄉同州澄城縣割撫道鄉白水縣割會賓鄉以奉陵寢

寶曆元年正月庚戌謁太廟

以辛亥有事于南郊故也

七月辛亥勅奉先一縣獨奉八陵供辦支持實爲繁併眷言物力須議優矜宜委京兆府減一半租并雜色役等令諸縣均出

文宗以寶應二年十二月卽位上睿武昭愍孝皇帝廟號敬宗葬莊陵

太和元年四月禮儀使奏拆脩太廟西夾室遷移神五位得大小署令狀擇用四月二十四日吉其日光

出室內先祧遷神主五位入幕殿便起首拆脩至五月五日畢功六日却移神主入室詔依太室遷神主例五月京兆府奏莊陵准穆宗陵例割鄰近縣鄉奉陵供應今高陵縣萬福鄉富陵縣從化鄉雲陽縣善化鄉涇陽縣嘗樂鄉其界竝不隔越伏准穆宗陵例合割前件四鄉屬三原縣添奉陵寢從之

三年十一月癸巳謁太廟

以甲午有事于南郊故也

五年五月戊戌朔辛丑宗正寺奏太廟第四室第六室破漏四月九日已具聞奏訖有司不時興工至今稽滯勅太廟或要脩葺有司合星夜興工以涉稽滯

須有懲責將作監王堪宜罰兩月俸料度支判官罰一月俸料宗正卿李銑奏報稍晚量罰一月俸帝遽命中人令領工徒以禁中即日脩營材木脩葺左補闕韋温上疏極諫疏奏帝甚嘉納絲是追止中人命有司嚴加脩奉甲寅宗正等請脩獻陵乾陵定陵橋陵泰陵建陵元陵崇陵豐陵景陵光陵莊陵惠陵昭陵詔曰所脩陵寢事至嚴重簡計崇飾須得精實宜令度支郎中盧商將作少監韋長同往諸陵子細簡計具合修與不合處聞奏

八年正月丙寅修太廟以太嘗卿庾承宣攝太尉徧

告九室遷神主于便殿

五月甲寅詔口忌辰修齋雖出近制斟酌損益貴於得中况在不遷之宗允資異數之禮五月六日二十六日兩忌設齋人數宜各加至二千人太穆文德皇后忌日亦宜各加倍數其寺觀仍舊十二月八日忌宜於五所寺觀共設四千人宜令所司准式已巳修太廟畢以吏部尚書令狐楚攝太尉通告神主却復正殿

開成元年七月丙戌監察御史請修太廟祭器初帝言於宰臣曰宗廟之事朕合自行千乘萬騎動資國用每至有事之日被朕冠冕危坐待旦比聞有司發饌不精酒醴酸濁卿當宣諭監察御史俾之臨祭勿有不虔御史崔黯監察受宣遂有此奏

四年三月巳卯帝御紫宸殿宰臣楊嗣復奏曰太廟准禮三年一禘五年一禘今是禘祭時讓皇帝廟亦合禘祭臣案讓帝本封寧王玄宗親兄玄宗既定內難寧王能讓帝位玄宗感之贈以鴻名其復置廟享獻禘祫與九廟同至上元二年杜鴻漸奏停時享而禘祫存今玄宗肅宗神主已歸夾室讓皇帝猶禘祫不闕於禮未安李班曰宗廟事重比者臣不敢輕議

帝王至今禘祫實不當禮嗣復所論至當今請下禮
官議帝曰俞四月壬戌帝御紫宸殿問宰臣曰皇城
使上言太廟中有麇走出安有宗廟之中得此野獸
宰臣請宣示宗正寺使令巡簡帝曰可召宗正卿來
朕自戒勵之遂召宗正卿李踐方至帝曰宗廟至重
卿宜恪勤官業勿俾太廟有所壞隳勿拘陰陽不旋
脩葺漢有昭陽未央尚猶崇飾潔况宗廟乎無長蒿
萊以藏野獸言訖泫然踐方叩頭請罪久之帝自卽
位宗廟祀事未嘗不戒勵有司俾其嚴潔詩云祀事
孔明其此之謂乎

終

冊府元龜

巡按福建監察御史臣李嗣京 訂正

分守建南道左布政使臣胡維霖 參閱

知建陽縣事 臣黃國琦較釋

帝王部 三十一

奉先第四

唐武宗以開成五年正月卽位上元聖昭獻皇帝尊
謚廟號文宗葬章陵

二月制穆宗妃韋氏追謚宣懿皇太后帝之母也

三月勅復國忌行香以文宗開成三年十月曾廢故

也

會昌元年五月祔宣懿皇太后于太廟六日制曰朕
近因載誕之日展承顏之慶皇太后謂朕曰天子之
孝莫大於丕承人倫之義莫重於嗣續穆宗睿聖文
惠孝皇帝厭代已久星霜屢遷禰宮曠合食之禮惟
帝深濡露之感宣懿皇太后長慶之際德冠後宮夙
表沙麓之祥實茂河洲之範先朝恩禮之厚中壺莫
偕况誕我聖君續承昌運已協華於先帝方延祚於
後昆恩廣貽謀庶弘博愛爰遵舊典以慰孝思當以
宣懿皇太后祔太廟穆宗睿聖文惠孝皇帝之室率
是彝訓其敬承之祇奉慈旨載深感咽宜令宣示中
外咸使聞知

五年十月中書奏云汜水武牢關是太宗擒王世充
竇建德之地關城東峯有二聖塑像在一堂之內伏
以山河如舊城壘猶存威靈皆畏于軒臺風雲凝還
於豐沛誠宜百代嚴奉萬邦所瞻西漢故事祖宗嘗
所行幸皆令郡國立廟今緣定覺寺例合毀拆塋取
寺中大殿材木於東峯改造一殿四面兼置宮監伏
望號爲昭武廟以昭聖祖武功之盛望委孟懷節度
使差幹事判官一人勾當修建然聖像頗已故暗望

令李石于東都棟絕好畫手就加嚴飾初興功日望
令東都差分司郎官一人薦告畢日別差官展敬從
之

六年二月太嘗禮院奏准勅東都太廟諸室神主都
二十六都待修廟畢日具禮迎致于西夾室所遷神
主月日及儀注等宜令所司詳定聞奏者擇用四月
九日告制可

宣宗以會昌六年三月卽位上至道昭肅孝皇帝尊
謚廟號武宗葬端陵

四月東都留守李石奉脩奏太廟畢所司迎奉太微
宮神主祈廟訖東都太廟者本武太后家廟神龍中
中宗反正廢武氏廟主立太祖已下神主祔之安祿
山陷雒陽以廟爲馬廐棄其神主而協律郎嚴郢收
而藏之史思明再陷雒陽尋又散失賊平東京留守
盧正已又募得之時廟已焚毀乃寄主於太微宮大
曆十四年留守路嗣恭奏重修太廟以迎神主詔百
官參議紛然不定禮儀使顏真卿堅請歸祔不從會
昌五年留守李石因太微宮正殿圯多請以廢弘敬
寺爲太廟神主祔之又下百寮商量皆言准故事無
兩都俱置宗廟之禮唯禮部侍郎陳商議云周之文

武有鎬雒二廟今兩都異廟可也然不宜置主于廟
主宜依禮瘞于廟之北墉事下未行而帝卽位因詔
有司迎太微宮寓主祈廢寺之新廟而知禮者非之
懿宗以大中十三年八月卽位上聖武獻文孝皇帝
尊謚廟號宣宗葬真陵

九月追尊母晁氏爲太后謚曰元昭

咸通元年十一月丁未有事于郊廟

十三年十二月制追謚宣宗爲元聖至明成武獻文
睿智章仁神聰懿道大孝皇帝

僖宗以咸通十四年七月卽位上睿文昭聖恭惠孝
皇帝廟號懿宗葬簡陵

乾符元年十一月庚寅有事于郊廟

中和元年四月帝在成都府有司請享太祖已下十
一室詔公卿議其儀太嘗卿崔厚議立行廟以玄宗

幸蜀時道宮玄元殿之前架帷幕爲十一室又無神

主題神主版位

達禮者非之明年乃特造神主以祔行廟

光啟三年二月自興元還京以宮室未備權駐鳳翔
禮院奏皇帝還宮先謁太廟今宗廟焚毀神主失墜
請准禮例修奉制曰朕以涼德祗膺寶圖不能上承
天休下正人紀兵革競興於寓縣車輿再越於藩垣

宗廟震驚蒸嘗廢缺敬承典禮倍切哀摧宜付所司
時奉脩太廟使宰臣鄭延昌奏京城除充大內及正
衙外別無殿宇伏聞先有詔旨欲以少府監大廳權
充從之

昭宗以文德元年三月卽位上惠聖恭定孝皇帝尊
謚廟號僖宗葬定陵

四月庚午追謚聖母惠安太后王氏曰恭獻

十一月甲寅有事於郊廟

哀帝以天祐元年八月卽位上聖穆景文孝皇帝尊
謚廟號昭宗葬和陵

二年二月己未昭宗皇帝神主祔太廟禮院奏昭宗
廟樂曰咸寧之舞時左僕射裴贄等議遷廟合遷順
宗一室從之

四月勅河南府緱氏縣令宜兼充和陵臺令仍升爲
赤縣

十月丁未改題襄宗神主廟號是日輟朝百官奉慰

臣欽若等曰時起居郎蘇楷駁昭宗謚號太嘗
卿張廷範改謚曰莊靈恭閔孝皇帝廟號襄宗

後唐莊宗同光元年四月卽位閏月追尊曾祖蔚州
太保爲昭烈皇帝廟號懿祖夫人崔氏曰昭烈皇后
陵曰永興追尊皇祖代州太保爲文皇帝夫人秦氏

日文景皇后陵曰長寧追尊皇考河東軍節度使守太師中書令晉王爲武皇帝詔於晉陽創中興宗廟以高祖神堯皇帝太宗文皇帝懿宗昭聖皇帝昭宗聖穆皇帝洎懿祖已下三室爲七廟

十一月甲辰勅雒京太廟先爲朱溫毀廢將幸雒陽宮告廟下尚書省會議重修本朝宗廟

二年正月丁巳所司奏懿祖昭烈皇帝八月十四日忌昭烈皇后十一月八日忌獻祖文皇帝十月十三日忌文景皇后九月六日忌太祖武皇帝正月二十日忌勅敬依典禮甲子西都留守張筠奏重修高祖太宗十聖宮殿戊辰饗太廟以皇子繼岌爲亞獻皇帝存紀爲終獻

二月丁亥遣宗正李紆朝拜和陵丁酉吏部奏十道圖內州縣名共三十七處犯獻祖廟諱勅改易之
三月中書門下奏北京三陵所宜尊奉竊尋故事宜建嘉名昭烈皇帝陵請以永興爲名文皇帝陵請以長寧爲名武皇帝陵請以建極爲名從之

八月以宗正少卿李瓊往曹州檢行哀帝陵寢三年正月丙申勅曰朕顧惟寡德獲嗣丕圖奉先之道嘗勤送在之誠靡怠爰自重興廟社載展郊禋旋蕩滌

于瑕疵復涵濡于慶澤蓋憂勞靜國曠墜承祧御朽
若驚涉川為懼繇是推移歲月鬱滯情懷恭念昭宗
晏駕之辰少帝登遐之日咸罹虺毒遽殞龍髯委冠
劍于仇讎託山陵于梟獍靜惟規制豈叶度程存愴
結以彌深固寢興而增惕虔思改卜式慰允懷宜令
所司別選園陵備禮遷葬貴雪幽明之故以申追慕
之心凡百臣寮體朕哀感雖有是命以年饑財不足
而止已亥太嘗禮院奏三月合差官朝拜諸陵宜以
十八日辛巳從之癸亥湖南馬殷奏管內州縣名有
犯獻祖廟諱處道州延昌縣復舊名延唐縣彬州義
昌縣改為義彰縣岳州昌江縣改為平江縣所司鑄
換新印賜之

三月丙申寒食節車駕在鄴都帝與皇后出近郊遙
享代州親廟

十月上皇太后諡曰貞簡皇太后名陵曰坤陵
十一月庚寅朔辛壽安號慟於坤陵

明宗天成元年四月卽位七月上莊宗尊諡曰光聖
神閔孝皇帝

八月甲午廢朝以莊宗神主祔太廟禮也

十一月庚寅宗正少卿李堯奏恭陵所其山園之內

帝王至今禘祫實不當禮嗣復所論至當今請下禮
官議帝曰俞四月壬戌帝御紫宸殿問宰臣曰皇城
使上言太廟中有麀走出安有宗廟之中得此野獸
宰臣請宣示宗正寺使令巡簡帝曰可召宗正卿來
朕自戒勵之遂召宗正卿李踐方至帝曰宗廟至重
卿宜恪勤官業勿俾太廟有所壞隳勿拘陰陽不旋
脩葺漢有昭陽未央尚猶崇飾潔况宗廟乎無長蒿
萊以藏野獸言訖泫然踐方叩頭請罪久之帝自卽
位宗廟祀事未嘗不戒勵有司俾其嚴潔詩云祀事
孔明其此之謂乎

終

冊府元龜

巡按福建監察御史臣李嗣京 訂正

分守建南道左布政使臣胡維霖 參閱

知建陽縣事 臣黃國琦較釋

帝王部 三十一

奉先第四

唐武宗以開成五年正月卽位上元聖昭獻皇帝尊
諡廟號文宗葬章陵

二月制穆宗妃韋氏追諡宣懿皇太后帝之母也

三月勅復國忌行香以文宗開成三年十月曾廢故

也

會昌元年五月祔宣懿皇太后于太廟六日制曰朕
近因載誕之日展承顏之慶皇太后謂朕曰天子之
孝莫大於丕承人倫之義莫重於嗣續穆宗睿聖文
惠孝皇帝厭代已久星霜屢遷禰宮曠合食之禮惟
帝深濡露之感宣懿皇太后長慶之際德冠後宮風
表沙麓之祥實茂河洲之範先朝恩禮之厚中壺莫
偕况誕我聖君續承昌運已協華於先帝方延祚於
後昆恩廣貽謀庶弘博愛爰遵舊典以慰孝思當以
宣懿皇太后祔太廟穆宗睿聖文惠孝皇帝之室率
是彝訓其敬承之祇奉慈旨載深感咽宜令宣示中
外咸使聞知

五年十月中書奏云汜水武牢關是太宗擒王世充
竇建德之地關城東峯有二聖塑像在一堂之內伏
以山河如舊城壘猶存威靈皆畏于軒臺風雲凝還
於豐沛誠宜百代嚴奉萬邦所瞻西漢故事祖宗嘗
所行幸皆令郡國立廟今緣定覺寺例合毀拆塋取
寺中大殿材木於東峯改造一殿四面兼置宮監伏
望號爲昭武廟以昭聖祖武功之盛望委孟懷節度
使差幹事判官一人勾當修建然聖像頗已故暗望

令李石于東都棟絕好畫手就加嚴飾初興功日望
令東都差分司郎官一人薦告畢日別差官展敬從
之

六年二月太嘗禮院奏准勅東都太廟諸室神主都
二十六都待修廟畢日具禮迎致于西夾室所遷神
主月日及儀注等宜令所司詳定聞奏者擇用四月
九日告制可

宣宗以會昌六年三月卽位上至道昭肅孝皇帝尊
諡廟號武宗葬端陵

四月東都留守李石奉脩奏太廟畢所司迎奉太微
宮神主祈廟訖東都太廟者本武太后家廟神龍中
中宗反正廢武氏廟主立太祖已下神主祔之安祿
山陷雒陽以廟爲馬廐棄其神主而協律郎嚴郢收
而藏之史思明再陷雒陽尋又散失賊平東京留守
盧正已又募得之時廟已焚毀乃寄主於太微宮大
曆十四年留守路嗣恭奏重修太廟以迎神主詔百
官叅議紛然不定禮儀使顏真卿堅請歸祔不從會
昌五年留守李石因太微宮正殿圯多請以廢弘教
寺爲太廟神主祔之又下百寮商量皆言准故事無
兩都俱置宗廟之禮唯禮部侍郎陳商議云周之文

武有鎬雉二廟今兩都異廟可也然不宜置至于
主宜依禮瘞于廟之北墻事下未行而帝卽位因
有司迎太微宮寓主祈廢寺之新廟而知禮者非之
懿宗以大中十三年八月卽位上聖武獻文孝皇帝
尊諡廟號宣宗葬真陵

九月追尊母晁氏爲太后諡曰元昭

咸通元年十一月丁未有事于郊廟

十三年十二月制追諡宣宗爲元聖至明成武獻文
睿智章仁神聰懿道大孝皇帝

僖宗以咸通十四年七月卽位上睿文昭聖恭惠孝
皇帝廟號懿宗葬簡陵

乾符元年十一月庚寅有事于郊廟

中和元年四月帝在成都府有司請享太祖已下十
一室詔公卿議其儀太嘗卿崔厚議立行廟以玄宗
幸蜀時道宮玄元殿之前架帷幕爲十一室又無神

主題神主版位

達禮者非之明年乃特造神主以祔行廟

光啟三年二月自興元還京以宮室未備權駐鳳翔
禮院奏皇帝還宮先謁太廟今宗廟焚毀神主失墜
請准禮例修奉制曰朕以涼德祗膺寶圖不能上承
天休下正人紀兵革競興於寓縣車輿再越於落垣

宗廟震驚蒸嘗廢缺敬承典禮倍切哀摧宜付所司
時奉脩太廟使宰臣鄭延昌奏京城除充大內及正
衙外別無殿宇伏聞先有詔旨欲以少府監大廳權
充從之

昭宗以文德元年三月卽位上惠聖恭定孝皇帝尊
謚廟號僖宗葬定陵

四月庚午追謚聖母惠安太后王氏曰恭獻

十一月甲寅有事於郊廟

哀帝以天祐元年八月卽位上聖穆景文孝皇帝尊
謚廟號昭宗葬和陵

二年二月己未昭宗皇帝神主祔太廟禮院奏昭宗
廟樂曰咸寧之舞時左僕射裴贄等議遷廟合遷順
宗一室從之

四月勅河南府緱氏縣令宜兼充和陵臺令仍升爲
赤縣

十月丁未改題襄宗神主廟號是日輟朝百官奉慰

臣欽若等曰時起居郎蘇楷駁昭宗謚號太嘗
卿張廷範改謚曰莊靈恭閔孝皇帝廟號襄宗

後唐莊宗同光元年四月卽位閏月追尊曾祖蘇州
太保爲昭烈皇帝廟號懿祖夫人崔氏曰昭烈皇后
陵曰永興追尊皇祖代州太保爲文皇帝夫人秦氏

日文景皇后陵日長寧追尊皇考河東軍節度使守太師中書令晉王為武皇帝詔於晉陽創中興宗廟以高祖神堯皇帝太宗文皇帝懿宗昭聖皇帝昭宗聖穆皇帝洎懿祖已下三室為七廟

十一月甲辰勅雒京太廟先為朱溫毀廢將幸維陽宮告廟下尚書省會議重修本朝宗廟

二年正月丁巳所司奏懿祖昭烈皇帝八月十四日

忌昭烈皇后十一月八日忌獻祖文皇帝十月十三

日忌文景皇后九月六日忌太祖武皇帝正月二十

日忌勅敬依典禮甲子西都留守張筠奏重修高祖

太宗十聖宮殿戊辰饗太廟以皇子繼岌為亞獻皇

弟存紀為終獻

二月丁亥遣宗正李紱朝拜和陵丁酉吏部奏十道

圖內州縣名共三十七處犯獻祖廟諱勅改易之

三月中書門下奏北京三陵所宜尊奉竊尋故事宜

建嘉名昭烈皇帝陵請以永興為名文皇帝陵請以

長寧為名武皇帝陵請以建極為名從之

八月以宗正少卿李瓊往曹州檢行哀帝陵寢三年

正月丙申勅曰朕顧惟寡德獲嗣丕圖奉先之道嘗

勤送往之誠靡怠爰自重興廟社載展郊禋旋蕩滌

于瑕疵復涵濡于慶澤蓋憂勞靜國曠墜承祧御朽
若驚涉川為懼繇是推移歲月鬱滯情懷恭念昭宗
晏駕之辰少帝登遐之日成罹虺毒遠殞龍髯委冠
劍于仇讎託山陵于梟獍靜惟規制豈叶度程存情
結以彌深固寢興而增惕虔思改卜式慰允懷宜令
所司別選園陵備禮遷葬貴雪幽明之故以申追慕
之心凡百臣寮體朕哀感雖有是命以年饑財不足
而止巳亥太嘗禮院奏三月合差官朝拜諸陵宜以
十八日辛巳從之癸亥湖南馬殷奏管內州縣名有
犯獻祖廟諱處道州延昌縣復舊名延唐縣彬州義
昌縣改為義彰縣岳州昌江縣改為平江縣所司備
換新印賜之

三月丙申寒食節車駕在鄴都帝與皇后出近郊還
享代州親廟

十月上皇太后諡曰貞簡皇太后名陵曰坤陵
十一月庚寅朔幸壽安號慟於坤陵

明宗天成元年四月卽位七月上莊宗尊諡曰光聖
神閔孝皇帝

八月甲午廢朝以莊宗神主祔太廟禮也
十一月庚寅宗正少卿李堯奏恭陵所其山園之內

被民戶起舍屋居止臺觀皆被侵耕柏城松逕樵採殆盡乞下本縣與寺司重定完本園林地畝從之

二年二月庚戌勅河南府新安縣宜升為次赤以奉陵在焉

十二月丙午追尊四代祖麟州僕射諱聿諡曰孝恭皇帝廟號惠祖衛國夫人博陵崔氏諡曰孝恭昭皇

后三代祖朔州司空諱敖諡曰孝質皇帝廟號毅祖趙國夫人張氏諡曰孝質順皇后皇祖蔚州司徒瑛

諡曰孝靖皇帝廟號烈祖皇祖妣秦國夫人何氏諡曰孝靖穆皇后皇考汾州太師諱霓諡曰孝成皇帝

廟號德祖皇妣宋國夫人劉氏諡曰孝成懿皇后以應州舊宅為廟

先是中書門下又奏伏以兩漢以諸侯王入繼帝統則必易名上諡廣孝稱皇載於諸王故事孝德皇孝仁皇孝元皇是也伏乞聖慈俯從人願許取皇而薦號兼上諡以尊名改置園陵仍增兵衛遂詔太常禮院定其儀制太常博士王丕等引漢桓帝入嗣尊其祖河間孝王曰孝穆

皇帝蠡吾侯曰孝宗皇帝為例請付太常卿定諡刑部侍郎權判太常卿馬縞復議曰代准兩漢故事以諸侯王宗室入承帝統亦必追尊父祖修樹園陵西漢宣帝東漢光武孝享之道故事具存自安帝入嗣

遂有皇太后令別崇諡法追曰某皇所謂孝德孝穆之類是也前代惟孫皓自烏程侯繼嗣追父和為文皇帝事出非嘗不堪垂訓今據禮院狀漢安帝已下若據本紀又不見有帝字伏以諡法德象天地曰帝

伏緣禮院以曾奏聞准將兩漢故事便述尊名請詔百官集議時右僕射李琪議曰伏覩歷代已來宗廟成制繼襲無異公革或殊馬縞所奏禮有案據乞下制命令馬縞依典冊以述尊名時明宗意欲兼加

帝字乃下詔曰朕聞開國承家得以制禮作樂故三皇不相襲五帝不相沿隨代創規于理無爽矧或備關祖禰事係蒸嘗且追諡追尊稱皇與帝既有或增之字合陳褒貶之辭大約二名俱為尊稱若三皇之代故不可加帝五帝之代亦不可言皇爰自秦朝使兼其號至若玄元皇帝事隔千祀宗追一原猶顯冊于鴻名豈須尊於漢典况朕居九五之位為億兆之尊不可總二名于眇躬惜一字于先代苟隨執議何表孝誠可委宰臣與百官詳定集兩班于中書逐班各陳所見准李琪等請于祖禰二室先加帝宰臣合眾議奏曰恭以朝廷之重宗廟為先事係承禋義符致美且聖朝追尊之日即引漢氏舊儀在漢氏封崇之時復依何代故事理關疑滯未曰聖謨道合變通方為民則且王者功成治定制禮作樂正朔服色尚

有改更尊祖奉先何妨沿革若應州必立別廟即地遠上都今據開元中追尊皇陶為德明皇帝涼武昭皇為興聖皇帝皆立廟於京都臣等商量所議追尊四聖望依御札竝加皇帝之號兼請于各京立廟勅宣依應州舊宅

三年八月祠部舉新廟諱有與人姓同者請改之勅凡有姓犯廟諱者以本望為姓

閏八月辛亥勅准兵部郎中蕭愿奏大忌齋僧道各一百人列聖忌辰齋僧道五十人

十月戊申帝服袞冕御崇元殿臨軒命禮部尚書彥暉工部侍郎任贊往應州奉冊四廟陵樂奏仗衛如式

四年正月太嘗奏應州四廟陵號惠祖曰遂陵毅祖曰衍陵烈祖曰奕陵德祖曰慶陵忌日行香如太廟諸室

八月戊申帝服袞御文明殿追册昭宣光烈孝皇帝
禮畢使兵部尚書盧質押册出應天門登車由東
吹前道入都亭驛翌日登赴曹州甲子曹州禘饗
宣光烈孝皇帝禮畢文武百官詣西上閣門進名奉
慰

十月癸酉勅昭宣光烈孝皇帝會居寶位久抱幽
近始追崇方安寢廟宜昇縣邑以奉園陵宜升曹州
濟陰縣為次赤以本縣令兼陵令

長興二年四月禘饗于太廟

三年七月宗正寺奏今年經大雨太廟正殿疎漏門
樓墊陷宮牆及神門外仗舍竝皆缺漏請下所司修
補司天以墓年不宜興造請隨缺壞處量事增修從
之

閔帝應順元年二月山陵使上言太行山陵四月二
十七日掩玄宮以御札皇帝親奉靈駕至園陵有司
量事供備臣等伏見累朝故事人君無親送葬之儀
蓋承繼事大非薄於送終累奏不從

末帝清泰元年四月即位上明宗尊諡曰聖德和武
欽孝皇帝

十一月戊戌中書門下奏太嘗撰定冬至朝會儀

日初成園陵彌軫孝思遠履節辰九增顧復所奏各
伏宜停是月中書門下奏二十六日明宗忌群臣奉
慰行香固有嘗禮恭以陛下初遇忌辰合存降殺仰
惟追感難抑孝思固于茲時不同嘗歲臣等商量請
于忌辰前後各一日不坐從之

二年正月戊申宗正寺言北京永興長寧建極三陵
應州遂衍奕三陵曹州溫陵例下本州府長官朝拜
雍坤和徽四陵朝廷從之乙丑遣太嘗少卿蕭愿宗
正卿李郁朝拜徽陵右庶子韋華雍陵宗正少卿李
知新殿中丞李延昭和陵太子中允劉賀太子中舍

李均坤陵

二月己丑宰臣盧文紀等上章曰臣聞聖列九皇必
稟嚴慈之訓貴爲萬乘彌懷顧復之思所謂生我劬
勞昊天罔極故漢昭帝承祧御曆奉尊諡于雲陽親
文帝繼體守文思外家于甄館則追崇母后祔享廟
庭愛親之道克隆敬本之文斯洽臣等嘗覽國史見
玄宗大聖孝明皇帝母昭成皇太后竇氏作殯初奉
于相王歷位纔終于藩孺及至上皇傳國聖子臨朝
則追尊配享于閼宮儷極攸先于冢后臣又見代宗
睿文孝武皇帝母章敬太后吳氏入宮纔侍于忠王

短世難登于命婦及寶祚爰歸于聖嗣追尊將稱于陵園則群臣歷懇于封函嚴配請崇于徽號舊章斯在闕禮未伸臣等叨備鼎司合伸茂典伏惟聖母魯國太夫人夢梓興周望雲佐漢亶河洲之懿範契沙麓之休祥三母俱賢周武最承于天統四妃有于唐侯光啓于帝國仰惟當宁之懷彌軫寒泉之思伏望配陵祔廟法地則天君親實殺于義方恩禮宜歸于聖善母以子貴乃春秋之格言孝以尊親固禮經之明義久虛時薦慮損皇猷俾秦官載顯于玉符魏寢永光于金冊則華夷大願臣子遑寧臣等謹案諡法聖善周聞曰宣施而不私曰宣博聞多能曰憲聖善周達曰憲謹上尊諡曰宣憲皇太后請依昭成章敬二太后故事擇日備禮冊命故事禮合配陵祔廟臣等再詳儀注備有典彛伏恐朝廷且務于便安司局貴期于辦集酌于故事更司簡詳臣等伏聞先太后舊陵未祔于先朝則都下難崇于別廟旣追尊諡合創闕宮臣等謹案漢故事園寢不在王畿者或在陵所便立寢祠禮文雖異于國朝事理可循于權道臣等商量太后上尊諡後權立祠廟以伸告獻配祔之禮請俟他年詔曰朕猥將眇質獲嗣丕圖暑往寒來

知昊天之用極憂深思遠唯觸地以無容卿等學究源流文苞體要以致財成之美復陳孝理之規援引古今鋪陳茂實導朕以愛親之禮勉朕以追遠之文取則昭成明徵章敬仍加美謚益見忠誠至於權立闕宮頗亦叶於時變劬勞莫報長懸陟屺之心聖善斯崇且慰循陔之念謹依典禮哀慕增深

六月乙丑太嘗卿李懌定宣憲太后陵號請以順爲名

三年五月太常奏于河南府東權立宣憲皇后寢宮從之

六月御敷政殿遣工部尚書崔居儉奉宣憲皇太后寶冊于寢宮時陵園在河東適會兵興故權于京城修奉寢宮上謚焉

九月戊申帝親行太原太嘗博士段頤白宰臣曰帝未嘗謁陵今河陽路當徼陵前安得經繇不行禮乎是日午時至陵園于仗舍前陳謁陵禮

晉高祖天福二年正月壬戌中書奏皇帝到京未立宗廟者夫以受命握圖旣啓無疆之祚宗文祖武宜遵有國之規伏惟皇帝陛下曆數在躬艱難創業拯黔黎之塗炭廓宇宙之氛霾寰區旣定于一戎基構

方開於萬祀恭惟宇廟須切追崇將示肅恭豈宜稍緩臣等商量望令所司速具制度典禮以聞尊始敬先既光于太后徽章茂典永顯于洪猷從之

五月太嘗卿梁文矩奏奉勅旨定四廟諡號廟號陵號者伏以四代祖朔州使君府君自天所祐應時而生肇啓靈源始基鴻業謹案諡法寬容平和曰安臨事屢斷撫俗多方有明達之能無屈撓之事豈不謂之寬容平和乎又靖者柔德教衆之義也又義者行義不失者也請備神主追尊諡曰孝安皇帝廟號靖祖陵號義陵三代祖右省嘗侍府君動靜有嘗夙夜匪懈憂人若已視民如傷謹案諡法一德不懈曰簡富且不驕貴而好禮有典有則無怠無荒豈不謂一德不懈乎又肅者剛德克就之義惠者寬裕不苛者也請備神主追尊諡曰孝簡皇帝廟號肅祖陵號惠陵皇祖振武僕射府君淳德不雜素風自高得安邊靜塞之機有阜俗濟民之術謹案諡法執事有制曰平積善積德允武允文動不爲身行唯濟物豈不謂執事有制乎又翼者思慮深遠之義又康者安樂撫民者也請備神主追尊諡曰孝平皇帝廟號翼祖陵號康陵皇考洛州太傅府君天資睿德神贊沈機

戎則有敵必摧撫恤則無民不悅謹案諡法主善行德曰元盡善盡美乃神乃聖功煥龍圖慶流鳳屐豈不謂主善行德乎又憲者博聞多能之義昭者明德有功者也請備神主追尊諡曰孝元皇帝廟號憲祖陵號昭陵勅所定翼祖宜改爲睿祖昭陵改爲昌陵餘竝敬依又太嘗少卿裴坦奏奉勅定四廟皇后追尊諡議者伏惟四代祖妣秦氏積行芝蘭含貞闔壺徽猷令問厥彰內則之賢懿靜柔明綽有禮閑之節諒非餘慶何啓昌期謹案諡法宣慈惠和曰元請追尊諡曰孝安元皇后伏惟三代祖妣安定太君安氏門稱盛族代謂良家修德行而義冠稽天蘊柔明而風昭齊體若非淑惠寧協休徽謹案諡法曰貴賢尚義曰恭請追尊諡曰孝簡恭皇后伏惟皇祖妣高平縣太君米氏令惠生知賢才天稟四德早聞於親戚一齊仍著于閨庭淑問嘗彰貞柔自固謹案諡法稱惠德義曰獻請追尊諡曰孝平獻皇后皇妣南陽郡太夫人何氏族惟華貴德乃寬冲禮諸義聽之文詩協和鳴之詠履大跡而鍾慶祔神龍而克祥固有靈符來弘景祚謹案諡法溫柔聖善曰懿請追尊諡曰孝元懿皇后勅敬典禮

七月壬申帝御崇元殿備禮命使冊四廟于維京以
四代祖朔州府君爲孝安皇帝廟號靖祖以高祖妣
秦氏爲孝安元皇后以曾祖右省嘗侍府君爲孝簡
皇帝廟號肅祖以曾祖妣安定郡太君安氏爲孝簡
恭皇后以太王父振武僕射府君爲孝平皇帝廟號
睿祖以皇祖妣高平縣太君米氏爲孝平獻皇后以
皇考雒州太傅府君爲孝元皇帝廟號憲祖皇妣南
陽郡太夫人何氏爲孝元懿皇后

三年二月辛丑中書奏禮經云禮不諱嫌名二名不
偏諱注云嫌名謂音相近若禹與雨丘與區也二名
不偏諱謂孔子之母名徵在言在不稱徵言徵不稱
在此古禮也唐太宗二名竝諱玄宗二名亦同人姓
與國諱音聲相近是嫌名者亦改姓氏與古禮有異
廟諱平聲字卽不諱餘三聲諱側聲不諱平聲字所
諱字玉文及偏旁闕點畫望依令式施行勅朝廷之
制今古相沿道在人弘禮非天降况以方闢潛敷虔
奉祖宗雖喻孔子之文未爽周公之訓冀崇孝行永
載簡編取爲二名及嫌名事宜依唐禮施行乃付所
司五月丁巳勅應諸州縣名犯廟諱等相南管內資
典縣本州名犯肅祖孝簡皇帝廟諱宜改爲敦州州

管縣名與州名同改為敦化縣義縣上一字亦與本
 州名同改為敦和縣武岡縣本州名與憲祖孝元皇
 帝廟諱上一字音同宜改為敦州州管陽縣上一字
 與州名同改為敏政縣嶺南晉興縣本州名與孝元
 皇帝廟諱下一字音同改為鉞州建州管武縣上一
 字亦與憲祖孝皇帝廟諱上一字音同改為昭武縣
 其已前州府縣上中下仍准舊制為定

五年二月乙巳御史中丞竇貞固奏國忌日宰臣跪
 爐焚香僧人表讚孝思迷祖先違世之事而文武百
 辟儼然列坐竊惟禮非天降酌在人情今古通規君
 親至敬對佛像行香之日實帝王不樂之辰豈有
 烈祖之舊勳悉安所坐聞明君之至德曾不暫與考
 經雖謂其相承度禮深疑其有失欲請跪爐仍舊餘
 依嘗位立班詔可其言仍令行香之後飯僧百人永
 為定制

少帝以天福七年六月即位上高祖尊諡曰聖文章
 武孝皇帝十月中書奏太常禮院狀申高祖十二月
 二十日禘饗于太廟禮畢合定逐年四季郊壇配生
 准禮例逐年勘造祠祭晝日及編附令式伏請奏聞
 宣下者請祖孝安皇帝配冬至祀昊天上帝夏至祭

皇地祇肅祖孝簡皇帝配上辛祀昊天上帝孟冬祭神州地祇睿祖孝平皇帝配孟夏雩祀昊天上帝憲祖孝元皇帝配秋季大饗祀昊天上帝以前天福二年七月勅配座伏緣高祖祔廟請憲祖配孟冬祭神州地祇高祖配季秋大饗祀昊天上帝從之

八年二月以寒食節帝幸南莊遙奠顯陵焚御衣衣著紙錢至暮還宮

開運二年正月宗正卿石光贊上言園陵宗廟請依古義時節薦新從之

漢高祖初卽位追尊太祖高皇帝世祖光武皇帝為不祧廟以親廟高祖司徒府君諱上諡曰明元皇帝廟號文祖高祖母隴西郡夫人李氏諡曰明貞皇后

曾祖太保府君諱上諡曰恭僖皇帝廟號德祖曾祖母虢國太夫人楊氏諡曰恭惠皇后烈祖太傅府君諱上諡曰昭獻皇帝廟號翼祖烈祖母會國太夫人李氏諡曰昭穆皇后烈考太師府君諱上諡曰章聖

皇帝廟號顯祖烈妣吳國太夫人安氏諡曰章懿皇后

乾祐元年正月吏部奏鄧州臨滿縣下一字犯文祖

明元皇帝廟諱勅改為臨瀨縣仍付所司

唐帝以乾祐元年二月卽位上高祖諡曰睿文皇帝昭肅孝皇帝

十二月奉六廟神主于雒陽命宰臣蘇禹珪使副太府卿劉俛冊焉

二年兵部員外郎盧瓊上言恭以高祖皇帝驅除戎虜救解創惡德被生民功高遠古請依西漢祖宗故事于三京陝府許宋等州舊邸立別廟塑像以時禮祀以表遺愛從之

周太祖廣順元年二月癸丑寒食節帝出玄化門至蒲池設御幄遙拜諸陵用家人之禮也

五月辛未太嘗卿邊蔚上追尊四廟諡議皇高祖諱璟請上尊諡曰睿和皇帝廟號信祖陵曰溫陵皇高祖妣夫人張氏請上尊諡曰睿恭皇后皇曾祖太保諱謀請上尊諡曰明憲皇帝廟號僖祖陵曰齊陵皇曾祖妣鄭國夫人申氏請上尊諡曰明孝皇后皇祖太傅諱蘊請上尊諡曰翼順皇帝廟號義祖陵曰節陵皇祖妣陳國夫人韓氏請上尊諡曰翼敬皇后皇考太師諱簡請上尊諡曰章肅皇帝廟號慶祖陵曰欽陵聖妣燕國夫人王氏請上尊諡曰章德皇后又內出忌辰信祖四月七日睿恭皇后十月二十七日

僖祖十二月七日明孝皇后正月十二日義祖五月
元日翼敬皇后十一月十四日其三祖忌辰皇帝不
視事宰臣百官赴佛寺行香慶祖九月十四日章德
皇后三月十八日忌辰皇帝不視事一日宰臣百官
西上閣門進名奉慰後赴佛寺行香勅敬依典禮
七月癸酉太廟冊禮使馮道等至西京廟每室讀實
冊行祔饗之禮從西第一室信祖睿和皇帝睿恭皇
后張氏祔饗第二僖祖明憲皇帝明孝皇后申氏祔
饗第三義祖翼順皇帝翼敬皇后韓氏祔饗第四康
祖章肅皇帝章德皇后王氏祔饗宰臣百官進名奉
慰辛酉帝被袞冕御崇元殿授四廟四室實冊于使
中書令馮道等是日侍中進冊中書令進實太祖降
階授之于使悽然感動

八月庚子賜冊太廟使及行事官綵帛銀器有差
二年三月丁巳寒食節太祖幸城南園申遙奠之敬
用家人之禮也

十二月南郊大禮使中書令馮道自西京奉太廟神
主至群臣班于西御園之東帝郊迎望輿再拜有司
相禮廟主就行廟幄親行奠饗禮畢帝移蹕太廟門
俟神輿至再拜百官陪位皆再拜官聞令奉神主于

四室帝設奠行祔饗禮畢還宮

三年七月太嘗上言祭禮宗廟之祀三年一祫以孟冬五年一禘以孟夏恭惟追尊四廟經今三年准禮合改十月孟冬薦享爲祫從之是月命兵部侍郎邊歸讜朝拜漢睿陵潁陵

世宗顯德元年正月卽位三月上太祖尊諡曰聖神恭肅文武孝皇帝

六月親征河東廻至新鄭縣丙寅親拜嵩陵望陵號慟至陵俯伏悲泣哀感左右拜跪祭奠而退賜奉陵將吏及近郊人戶帛有差

五年四月遷五廟神主入于新廟先是以舊太廟在天街之側患其囂塵所及故改創今廟制度宏壯不日而成時帝征淮南車駕在行權東京留守王朴率留司百官奉迎神主以安于室

六月禘於太廟

恭帝以顯德六年六月卽位八月上世宗尊諡曰睿武孝文皇帝

冊府元龜

冊府元龜

帝王部

卷之三十一

二十一

奉先四

册府元龜

巡按福建監察御史臣李嗣京 訂正

知長樂縣事 臣 夏允彝 參閱

知建陽縣事 臣 黃國琦 較釋

帝王部 三十二

崇祭祀

書曰先王顧諟天之明命以承上下神祇洪範八政
三曰祀禮大宗伯之職曰以吉禮事邦國之鬼神祇
故祭天曰燔柴祭地曰瘞埋祭山曰取縣祭川曰浮
沉祭星曰布祭風曰磔是類是禡師祭也既伯既禱

馬祭也除惡之祭為祓會福之祭曰禴告事求福曰
禱道上之祭為祖潔意以享為禋以類祭神為禴祭
司命為祫祭豕先為禮月祭為禘禱雨為雩禱明為
祭是以聖王為之典禮民之精爽不貳齊肅聰明者
神或降之乃有神明之官各司其序不相亂也民神
異業恭而不黷所以神降之嘉生民以物序災禍不
至所求不匱歷代人君罔不徧走群望咸秩無文故
神農播種始諸飲食致恭鬼神顙頊亦潔誠以祭祀
其後成湯至于帝乙罔不明德恤祀所以陰陽和而
萬物遂也詩云以享以祀以介景福又云俾爾彌爾
性百神爾主矣故祭之言察也察者至也言人事至
于鬼神也是知神不可慢祭不可黷蓋享於至誠者
耳豈犧牲玉帛云乎哉

共工氏霸九州其子曰句龍能平水土死為社祠

烈山氏王天下其子曰柱能殖百穀死為稷祠伊耆

氏始為蜡伊耆氏古天子號

舜在璿璣玉衡以齊七政肆類於上帝禋於六宗望

於山川徧於群神史記徧作辨

湯伐桀欲遷夏社不可作夏社應劭曰遭天旱七年

明德以薦而旱不止故遷社以棄代為稷欲遷句龍德莫能遷遷烈山子
繼故作夏社說不可遷之義遷古遷字

柱而以周棄代為稷祠周文王巡守而祀四嶽河海作般之詩

成王立周公相王道大洽制禮作樂天子曰明堂辟雍諸侯曰泮宮郊祀后稷以配天宗祀文王於明堂以配上帝四海之內各以其職來助祭天下名山大川懷柔百神咸秩無文五嶽視三公四瀆視諸侯而諸侯祭其疆內名山大川大夫祭門戶井竈中霤五祀士庶人祖考而已各有典禮而淫祭有禁是時巡守告祭柴望作時邁之詩春夏祈穀于上帝作噫嘻之詩郊祭祀天地作昊天有成命之詩

漢高祖初起禱豐粉榆社徇沛為沛公則祀蚩尤

鼓旗

漢書本紀載高祖立為沛公祠黃帝祭蚩尤于沛庭而擊鼓

遂以十月至霸

上立為漢王

二年東擊項籍而還入關問故秦時上帝祀何帝也對曰四帝有白青黃赤帝之祠高祖曰吾聞天有五帝而四何也莫知其說於是高祖曰吾知之矣迺待我而具五也迺立黑帝祠名曰北畤有司進祠上不親往悉召故秦祀官復置太祝大宰如其故儀禮因令縣為公社公社官社下詔曰吾甚重祀而敬祭今上帝之祭及山川諸神當祠者各以其禮時祠如故

下已定詔御史令豐治粉榆社嘗以春時以羊彘祝之時令祝立蚩尤之祠於長安置祠祀官女巫其樂巫祠天地天社天水房中堂上之屬晉巫祠五帝東君雲中君巫社巫祠族人炊之屬秦巫祠社主巫保族纍之屬荆巫祠堂下巫先司命施糜之屬九天巫祠九天皆以歲時祠宮中其河巫祠河于臨晉而南山巫祠南山秦中者二世皇帝也各有時日其後二歲或言曰周興而邑立后稷之祠至今血食天下又制詔御史其天下立靈星祠嘗以歲時祠以牛

十年春有司請令縣嘗以春二月及臘祠稷以羊彘

民里社各自裁以祠制曰可高帝以來名山大川在諸侯諸侯祝各自奉祠

天子官不領及文帝時齊淮南國廢令太祀盡以歲時致禮如故

文帝十三年以歲比登詔有司增乘五時路車各一

乘駕被具駕車被馬之西時哇時寓車各一乘寓馬

四匹駕被具河湫漢水王加二及諸祀皆廣壇場珪

幣俎豆以差加之

十四年詔曰朕獲執犧牲珪幣以事上帝宗廟十四

年于今歷日彌長以不敏不明而久撫臨天下朕甚

自媿其廣增諸祀壇場珪幣昔先王遠施不求其報

望祀不祈其福右賢左戚先民後已至明之極也今

吾聞祀官祝釐音僖福也皆歸福于朕躬不為百姓朕甚

媿之夫以朕之不德而專鄉獨美其福百姓不與音預

焉是重直用切吾不德也其令祠官致敬無有所祈

十五年黃龍見成紀詔曰有異物之神見于成紀毋

害于民歲以有年朕幾幾讀日冀郊祀上帝諸神禮官議

毋諱以朕勞無諱以成其勞自有司皆曰古者天子

夏親郊祀上帝於郊故曰郊於是夏四月文帝始幸

雍郊見五時祠衣皆上赤赦天下修名山大川嘗祀

而絕者有司以歲時置禮先是趙人新垣平以望氣

成五采若人冠冕焉或曰東北神明之舍西方神明

之墓也天瑞下宜立祠上帝以合符應於是作渭陽

五帝廟同于帝一殿面五門各如其帝色祠所用及

儀亦如雍五時明年夏四月文帝親拜霸渭之會以

郊見渭陽五帝廟臨渭其北穿蒲池溝水燿火舉祠

若光輝然屬天焉於是貴平至上大夫賜累千金而

使博士諸生刺六經中作王制謀議巡狩封禪事文

帝出長門若見五人道北遂因其直立五帝壇祠以

五

孝景帝卽位十六年官祠各以歲時如故

武帝建元元年五月詔曰河海潤千里其令祠官修

山川之祠為歲事曲加禮

元光二年十月行幸雍祠五時郊祀志云後嘗

元狩元年十月行幸雍祠五時三歲一郊見

二年十月行幸雍祠五時

元鼎四年十月行幸雍祠五時

十一月甲子立后土祠于汾陰脽上

五年十月行幸雍祠五時

十一月辛巳朔旦冬至立泰畤于甘泉天子親郊見

朝日夕月詔曰朕以眇身託于王侯之上德未能

民民或饑寒故巡祭后土以祈豐年冀州雕壤題

文鼎獲薦於廟渥注水出馬朕其御焉戰戰兢兢

不克任思昭天地內惟自新詩云四牡翼翼呂征不

服親省邊陲用事所極望見泰一修天文禮禮古辛禋字

卯夜若景光十有二明易曰先甲三日後甲三日朕

甚念年歲未成登飭躬齊戒丁酉拜覬于郊覬賜也

元封元年正月詔曰朕用事華山至于中嶽獲駿

見夏后啓母石啓生而母化為石在嵩高山下翼日親登嵩高御史

乘屬在廟天子出御史除二更卒咸聞呼萬歲者三人為乘曹護卓駕

祭禮罔不答其令祠禁無伐其草木呂山下戶三百

為之奉邑名曰崇高獨給祠復亡所與

二年十月行幸雍祠五時春幸緱氏遂至東萊夏四

月還祠泰山四月行幸雍祠五時幸河東

三月祠后土詔曰朕躬祭后土地祇見光集于靈壇

一夜三燭幸中都宮殿上見光其赦汾陰夏陽中都

死罪呂下賜三縣及楊氏皆無出今年租賦

五年冬南巡狩至于盛唐遂北至琅邪並海所過禮

祠其名山大川增封太山還幸甘泉郊泰畤

六年三月行幸河東祠后土

六年三月行幸河東祠后土

天漢元年正月行幸甘泉郊泰畤

三月行幸河東祠后土

太始三年三月幸琅邪禮曰成山登之罘浮大海山

呼萬歲

四年三月行幸太山祠明堂

四月幸不其

不其山名

祠神人於交門宮若有鄉坐拜者

漢注云神並見且白且黑且大且小

作交門之歌

後元元年正月幸甘泉郊泰畤

帝即位凡敬鬼神之祠漢興已六十餘歲

矣天下又安縉紳之屬皆望天子封禪改正度也而

上鄒儒術招賢良趙綰王臧等以文學為公卿欲議

古立明堂城南以朝諸侯草巡狩封禪改歷服色事

未就竇太后不好儒術使人微伺趙綰等奏利事案

文學之士明年上初至雍郊見五畤後嘗三歲一郊

見世人謬忌奏祠泰一方曰天神貴者泰一泰一佐

曰五帝古者天子以春秋祭泰一東南郊日一太牢

七日為壇開八通之鬼道於是天子令大祝立其祠

長安城東南郊嘗奉祀如忌方其後人上書言古者

天子三年一用太牢祠三一天一地一泰一天子許

之令太祝領祠之於忌泰一壇上如其方後人復有

言古天子嘗以春解祠祠黃帝用一臯破鏡冥羊用

羊祠馬行用一青牡馬泰一臯山山君用牛武夷君

用乾魚陰陽使者以一牛令祠官領之如其方而祠

泰一於忌泰一壇房元符二年天子郊雍詔曰今上

帝朕親郊而后土無祀則禮不合答也有司與太史

令談祠官寬舒議天地牛角繭栗今陛下親祠后土

后土宜於澤中園丘為五壇壇一黃犢牢具已祠盡

瘞而從祠衣上黃於是天子東幸汾陰汾陰男子公

孫滂等見汾旁有光如絳上遂立后土祠於汾陰

西登崆峒幸甘泉令祠官寬舒等具泰一祠壇于泰

忌泰一壇三陔五帝壇環居其下各如其方黃帝西

帝王部

南除入通鬼道秦一所用如雍一時物而加醢棗
之屬殺一牡犛牛以為俎豆牢具而五帝獨有俎豆
進其下四方地為服食羣神從者及北斗云已祠
餘皆燎之其牛色白白鹿居其中彘在鹿中水而酒
之祭日以牛祭月以羊彘特秦一祝宰則衣紫及
五帝各如其色日夕赤月白十一月辛巳朔旦冬至
盼爽天子始郊郊泰一朝朝日夕月則揖而見泰一
如雍郊禮其贊饗曰天始以資鼎神策授皇帝朔而
又朔終而復始皇帝敬拜見焉而衣上黃其祠烈火
滿壇壇旁享炊具有司云祠上有光公卿言皇帝始
郊見泰一雲陽有司奉瑄玉加牲薦饗是夜有美光
及晝黃氣上屬天太史令談祠官寬舒等曰神靈之
休祐福兆祥宜因此地光域立泰時壇以明應令太
祝領秋及臘間祠三歲天子一郊見太初一年有司
言雍五時無牢熟具芬芳不備乃令祠官進時犢牢
具已食所勝而以木寓馬代駒云及諸名山川用駒
者悉以木寓馬代獨行過親祠廼用駒它禮如故武
帝諸所興如亳忌泰一及冥羊馬行赤星五狀寬舒
之祠官以歲時致禮凡六祠皆太祝領之至如八神
人謀忌凡它山名祠行過則祠去則犛牛土所興祠

各自主其人終終則已祠官不主它祠皆如故甘泉
泰一汾陰后土三年親郊祠而泰山五年一修封武
帝凡五
修封

宣帝神爵元年正月行幸甘泉郊泰時

三月行幸河東祠后土
帝卽位霍光輔政上其已正
南面非宗廟之祀不出至十

二年乃下詔曰蓋聞天子尊事天地修祀山川古今
通禮也間者上帝之祠闕而不親十有餘年朕甚懼
焉然朕親飭躬齊戒親奉祀為百姓蒙嘉氣獲豐年
焉明年正月上始幸甘泉郊見泰時數有靈祥修武
帝故事盛車服敬齊祀之禮頗作詩歌後制詔太常
夫江海百川之大者也今闕焉無祀其令祠官以禮
為歲事以四時祠江海維水祈為天下豐年焉自是
五嶽四瀆皆有嘗禮祀東嶽泰山於博中嶽秦室于
嵩高南嶽瀟山於瀟西嶽華山於華陰北嶽嘗山於
上曲陽河於臨晉江於江都淮於平氏濟於臨邑界
中皆使者持節侍祠唯泰山與河歲五祠江水四餘
皆一禱而三祠云時南郡獲白虎獻其皮牙爪上為

立祠又以方士言為隨侯劍寶玉璧周康寶鼎立四
祠於未央宮中又祠太室山於卽墨三尸山於下密
祠天封苑火井於鴻門又立歲星辰星大白熒惑南
斗祠於長安旁又祠三山八神於曲城蓬萊山石社
鼓於臨胸之界山於腫成山於不夜萊山於黃城山
祠曰萊山祠又祠四時於琅邪蚩尤于壽良京師近
縣郭則旁谷五牀山日月五帝仙人玉女祠雲陽有
徑路神祠祭休屠王也又立五龍山仙人祠黃帝天
神帝原水凡
四祠於膚施

五鳳元年正月行幸甘泉郊泰時 昭帝卽位富於春
秋未嘗巡祭至此

始復

二年三月行幸雍祠五時

三年三月行幸河東祠后土

甘露元年正月行幸甘泉郊泰時

三年正月行幸甘泉郊泰時

黃龍元年正月行幸甘泉郊泰時

孝元初元二年正月行幸甘泉郊泰時

四年正月行幸甘泉郊泰時

三月行幸河東祠后土

永光元年正月行幸甘泉郊泰時 帝卽位遵舊儀間
歲正月一幸甘泉

郊泰時又東至河南祠后土西至雍祠五時凡五奉
泰時后土之祠亦施恩澤時所過毋出田租賜百戶

牛酒或賜
爵赦罪人

成帝建始元年十二月作長安南北郊罷甘泉汾陰

二年正月罷雍五時辛巳上始郊祀長安南郊詔曰

廼者徙泰時后土于南郊北郊朕親飭躬郊祀上帝

皇天報應神光竝見三輔長無共張繇役之勞共音

切張音赦奉郊縣長安長陵天郊在長安南地郊在長安城北長陵界中二

竹亮切及中都官耐罪中都官京師諸官府減天下賦

錢筭四十

三月辛丑始祀后土於北郊

永始二年十一月行幸雍祠五時

三年三月行幸雍祠五時十一月皇太后詔有司復甘泉泰時汾陽后土雍五

時陳倉陳寶祠

四年正月行幸甘泉祠泰時

三月幸河東祠后土

元延二年正月行幸甘泉郊泰時

四年正月行幸甘泉郊泰時

三月行幸河東祠后土

綏和元年三月行幸雍祠五時

二年三月行幸河東祠后土帝即位丞相衡御史大夫譚等奏甘泉泰時河

東后土祠可徙置長安及議罷不應禮神祠事具掌禮部奏議門明年衡譚坐事免官爵衆庶多言不當

變動祭祀者又初罷甘泉泰時作南郊日大風壞其泉竹宮折拔時中樹木十圍以上百餘天子異之以

問劉向對日家人尚不欲絕種祠况於國之神寶舊時且甘泉汾陰及雍五時始立皆有神祇感應然後

營之非苟而已也武宣之世奉此三神禮敬教備神光尤著祖宗神祇舊位誠未易動及陳寶祠自泰文

帝王部

公至今七百餘歲矣漢興世世嘗來光色赤黃長四五丈直祠而息音聲碎隱野雞皆雉每見雍太祝寺以大牢遣侯者乘傳馳詣行在所以為福祥高祖時五來文帝二十六來武帝七十五來宣帝二十五來初元元年以來亦二十來此陽氣舊祠也及漢宗廟之禮不得擅議皆祖宗之君與賢臣所共定古今異制經無明文至尊至重難以議說正也前始納貢禹之議後人相因多不動搖易大傳曰誣神者殃及三世恐其咎不獨止禹等上意恨之後上以無繼嗣故令皇太后詔有司曰蓋聞王者承事天地交接泰一尊莫著於祭祀孝武皇帝大聖通明始建上下之祀營泰畤於甘泉定后土於汾陰而神祇安之饗國長久子孫蕃滋累世遵業福流於今今皇帝寬仁順孝奉循聖緒靡有大愆而久無繼嗣思其舊職殆在徙南北郊違先祖之制改神祇舊位失天地之心以防繼嗣之福春秋六十未見皇孫食不甘味寢不安席朕甚悼焉春秋大復古善順祀其復甘泉泰畤汾陰后土如故及雍五畤陳寶祠在陳倉者天子復親郊祀如前又復長安雍及郡國祠著明者且半後成都侯王商為大司馬衛將軍輔政杜鄴說商曰東隣殺心也行穢祀豐循不蒙祐德修薦薄吉必大來古者壇場有嘗處燎禋有嘗用贊見有嘗禮犧牲玉帛備而財不置車輿匠役雖動而用不勞是故每舉其禮助者歡說大路所歷黎元不知今甘泉河東天地郊祀咸失方位違陰陽之宜及雍五祀皆曠遠奉違之役休而復起繕治供張無解已時皇天著像殆可畧知前上甘泉先驅失道禮月之夕奉引復迷祠后土還臨河當渡疾風起波船不可御又雍大雨壞平陽宮垣題三月甲子雷電災琳光宮門祥瑞未著咎徵仍臻近三郡所奏皆有變故不答不饗何以堪此詩曰率繇舊章先王法度文王以之郊神于祀子孫千億安如異時公卿之議復還長安南北郊後皇太后詔復之

哀帝卽位寢疾盡復前世所嘗興諸神祠官凡七百

餘所一歲三萬七千祠

平帝元始四年正月郊祀高祖以配天宗祀孝文以

配上帝

時王莽奏請議正五帝兆并立官稷事具帝王禮部奏議門

後漢光武建武元年六月己未卽位于鄗為壇管於鄗之陽祭告天地采用元始中郊祭故事八月壬子祭社稷

二年正月壬子立大社大稷于雒陽在宗廟之右方壇無屋有墻門而已二月八日及臘一歲三祠皆太牢具使有司祠又立郊兆于城南七里

中元二年正月辛未初立北郊祠后土明帝永平二年正月辛未初祀五帝於明堂光武帝配

終

冊府元龜

巡按福建監察御史臣李嗣京 訂正

知長樂縣事 臣夏允彝參閱

知建陽縣事 臣黃國琦較釋

帝王部 三十二

崇祭祀

章帝元和二年二月甲寅詔曰今山川百神應典禮者尚未咸秩其議增修群祀以祈豐年是月冬巡狩辛未柴祭天地群神如故事壬申宗祀五帝於孝武所作汶上明堂以光武帝配如雒陽明堂祀

四月還京都為靈臺十二門作詩各以其月祀而祭之

三年二月戊辰幸中山遣使者祀北嶽出長城史記蒙恬

為秦築長城西自臨洮東至海

二月乙卯進幸趙庚辰祠房山於靈壽靈壽縣名屬

今在鎮州房山縣西北俗名王母山上有王母祠

安帝元初六年三月庚辰始立六宗祀於雒城時尚書歐

陽說謂六宗者在天地四方之中為上下四方之宗禮比太社也

延光三年二月辛卯幸太山柴告岱宗太山王者告代之處為五

嶽之宗故曰岱宗禘柴以告天

壬辰宗祀五帝于汶上明堂

靈帝熹平五年四月復崇高名為嵩高前書武帝祠中嶽改嵩高

為崇高東觀漢紀曰岱中郎將堂谿典請兩因上言改之名為嵩高山

獻帝建安元年七月甲子至雒陽丁丑郊祀上帝

八年十月己巳公卿初迎冬於北郊斯祭久廢故曰初 總章

始復備八佾袁宏記云迎氣北郊始用八佾舞列也舞者之行列在因亂廢今始備之總章

樂官名古之安代樂

魏文帝黃初元年十一月庚午即阼於繁陽燎祭天

地五嶽四瀆

二年正月郊祭天地明堂甲戌較獵於元陵乙亥朝

日于東郊是年六月庚子初祀五嶽四瀆咸秩群祀
瘞沉珪璧

四年七月乙未大軍當出使太嘗以特牛一告祠于
郊

六年八月帝以舟師入淮九月遣使者沉璧于淮
明帝太和元年正月郊祀武帝以配天宗祀文皇於
明堂以配上帝

二月丁亥朝日于東郊
八月巳丑夕月于西郊

四年八月辛巳行東巡遣使者以特牛祠中嶽魏書曰行

過繁昌使執金吾臧霸行
太尉事以特牛祀受禪壇

景初元年十月乙卯始營雒陽南委粟山為園丘詔
曰昔漢氏之初承秦滅學之後採摭殘缺以備郊祀
自甘泉后土雍宮五畤神祇兆位多不經見竝以興
廢無嘗一彼一此四百餘年廢無禘禮古代之所更
立者遂有闕焉曹氏世系出自有虞氏今祀圓丘以
始祖帝舜配號圓丘曰皇皇帝天方丘所祭曰皇皇
后地以舜配伊氏配天郊所祭曰皇天之神以太祖
武皇帝配地郊所祭曰皇地之祇以宣武皇后配宗
祀皇考高祖文皇帝於明堂以配上帝

十二月壬子冬至始祀皇皇帝于圓丘以始祖有虞帝舜配自正始以後終魏世不復郊祀

陳留王咸熙元年正月幸長安使者以璧幣祀華山晉武帝泰始二年正月詔曰有司前奏郊祀權用魏禮朕不慮改作之難令便爲永制衆議紛紜遂不時定不得以時供饗神祇配以祖考日夕難企貶食安安其便郊祀時群臣又議五帝卽天地王氣時異故殊其號雖名有五其實一神明堂南郊當除五帝之坐五郊改五精之號皆同稱昊天上帝各設一座而已地郊又除先後配祀帝悉從之

二月丁丑郊祀宣皇帝以配天宗祀文皇帝於明堂以配上帝

十一月有司議奏古者丘郊不異宜并圓丘方丘於南北郊更修立壇兆其二至之祀合於二郊帝又從之一如宣帝所用王肅議也是月庚寅冬至帝親祀圓丘於南郊自是後圓丘方澤不別立

太康二年正月有司奏春分依舊請車駕祀朝日寒溫未適可不親出詔曰禮儀宜有嘗若如所奏與故太尉所撰不同復爲無定制也間者方難未平故每從所奏今戎事弭息惟此爲大

按詔帝復爲親祀也

三年正月帝親郊祀皇太子悉侍祠

九年三月壬辰初并二社為一

前漢但置官社而無官稷莽置官稷後復

故漢至魏但太社有稷而官社無稷故嘗二社一稷也晉初仍魏無所增損至太康九年建宗廟而社祀壇與廟俱徙乃詔曰社實一神其無二社之祀

十年六月庚子復置二社

十月詔曰孝經郊祀后稷以配天宗祀文王於明堂

以配上帝而周官云祀天旅上帝又曰祀地旅四望

望非地則明上帝不得為天也往者衆議除明堂五

帝位考之禮文不正且詩序曰文武之功起于后稷

故推以配天焉宣帝以神武創業既已配天復以先

帝配天於義亦所不安其復明堂及南郊五帝位

惠帝元康六年禘壇石中破為二詔更鑄石令如舊

置高禘壇上埋破石入地一丈

元帝大興二年春始議立郊祀儀

尚書令乃協國子祭酒杜夷議宜須

旋都雒邑乃脩之司徒荀組據漢獻帝都許郡便立郊自宜於此脩奉驃騎王導僕射荀崧山太嘗華堂中書侍郎庾亮皆同組議事遂施行立南郊於巳地其制度皆太嘗賀循所定多依漢及晉初之儀三月辛卯帝親郊饗配之禮一依武帝始郊故事是時尚未立北壇地祇衆神共在天郊

明帝大寧三年七月詔曰郊祀天地帝王之重事自

中興以來惟南郊未曾北郊四時五郊之禮都不復

設五嶽四瀆名山大川載在祀典應望秩者悉廢而

未舉王者其依舊詳處

成帝咸和八年正月追述明帝前旨於覆州山南立

北郊天郊則五帝之佐日月五星二十八宿文昌北

極兩師雷電司空風伯老人凡六十二神也地郊則

五嶽四望四瀆五湖五帝之佐沂山嶽山白山霍山

醫無閭山蔣山松江會稽山錢塘江先農凡四十四

神也江南諸小山蓋江左所立猶如漢西京關中小

水皆有祭秩也是日辛未祀地郊始以宣

穆張皇后配地魏氏配地事皆非晉舊也

康帝建元元年正月辛未南郊辛巳北郊帝皆親奉

後魏道武登國元年即代王位于牛川西向設祭告

天禮成

天興元年七月遷都平城始立社稷并立壇兆告祭

天地

二年正月甲子初祠上帝於南郊以始祖神元皇帝

配為壇通四陛為壇將三重天位在其南面神元西

面五精帝在壇內壇內四帝各于其方一帝在

未日月五星二十八宿天一太一北極司中司命司

祿司民在中壇內各因其方其餘從食者各一干餘

神醮在外壇內藉用藁秸玉用四珪幣用束帛牲用

一日月等共用牛一祭畢燎牲體在于壇南已地從

陽之義其瘞地壇兆制同南郊明年正月辛酉郊天

癸亥瘞地於北郊以神元實皇后配五嶽名山在中

壇內四瀆大川于外壇內后土神元后牲共用玄牡

一玉兩珪幣用束帛五嶽等用牛一祭畢瘞牲體在

于壇之北亥地從陰也其後冬至祭上帝于園丘夏

至祭地于方澤用牲幣之屬與二郊同冬十月置大

社大稷帝社于宗廟之右為方壇四陛祀以二月八

月用戊皆太牢句龍配社周棄配稷皆有司侍立禮

神嘗以正月上未設藉于端門內祭牲用羊豕犬各

升于元帝王部

一宮中立星神一歲一祭嘗以十二月用馬鹿各一
牛豕各二雞一太祖初有兩彗星見劉后使占者占
之曰祈之則當掃定天下后從之故立其祀又立神
位二歲一祭嘗以十月令用牛一雞二又立王神四
歲二祭嘗以八月十月各用羊一又晉獻明以上所
立天神四十所歲一祭亦以八月十月神尊者以馬
次以牛小以羊
皆女巫行事

三年正月癸亥有事於北郊

二月丁亥詔有司祀日于東郊用騂牛秋分祭月于

西郊用白羊一

天賜二年四月復祀天于西郊為方壇一置木主七于上東為二陛無等

周垣四門門各依其方色名為牲白犢黃駒白羊各一祭之日帝御大駕百官及賓國諸侯大夫畢從至

郊所帝立青門內近南壇西內朝臣皆位于帝壇北外朝臣及大夫咸位于青門之外后率六宮從黑門

入立于青門內近西北面廩犧令掌牲陳于壇前女巫執鼓立于陛之東西面選帝之十族子弟七人執

酒在巫南西面北上女巫升壇搖鼓帝拜后肅拜百官內外盡拜祝訖復拜拜訖乃殺牲七執酒七人西

向以酒灑天神士復拜如此者禮畢而返自是之後歲一祭

明元永興三年三月帝禱于武周車輪二山初清河王紹有

龍于道武性凶悍帝每以義責之弗從帝懼其變乃於山上祈福於天地神祇及卽位壇兆後因以為常

祀歲一祭牲用牛皆帝親祀之無嘗月明年立道武廟于白登山歲一祭其牲太牢帝親祀之亦無嘗月

兼祀皇天上帝以山神配早則禱之多有效是歲又加置天地日月之神及諸小神二十八所於宮內歲

二祭各用羊一又別置天神等二十三於道武廟左右其神大者以馬小者以羊

泰嘗三年為五精帝兆於四郊遠近依行數各為方

壇四陛埽壇三重通四門以太暉等及諸佐隨配備

祭黃帝嘗以立秋前十八日餘四帝各以四立之日
牲各用牛一有司主之又六宗靈星風伯雨師司民
司祿先農之壇皆有別兆祭有嘗日牲用少牢立春
之日遣有司迎春于東郊祭用酒脯棗栗無牲幣又
立五嶽四瀆廟于桑乾水陰春秋遣有司祭有特牲
及幣四瀆唯以牲牢准古望秩云其餘山川及海若
諸神在州郡者合三百二十四所每歲十月遣祀官
詣州鎮遍祀有水旱災厲則牧守各隨其界內而祈
設其祭皆用牲王畿內諸山川皆列祀次祭若有水
旱則禱之

四年八月辛未幸代至鴈門關望祀嘗嶽

八年正月南巡恒嶽祀以太牢

四月幸維陽遣使以太牢祀嵩高華嶽還登太行

五月至自維陽諸所過山川群神祀之

太武神廡二年四月以小駕祭天神禮畢帝遂親戎

大捷而還歸格於祖禰通告群神

大延元年立廟于恒嶽華嶽嵩嶽上各置侍祀九十

人歲時祈禱其水旱春秋泮涸遣官率刺史祭以牲

牢有玉幣

魏之先居幽都也鑿石爲祖宗之廟於烏

維侯國遣使朝獻云石廟如故民嘗祈請有神驗

焉其歲遣中書侍郎李厥詣石室告祭天地以皇

帝王部

下

先妣配祀日天子諱謹遣厥等用駿足一元大武
昭告于皇天之靈自啓闕之初祐我皇祖于被田土
歷載億年聿來南遷惟祖惟父光宅中原克剪凶醜
極定四邊冲人慕業德聲弗彰豈謂幽遐稽首來王
具知舊廟弗毀弗亡攸攸之懷希仰餘光王業之興
起自皇祖絲絲瓜瓞時惟多祜敢以丕功配享於天
子子孫孫福祿永延厥等既祭斬楨木立之以宣牲
體而還後所立禪木長成林其民益神奉之咸謂龜
國感靈祇之應也石室南距岱宗可四千餘里明年
六月司徒崔浩奏議所祀多不經案祀典所宜祀凡
五十七所餘復重及
小神請皆罷之奏可

十二月遣使者以太牢祀北嶽

太平真君十二年十一月帝南征過嘗山祀以太牢

浮河濟祀以少牢過岱宗祀以太牢遂臨登瓜步而

還

文成興光元年正月造有司詣華嶽修廟立碑數十

人在山上聞虛中若音聲聲中稱萬歲云和平元年

正月帝東巡幸遼西望祀醫無閭山遂緣西南幸冀

州北至中山過嘗嶽禮其神而返

二年二月帝南巡過石門遣使者用玉璧牲牢禮嘗

嶽

四月旱下詔郡州於其界內神無大小悉灑掃薦以

酒脯年登之後各隨本秩祭以牲牢至是群祀先廢

者皆復之

獻文皇興二年二月以青徐既平遣中書令兼太嘗

高允奉玉幣祀於東嶽

孝文太和十年四月甲子帝初以法服御輦祀於西郊

十二年閏九月甲子帝觀築圓丘於南郊

十三年正月辛亥有事於圓丘於是初備大駕五月庚戌有事於方澤

十五年八月議肆類上帝禋於六宗之禮帝親臨決十二月壬辰遷社於內城之西己酉帝迎春于東郊十六年二月甲午初朝日于東郊遂爲嘗

三月乙亥帝初迎氣南郊自此爲嘗

八月庚寅帝初夕月於西郊遂以爲嘗

十八年二月乙丑行幸河陰規建方澤之所

十九年正月己亥南征濟淮命太嘗致祭己未行幸遐丘遣使以太牢祀岱嶽

十一月行幸委粟山議定圓丘甲申有事于圓丘

二十年五月丙戌立方澤於河陰丁亥有事于方澤宣武景明二年十一月壬寅改築圓丘於伊水之陽乙卯仍有事焉

孝明正光三年十一月乙巳有事於圓丘

五年正月辛丑有事於南郊

出帝太昌元年十一月丁酉日南至有事於圓丘
西魏文帝大統二年正月辛亥祀南郊改以神元皇
帝配

四年正月辛酉拜天於清暉室終帝世遂為嘗

册府元龜

册府元龜

巡按福建監察御史臣李嗣京 訂正

知 閩 縣 事 臣 曹鼎臣 參閱

知 建 陽 縣 事 臣 黃國琦 較釋

帝王部 三十三

崇祭祀第二

後周閔帝元年正月辛丑即天王位柴燎告天王寅
祠圓丘詔曰予本自神農其於二丘宜作厥主始祖
獻侯啓土遼海肇有中國其配南郊文考德符五運
受天明命祖於明堂以配上帝廟為太祖癸卯祠方

丘甲辰祠太宰辛亥祠南郊二月癸酉朝日于東郊
戊寅祠太社

八月戊辰祠太社

明帝元年十月乙酉祠圓丘丙辰祠方丘甲午祠太
社

十一月丁未祠圓丘

武帝保定元年正月庚戌祠圓丘壬子祠方丘甲寅
祠感帝於南郊乙卯祠太社

二月甲午朝日於東郊

太和元年三月丙午祠南郊

二年三月初立郊丘壇壝制度

三年正月辛丑祠南郊

建德二年正月辛丑祠南郊

六年五月己丑祠方丘

宣帝宣政元年六月卽位七月丙午祠圓丘戊申祠
方丘

八月丙寅夕月于西郊

隋高祖開皇元年二月甲子卽位設壇於南郊天使
柴燎告天丙寅詔修社廟

三年四月癸巳親雩

五月辛酉有事於方澤

八月戊子有事於大社

四年正月辛未有事於南郊

七年二月丁巳朝日於東郊

十年十一月辛丑有事於南郊

十二年十一月辛亥有事於南郊

十四年閏十月詔東鎮沂山南鎮會稽山北鎮醫無

閭山冀州鎮霍山竝就山立祠東海於會稽縣界南

海於南海鎮南竝近海立祠及四瀆吳山竝取側近

巫一人主知灑掃竝命多時松柏其霍山雩祠日遣

使就焉

甲戌年正月詔北鎮於冀州龍山立祠東鎮於晉州霍山鎮若修造竝准西鎮吳山造神像

十五年正月東巡狩次齊州丙寅旅玉符山

三月巳未至自東巡狩望祭五嶽海瀆

六月辛丑詔名山大川未在祀典者悉祭之

十八年十一月癸未有事於南郊

仁壽元年十一月巳丑有事於南郊

煬帝大業元年孟春祀感帝孟冬祀神州改以高祖

文帝配其餘竝用舊禮

四年八月辛酉親祀恒嶽河北道郡守畢集

十一年十一月乙巳有事於南郊

唐高祖武德元年五月甲子即位遣兼太尉禮部尚書蕭造于南郊

二年十月幸華陰甲子親祀華山

三年四月親祠華山

四年十一月甲子有事於南郊

七年六月幸仁智宮以少牢祭宮所山川

九年正月丙子詔曰厚地載物社主其祭嘉穀養民稷惟元祀列聖垂範昔王通訓建邦正位莫此爲先爰暨都邑建于州里率土之濱咸極莊敬所以勸農務本修始報功敦序教義整密風俗末代澆浮祀典虧替時逢喪亂仁惠弛薄壇壝闕昭備之禮鄉閭紀合之訓朕握圖受曆菲食卑宮奉珪璧以尊嚴

燦盛而禋燎尙想躬稼厲精治本永言享祀宜存依紀是以吉日惟戊親祀大社率從百僚以祈九穀今旣南畝倣載東作方興州縣致祀宜盡祗肅四方之民咸勤殖藝隨其性類命爲宗社京邑庶士臺省群官里閭相從共尊社法以時供祀各申祈報兼存實醑之義用洽鄉黨之歡且立節文明爲典制進退俯仰登降折旋明加誨厲迺相勸獎齊之以禮有恥且格布告天下卽宜遵用戊寅親祀禮

太宗以武德九年八月甲子卽位遣兼太尉司空裴寂柴燎告天於南郊

貞觀五年十一月丙子帝有事於南郊

十四年十一月甲子朔旦冬至親祠南郊

十七年十月甲寅詔曰朕聞上靈之應疾於影響茂社之興積於年代朕嗣膺寶曆君臨區宇憑宗社之介福賴文武之同心時無風塵之警野有京坻之積厚地降祉貞石表祥營翠色而流光發素質而成字前紀厥初之德次陳卜年之永後述儲貳之美竝名字昭然楷則相次曠代之所未聞故老之所未覩

以寡德處奉成命緬惟往載良增兢惕自天之佑豈惟一人無疆之福方覃九土自非大報泰壇稽首上帝則靡申奉天之志寧副臨下之心今年冬至有事南郊所司率繇舊典十一月己卯有事於南郊太宗升壇皇太子從奠於時累日陰雪是旦猶雲霧晦冥及太宗升壇煙氛四散風景清朗文物昭映禮畢祝官讀謝天瑞文曰嗣天子臣諱敢昭告于昊天上帝諱纂承鴻基君臨宇縣夙興旰食無忘於政道道德齊禮良愧于前聖爰有成命表瑞貞石文字昭然曆數惟永旣旌高廟之業又錫眇身之祚逮于皇太子

某亦降禎符竝具紀姓氏兼列名字仰瞻雲漢寔銘
大造俯惟寡薄彌增寅懼敢因大禮重薦玉帛上謝
明靈之貺以申祗慄之誠皇太子某亦恭至泰壇虔
拜於蒼昊庶憑眷祐之德永膺無疆之休

初十六年
太宗遣刻

受命玄玉璽白玉爲螭首其文云皇天景命有德
者昌竝神筆隸書然後鐫勒是日侍中負之以從

十九年征遼三月丁丑幸定州經北嶽帝自爲文祭
之

高宗永徽三年三月甲子詔升先蠶爲中祀

乾封二年十二月甲午詔曰夫受命承天崇至敬於
明祀膺圖纂錄昭大教於嚴配是以薦鮪鱮於清廟

集振鷺於西雍宣雅頌於太師明肅恭於祖考用能
紀配天之盛業嗣積德之鴻基永播英聲長爲稱首
自周景道喪秦室政乖禮樂淪亡典經殘滅遂使漢
朝博士空說六宗之文晉代鴻儒爭陳七祀之議或
同昊天于五帝或分感帝于五行自此以降迺相祖
述異論紛紛是非莫定朕以寡薄嗣膺丕緒肅承禮
祀明發載懷虔奉宗祧寤寐興感每惟宗廟之重尊
配之儀思革舊章以申誠敬禮曰化人之道莫急於
禮禮有五經莫重於祭祭者非物自外至也自內生
於心也是以惟賢者乃能盡祭之美况祖功宗德道

冠百王盡聖窮神義高千古自今已後祭圓丘方丘明堂感帝神州等祖高祖太武皇帝太宗文皇帝崇配仍總祭昊天上帝及五天帝於明堂庶因心致敬獲展虔誠宗祀配天永光鴻烈

上元三年二月詔以今冬有事於嵩嶽命所司修撰儀注務從典故閏三月詔以吐蕃犯塞停嵩嶽封禪之禮

永淳二年春正月甲午朔車駕發東都庚子至奉天宮遣使祭嵩嶽及少室箕山具茨等山西王母啓母廟中宗神龍元年五月改先農爲帝社壇西帝稷壇禮同大社大稷壇不備方色所以異於大社也
九月壬午親祀昊天上帝皇地祇于明堂高祖天皇大帝配

景龍三年十一月乙丑親祀南郊

十二月甲午幸新豐溫湯境內有自古帝王陵致祭睿宗太極元年正月辛巳有事於南郊
五月戊寅有事於北郊

玄宗先天二年八月癸丑封華嶽神爲金天王
開元四年二月甲子命有司以少牢致祭驪山仍禁樵採時大旱應禱而雨報之也

五年正月命右散騎嘗侍褚無量攝黃門監致祭于帝堯祠吏部尙書兼黃門監宋璟致祭于帝舜祠紫微侍郎同紫微黃門平章事蘇頲致祭于夏禹祠各令當州刺史上佐爲亞獻終獻

十二月戊寅詔曰國之大事在祀神之所歆惟敬潔誠而齊精意以享則可臻介福致休祥深慮有司未副厥旨所緣宗廟社稷嶽瀆等祭宜令禮官博士斟酌古今務加虔肅合於典禮卽詳定奏聞

八年三月勅頃歲未登水旱不節今春事方起農桑是憂祈於上玄福茲下土式展郊禋之禮以申誠請之心宜令左嘗侍元行冲攝侍中祠南郊太嘗長官分祭華嶽溫湯

十年十二月壬寅將北巡詔曰王者承事天地以爲主郊享奉尊以通神蓋燔柴大壇定天位也瘞埋太圻就陰位也將以昭報靈祇克崇嚴配爰迨秦漢稽諸祀典立甘泉於雍時祠后土於汾陰遺廟歸然靈光可燭朕觀風唐晉秩望山川肅恭明神思致禋敬爲人求福以輔升平合此神符應於嘉德宜以來年正月北巡狩行幸至汾陰以二月祠后土所司准式

先是雕上有后土祠嘗爲婦人素像則天時移河西梁山神素就祠中配焉至是有司送梁山神像於祠

外之別室內出錦繡衣服以上后土之神乃更加裝
飭焉又於祠堂院外設壇如皇地祇之制及所司起
作獲寶鼎
三枚以獻

十一年正月行幸北都二月壬子祠后土於汾陰之
脰上

四月庚申勅曰河東冀方其鎮惟霍神為天吏山有
靈在昔皇業初興肇蒙嘉祉今者省方旋軫重獲
休徵同受三神之貺獨忘百邑之禮其霍山宜崇飾
祠廟秩視諸侯蠲山下十戶以為灑掃晉州刺史春

秋致祠

九月癸未制曰帝王承天必崇告類之典文武尊祖
是遵嚴訓之義所以克荷成命昭升前烈蓋王者之
子道乃聖人之神教朕以寡昧猥承丕緒獲主祭祀
一紀于茲輔相之宜下不足以被物馨香之德上不
足以動天故歲成不登刑且未恤內省為媿大禮猶
鬱星晷驟遷夙夜祇懼今四夷內附諸侯率職群生
和洽百物阜蕃猶恐教或未孚求之皇極誠有不達
觀於國風故親巡河東祈穀脰上神歆有答歲物以
冀此皆先聖無疆之休上玄啓祐之貺冀因報謁式
展誠敬宜以迎日之至允備郊天之禮所司詳擇舊
典以聞十一月戊寅親祠南郊

十二年十一月庚午幸東都勅有司所經名山大川自古帝王陵忠臣烈士墓精意致祭以酒脯時菓用代牲牢丙寅至華州命刺史徐知仁與信安王禕勒石於華嶽祠南之通衢帝親製其文

十三年十一月壬辰詔封太山神爲齊天王禮秩加三公一等宜令所管崇飾祠廟去山十里禁樵採

十六年六月丁亥詔曰爰自首春有愆時雨朕憂勤黎獻精禱靈祇遂蒙九玄垂福百神效祉膏澤頻降嘉生繁育瞻彼山川能興雲雨報功享德祀典存焉諸州所管名山大川宜令當處長官設祭務盡誠敬

以昭典禮庚寅詔曰宗社垂祐陰陽順成甘澤應時庶物繁育祇奉靈慶寅良載深空令中書門下肅事昭報仍令所司擇日奏聞

十八年正月丁巳親迎氣於東郊禮畢詔其海內五嶽四瀆及諸鎮名山大川及靈跡各令郡縣逐處設祭

八月丁酉詔曰祭主於敬神歆惟德黍稷非馨蘋藻可薦宣尼闡訓以仁愛爲先句龍業官以生植爲本普天率土崇德報功饗祀惟殷封割滋廣非所以全惠養之道叶靈祇之心其春秋二祀及釋奠天下諸

州府縣等並停牲牢唯用酒脯務在修潔足展誠敬自今已後以為嘗式

十九年四月壬辰兩京及天下諸州各置太公廟一所制曰乾坤冲用陰陽所以運行帝王大業文武所以垂範故四序在乎平分五材資於並用式稽乾坤之意載明文武之道永言舊章斯典未洽自我而始爰備闕文昔羲皇立弧矢之象黃帝有甲兵之事將以定禍亂濟生靈分二柄而齊設醜兩儀而共久至若用之以仁義行之以禮樂龍豹卷舒而莫測星辰應變而無方誰其尸之則齊太公之道也故宣尼大

聖立文以化成尚父惟師仗武而弘訓齊魯之道列親賢之教興鬱為政源崇我王業遂使金石之奏永播於蹲龍之庭蒸嘗之享不行於非熊之室文武並設斯不然矣豈王風云季禮沒於前修將帥是尊慶彰於今日式崇大典垂裕後昆宜令兩京及天下諸州各置太公尚父廟一所以張良配享春秋二時取仲月上戊日祭諸州賓貢武舉人准明經進士行鄉飲酒禮每出師命將辭訖發日便就廟引辭仍簡取自古為將功業顯著康濟生人者十人准十哲例預享

甲辰命有司祭五嶽四瀆以尙書省諸曹郎分往諸州祭焉

二十年四月戊申命有司擇日就祭五嶽四瀆

十一月庚申祀后土於雎上命有司陳禮帝質明而享是日大赦制五嶽四瀆名山大川各令致祭務盡誠潔

二十二年四月詔曰春秋祈報郡縣嘗禮比不用牲豈云血祭陰祀貴臭神何以歆自今已後州縣祭社特牢宐依嘗式

六月詔曰春來多雨歲事有妨朕自誠祈靈祇降福以時開霽迄用登成永惟休徵敢忘昭報宐令所司擇日享九廟仍令高品官祭五嶽四瀆其天下名山大川各令所在長官致祭務盡誠潔用申精意

二十三年正月乙亥藉田祀先農禮畢詔五嶽四瀆名山大川竝令所在長官以禮致祭已卯勅曰自今已後有大祭宐令丞相特進少保少傅尙書賓客御史大夫攝行事

二十四年七月庚子有上封事者言月令云八月日月會于壽星居列宿之長五者土之數以生爲大臣竊以壽者聖人之長也土者皇家之德也陛下首出

壽星之次旅於土德之數示五運開元之期萬壽無疆之應伏請兩京各改一殿以萬壽爲名至千秋節會百僚於此殿如受元之禮每至八月社日配壽星祠至於大社壇享之詔曰德莫大於生成福莫先於壽考苟有所主得無祀之今有上事者言仲秋日月會於壽星以爲朕生於是月欲以配社而祭於義不倫且壽星角亢也旣爲列宿之長復有福壽之名豈惟朕躬獨享其應天下萬姓寧不是懷蓋秦時已有壽星祠亦云舊矣空令所司特置壽星壇嘗以千秋節日修其祀典申勅壽星壇室祭老人星及角亢七宿著之嘗式

二十五年十月戊申勅曰時和年豐神所福也精意備物祭之義也朕每爲蒼生嘗祈稔歲微誠有感丕應乃彰今宗社降靈神祇効祉三時不害百穀用成遂使京坻遍于天下和平之氣旣無遠而不通禮祀之典亦有期而必報宜令兵部尚書兼中書令晉國公李林甫工部尚書同中書門下三品幽國公牛仙客卽分祭郊廟社稷尚書左丞相裴耀卿祭中嶽禮部尚書杜暹祭東嶽御史大夫李適之祭西嶽太子賓客王丘祭北嶽國子祭酒張說祭南嶽其四瀆四

海四鎮及諸名山靈跡等各委所繇州長官祭仍令所司卽擇日開奏務修蠲潔之禮以致精明之德冀申誠懇如朕意焉

二十六年正月丁丑親迎氣於東郊祀青帝

天寶元年正月丁未改元制曰前王重典在乎祭祀况屬惟新事宜昭告五嶽四瀆名山大川諸靈跡及自古帝王忠臣義士並令所繇州縣致祭

是月甲寅得靈符于尹喜臺西百官請崇徽號壬申詔曰神仙所緘造化同固爰初有待經韞積而多時潛應改元若符契之相合景福修介祗良良深而羣

官宗室抗疏於外元良諸子屢請於中逮夫緇黃兼彼耆老以至懇誠不已前後相仍願加天寶之名用益開元之號顧惟菲薄曷以當之然則玄貺在乎欽承人心難以稱拒順天從衆義叶至公敬依所請實用多愧斯蓋上玄厚載爰自百神孚佑效靈通於睿祖幽贊惟新之曆克彰永代之祥宜遵祀典式陳昭報可以來月十五日祔玄元皇帝廟十八日享太廟二十日有事於南郊宜令中書門下與禮官等卽詳定禮儀具錄聞奏應緣行事及簡較官等各委有司不須別差人執當其北郊宜差公卿擇日祭五嶽

瀆及名山大川各令所在長官備禮陳祭務申誠敬
副朕意焉

二月丙戌詔曰凡所祭享必在躬親朕不親祭禮務
有關其皇地祇宜就南郊乾坤台祭

三月丙申合祭天地於南郊

十月戊寅詔曰社為九土之尊稷乃五穀之長春祈
秋報祀典是尊而天下郡邑所置社稷等如聞祭事
或不備禮苟崇敬有虧豈靈祇所降欲望和氣豐年
焉可致也朕永惟典故務在潔誠俾官吏盡心庶蒼
生蒙福自今已後應祭官等庶事宜倍加精潔以副

朕意其社壇側近仍禁樵牧至如百姓私社宜與官
社同日致祭

十二月乙亥詔曰歲之豐儉雖繫於嘗數天之感應
實在於精誠頃者按以陰陽求諸推步至於今歲不
合有年朕所以齋心妙門懇其玄德靈徵不遠丕應
乃彰果獲西成頗為善熟蓋至道儲祉惠於蒸人亦
羣神叶贊錫以昭報詩不云乎無德不報宜令光祿
卿嗣鄭王希言祭東嶽太子詹事嗣許王瓘祭中嶽
太嘗卿韋縉祭北嶽所司郎擇日錄奏其四瀆及諸
名山大川或遠近不同各委所繇郡長官便擇吉日

致祭務崇豐潔以稱朕懷

三載三月戊寅并社稷五星爲大祀詔曰祭之爲典以陳至敬名或不正是相奪倫况社稷孚祐百代蒙其福日月炤臨五星叶其紀兆庶允殖下土式瞻旣超言象之外須極尊嚴之禮列爲中祀頗紊大猷自今已後社稷及日月五星竝升爲大祀仍以四時致祭諸星升爲中祀庶昭報之誠恪于上下欽崇之稱合于典則

四月丙辰遣使分祀嶽瀆詔曰務農勸穡雖用天道人和歲稔實賴休徵頃者春夏之交稍愆時雨收穫之際復屬秋霖慮害農功每祈孚佑遂得百神降福羣望效靈旣不爲災仍多善熟幽贊之德普洽於生人昭報之儀式遵於祀典宐令太子詹事嗣許王璣祭東嶽光祿卿嗣鄭王希言祭中嶽宗正卿濮陽郡王徹祭西嶽少府監李知柔祭南嶽衛尉卿嗣吳王祗祭淮瀆光祿少卿彭果祭河瀆所司擇日錄奏其名山大川有路近處亦合便祭僻遠處委所繇長官備禮致祭務陳蠲潔以達精誠

十一月癸亥勅曰王者父事天母事地所以昭孝敬之道通神祇之德朕處奉明命備稽大猷實在緣情

不惟相襲伏以昊天上帝義在尊嚴恭惟祀典每用
冬至既於是日有事於圓丘更受朝賀實深兢惕自
今已後冬至宜取以次日受朝仍永為嘗式王申勅
曰敬惟明神普存於祀典咸秩羣望式重於邦畿頃
者分命使臣致誠嶽瀆山川便近亦已有處分其關
輔之內屢有陳祈王者所都禮亦異數應關內各山
大川各委所繇郡長官稍優於嘗禮致祭於京兆府
界空委蕭炤同與少尹分祭倍崇精潔以副誠祈
十二月癸巳制曰惟神之主必恭禋祀率先之訓義
在躬親朕欽若昊穹子育黎庶思通明靈之德以洽

和平之理是修闕典咸秩無文如在之誠久陳於郊
廟懷柔之至亦徧於山川况九宮所主百神之貴上
分天極下統坤維陰騭生靈功深亭育故式昭新典
肇建明祠將以為人載祈孚佑宐叶元辰之吉用申
大祭之禮可以今月立春朕親祀九宮壇仍令中書
門下與禮官等即詳定儀注奏聞癸丑親祠九宮貴

神於東郊時有術士蘇嘉慶上言請於京城東朝日壇東置九宮貴神壇三城成三赤四階其上依位置九壇壇尺五寸東南曰昭搖正東曰軒轅東北曰太陰正南曰天一中央曰天符正北曰太一西南曰攝提正西曰咸池西北曰青龍五為中戴九履一左三右七二四為上六八為下符於遁甲四孟月祭尊為九宮貴神禮次昊天上帝而在太青宮太廟之上用牲牢璧幣類於天地神祇帝親祀之如有

司行事郎
宰相爲之

四載勅風伯雨師竝依升入中祀乃令諸郡各置一壇因春秋祭社之日同申享祀至九月勅諸郡風伯壇置在社壇之東雨師壇之西各稍北三十步其壇卑小於社壇其祭官准祭社例取太守以下充

五載正月乙亥詔曰五方定位嶽鎮總其靈萬物阜成雲雨施其潤上帝攸敘寰區是仰且岱宗西華先已封崇其中嶽等三方典禮所尊未齊名秩永言光被用叶靈心其中嶽神宜封爲中天王南嶽神爲司天王北嶽神爲安天王應須告祭仍令所司擇日開

奏

四月乙亥詔曰皇天之典聿循於百代郊祭之儀允屬於三靈聖人旣因時以制宜王者亦緣情以革禮朕丕承寶運肅遵明禋曷嘗不克已齋心虔恭夙夜猶慮舊章或闕誠敬未孚有一於此良深祗畏且尊莫大於天地祭莫大於祖宗嚴配昭升豈宜異類今蒸嘗之獻旣著於嘗式南北之郊未展於時享粢盛且略對越何申自今已後每在四時五月先擇吉日祭上帝其以皇地祇合祭以次日祭九宮壇皆令宰臣行禮奠祭務從蠲潔稱朕意焉祭神如在傳諸古

訓以多為貴著自禮經腓骨之儀蓋昔賢之尚質甘
旨之品亦孝子之盡誠既切因心方資變禮其已後
享太廟空料外每室加嘗食一牙盤仍令所司務盡
豐潔發生振蟄雷為其始畫卦陳象威物效靈氣實
本於陰陽功乃施於動植令雨師風伯久列嘗祠唯
此震雷未登羣望其已後每祀雨師室以雷神同祭
朕承宗廟之福為人神之主事有未暢義在得中庶
寅畏之誠上達於郊廟祈禳之典載收于闕遺凡在
有司各揚所職倍宜恭肅以叶靈心

十二月辛酉詔曰孝享宗廟所以達思誠也格於神
祇所以崇嚴敬也則祈穀上帝春祀先王永惟因心
敢忘如在朕承累聖之不業應上玄之福佑聿脩柴
瘞虔奉蒸嘗嘗慮備物未豐馨香莫達頃以詳諸舊
典創以新儀清廟陳牲加特於嘗餼昊天冬祭重增
以時享庶平罄齊敬之勤叶殷薦之義况履茲霜露
載感惟深瞻彼郊壇有懷昭事念禮歸通變諒期乎
達誠教在率先必貴乎親奠室以來載正月朕親講
太廟便於南郊合祭仍令中書門下即與禮官詳定
儀注擇日奏聞興言拜獻先深祇感凡百有司各供
爾職

六載正月戊子親祀南郊遂祀皇地祇詔曰四瀆五嶽雖差秩序與雲播潤蓋同利物崇號所及錫命宐均其五嶽旣已封王四瀆當升公位迺從加等以答靈心其河瀆宐封靈源公濟瀆封清源公江瀆封廣源公淮瀆封長源公仍令所司擇日差使告祭并五嶽及名山大川竝令所在長官致祭又諸州武舉人上省先謁太公廟拜將帥及行師尅捷亦宐告獻七載五月壬午帝加尊號詔五嶽四瀆名山大川各令本郡長官致祭

八載六月詔曰九州之鎮實著禮經三代之典必崇望秩事旣屬於報功義有符於錫命其九州鎮山除入諸嶽外宐竝封公仍各置祠守者量更增修儲慶發祥當申昭報宐令所在長官各陳祭禮名山大川亦量事致祭

九月命宗正卿褒郡信王璆祭西嶽太僕少卿兼單于安北副大都護張齊丘祭北海蜀郡長史鮮于仲通祭江瀆太子詹事李旭祭北嶽尚書右丞李通遷祭河瀆詔曰朕肅恭明祀祈福上玄冀敷佑於黎蒸將昭報於靈應頃蠻夷欵附萬里廓清稼穡豐穰羣方樂業豈惟菲德以致元和實賴神休永綏景貺思

崇望秩用展虔誠宐令宗正卿褒信郡王璆等卽分往五嶽四瀆及四海致祭所經道次者名山大川亦便致祭務令精意以稱朕懷

九載四月詔曰五材竝用時表上靈八水分流實稱善利京師與壤秦甸王畿灞澹通於涇渭滂瀉匯於澧漓蓄洩雷雨滋育稼穡雖惠澤已及於蒸民而虔誠猶闕於祀典聿崇精享庶達明神其涇渭灞澹等分水宐令禮儀使左庶子韋述取今月二十九日一時備禮致祭務陳蠲潔稱朕意焉

十載正月甲子有事於南郊合祭天地大赦天下制曰禮者所以訓導人俗昭事明祇有因增修以會其本况國之大典在於精禋必資備禮以章遵奉自今已後攝祭南郊薦獻太清宮薦享太廟其太尉行事前一日於致齋所具羽儀鹵簿公服引入朕親受祝板乃赴清齋以展誠敬夫子孝奉親極敬惟愛歿有思戚霜露之感逾深祭以吉蠲蒸嘗之敬如在且廟者貌也取象存焉是禮繇於情因心則感太廟宐置內官以備嚴奉仍於廟外造一院安置庶申罔極之思無忘事生之禮嶽瀆山川蘊靈毓粹雲雨之澤利及生人春秋之義存乎祀典况正其運序式遵成秩

其五嶽四瀆及諸鎮山宜令專使分往致祭其名山
大川及諸靈跡先有祠廟者各令郡長官逐便致祭
是月丁未封東海爲廣德王南海爲廣利王西海爲
廣潤王北海爲廣澤王

二月己亥分遣嗣吳王祗祭東嶽齊天王嗣魯王宇
祭南嶽司天王秘書監崔秀祭中嶽中天王國子祭
酒班景倩祭西嶽金天王宗正少卿李成裕祭北嶽
安天王衛尉少卿李澣祭江瀆廣源公京兆少尹韋
嘗祭河瀆靈源公太子左諭德柳傑祭淮瀆長源公
河南少尹豆盧回祭濟瀆清源公嗣道正鍊祭沂山
東安公江東道採訪使吳郡太守趙居貞祭會稽山
永興公大理少卿李禎祭吳嶽山成德公穎王府長
史甘守默祭霍山應靈公范陽郡司馬畢悅祭醫巫
閭山廣寧公竝取三月十七日庚子一時致祭申命
太子中允李隨祭東海儀王府長史張九章祭南海
太子中允柳奕祭西海太子洗馬李隨祭北海加
王位且行冊禮也

四月辛巳制曰王者臨馭萬國莫不尊奉五嶽至於
迎氣致祭必在辨方正位朕丕承眷命肅事嚴禮庶
有合於乾坤用永垂於典實加以厚德載物莫先於

土推誠導氣必叶於時在曆數之有徵諒國家之所感含弘廣大利用豐功隨王雖布於四方歸本且闢於中位朕式明統緒用答元符爰創新儀再修墜典頃者每祝黃帝乃就南郊義實有乖禮亦非便稽諸體式理固不然宜於皇城內西南就坤地改置黃帝壇朕當親祠以昭誠敬仍令中書門下與禮官更審叅詳奏聞

十一月壬午詔曰禮神以玉者蓋取其精潔表心溫潤合德爲器有象正辭乃信以達馨香其在珪璧項來禮神六器及宗廟奠玉自馮紹正奏後有司竝用珉禮所謂君子貴玉而賤珉不可用也朕精禋郊壇嚴敬宗廟奉惟新之祚庇太平之人則人力普存備物以享安可以珉代玉惜費事神况國家之祈福有萬方之助祭闕典必修無文咸秩豈於天地宗廟奠玉有虧自今已後乾坤六器宗廟奠玉竝用真玉諸祀用珉如以玉難得大者寧小其制度以取其真十二載二月制五嶽四瀆及名山大川并靈迹之處各委郡縣長官致祭其祠宇頽毀者量事修葺十四載八月辛卯制曰書云咸秩群望詩曰懷柔百神永惟明徵豈忘昭報今秋稼穡頗勝嘗年實賴靈

祇福臻稔歲其五嶽四瀆所在山川及得道昇仙靈跡之處宜委郡縣長官至秋後各令醮祭務崇嚴潔式展誠享

是月癸未詔曰朕永念蒸人所穀上帝而陰陽式序風雨不愆今獲稼穡阜成允賴神明幽贊也頃者虔心精享已申昭告其五嶽四瀆及天下諸郡山川近令秋後展祭收穫既就農畝事隙報功咸秩抑惟其時宥令所在郡縣長官卽擇良辰以崇明祀

冊府元龜

冊府元龜

巡按福建監察御史臣李嗣京 訂正

知甌寧縣事 臣孫以敬 參閱

知建陽縣事 臣黃國琦 較釋

帝王部 三十四

崇祭祀第三

唐肅宗至德二年二月帝在鳳翔改汧陽郡吳山為西嶽增秩以祈靈助

乾元元年六月己酉初置太一神壇於南郊圓丘東命中書侍郎同中書門下平章事王奐攝祭

二年正月丁丑親祀九宮貴神宿齋於壇所

上元元年閏四月己卯御明鳳門大赦改元詔曰自古明王聖帝名山大川竝委州縣長吏擇日致祭又詔曰定禍亂者必先於武德拯生靈者諒在於師貞周武創業克寧區夏惟師尚父實佐興王况德有可師義當禁暴稽諸古昔爰崇典禮其太公望可追封爲武成王有司依文宣王置廟仍委中書門下擇古今名將如文宣置亞聖及十哲等享祭之典一同文宣

元年建子月詔曰皇王符瑞應協於靈祇典禮廢興式存於禋告蓋重成命以崇祇肅朕獲嗣鴻猷敢忘虔敬頃以三代正朔所尚不同百王徽號無聞異稱顧茲薄德思創常規爰因行慶之日將務惟新之典而建元立制冊命曆符受於天地祖宗申於百辟卿士今旣循諸古法讓彼虛名革故之宐已宣於臣下昭報之旨未展於郊廟因時備禮擇日陳誠克明恭已之心庶降庇人之福至誠斯感其在茲乎宐取今月二十八日朝獻太清宮二十九日享太廟元獻廟來月一日祭圓丘及太一壇是月己酉皇帝謁太清宮庚戌享太廟元獻廟建丑月辛亥朔拜南郊祭太

一壇禮畢還宮

代宗寶應二年五月丁卯改封北嶽爲寧天王

廣德二年二月乙亥親拜南郊祀昊天上帝於圓丘

戊子詔五嶽四瀆名山大川宜令所管致祭

三月丙午勅曰三代之初皆有神降監其德也天寶

啓之恭惟王業之初師及霍邑堅城未下大將阻兵

連雨積旬糧儲不給有白衣老父忽詣軍門稱霍山

之神謁大唐皇帝云東南取路八日雨止助帝破敵

盡如其言巖巖霍山九州之鎮興雲致雨功已洽於

生人親道輔德力更宣於王室朕纘承大寶膺受鴻

休膺蠶之間誠明可接永言幽贊茲謂有孚惟天命

神據我斯意宜令禮儀使判官司封員外郎薛頌郎

往霍山致祭正詞以薦稱朕意焉

永泰元年正月癸巳改元制曰書稱成秩詩美懷柔

仰惟衆靈念茲多祐其五嶽四瀆名山大川宜令所

管牧宰精神致祭

大曆元年十一月甲子日長至御含元殿大赦改元

制曰五嶽四瀆名山大川祀典倏存神理昭著宜以

禮致祭

五年四月丙午命太嘗寺復置先農馬祖壇依嘗式

享祭

六月詔曰五嶽四瀆名山大川神明所居風雨是主
宜委中書門下分使致祭以達精誠

十一月庚寅日長至命有司祀昊天上帝於南郊

七年十一月辛卯日長至命有司祀昊天上帝於南

郊不視朝

八年十一月辛丑日長至不視朝命有司祀昊天上帝

帝於南郊

十一年十一月丙辰日長至命有司祀昊天上帝于

南郊不受朝賀

十二年八月增修北郊壇齊宮二十五間

十三年十一月丁卯日長至命有司祀昊天上帝于

南郊不視朝

德宗建中二年五月有司奏定張良穰苴孫武吳起

樂毅白起韓信諸葛亮李靖李勣配武成王廟先是開元

十九年始於兩京置齊太公廟以張良配乾元中追封齊太公為武成王令選歷代名將從祀然未之行祠宇日荒至是宰相盧杞京兆尹盧諶以盧者齊之裔乃鳩其裔孫若盧崔丁呂之族合錢以崇飾之請擇自古名將如孔門十哲皆配享詔下史官乃定穰苴等至是始奏定焉

三年閏正月甲戌令百寮謁武成王廟

貞元元年正月丁酉改元制天下名山大川委長吏

致祭

十一月癸卯日南至帝親祀昊天上帝於圓丘

二年四月壬午太嘗寺奉祭風伯雨師祝版准開元

禮凡有司攝事祝版應御署者進署訖皆北面再拜

其風伯雨師本是小祀竝有司行事天寶三載始升

諸星為中祀亦無皇帝親祀風伯雨師之命有司自

是嘗典不同攝祭其祝版准中祠例合進署其再拜

案禮無文詔曰風雨等師升為中祀有烈祖成命况

在風雨事切蒼生今雖無文朕當屈已再拜以申子

育萬姓之意

是月詔太嘗少卿裴郁等十人各就方鎮祭嶽鎮海

瀆等

三年閏五月徙風師壇于滄水東

四年五月初復御署祭嶽鎮海瀆祝版准開元禮每

歲祭嶽瀆祝版咸御署而遣之自上元元年權亭中

祀已下繇是因循不署及是太嘗卿董晉舉奏之帝

方崇祀典乃復舊制

六年二月甲申復祀元中司命司人司錄及靈星

五月以風師武成王等樂章付所司施行之

六月巳酉復祭五龍壇初開元中每歲以二月祭之

有司行事著於新禮自上元中罷中小祀其祭遂廢及是宰臣請復之帝始以是日親祭焉

十一月庚午日南至帝親祀昊天上帝於南郊

九年十一月癸未帝朝獻太清宮畢事宿齋於太廟

行宮甲申朝于太廟畢事齋於南郊行宮巳酉日南

至帝郊祀

初帝以是歲有年蠻夷朝貢思親告郊廟於祀事尤重慎及將散齋謂宰臣曰在祀

散齋歸正寢攝心奉祀不可聞外事其嘗務勿奏乃齋於別殿及命皇太子諸王行祭者皆受誓一日命

妃媵辭於別所故事祈壇宮廟內壇及殿庭帝步武所皆設黃道褥壇十一位又施赤黃褥將有事皆命

徹之又故事設御史版立于郊廟咸藉以褥及是帝虔禋拜首於地有司奉祠者莫不惕厲

順宗以貞元二十一年正月即位四月冊皇太子詔

五嶽四瀆名山大川委所在長吏量加祭祀

憲宗元和二年正月辛卯有事於南郊詔天下名山

大川及古聖帝明王忠臣烈士各令以禮致祭

四年十月庚寅冊皇太子詔五嶽四瀆名山大川委

所在長吏量加祭祀

七年十月庚戌制冊皇太子五嶽四瀆名山大川委

所在長吏量加祭祀

穆宗長慶元年正月辛丑親祀昊天上帝於圓丘

七月壬子受冊尊號禮畢詔五嶽四瀆名山大川并

自古忠臣烈士各令所在以禮致祭

敬宗寶曆元年正月辛亥親祀昊天上帝於南郊
文宗太和元年六月乙卯詔曰依令有司約禮禱祀
宗廟徧祈山川務盡莊誠以副予志

三年六月太常寺奏北郊祀皇地祇壇先闕齋宮請
准祠例置一所可之

十一月甲午親祀昊天上帝於南郊

八年二月庚寅以疾瘳大赦詔曰百靈所佑獲遂痊
和虔奉神休敢忘昭報其五嶽四瀆天下名山大川
各委所在長吏致祭仍加豐潔以副精誠

九年二月丁丑詔曰王者受天地之明命續祖宗之
鴻業所以祇服大事致誠嚴禋盡其孝敬之心崇其
郊祀之禮必在匪懈不忒粢盛豐潔古今丕訓無易
於此朕嗣位十載恭臨萬邦務三時以厚生睦九族
以脩教每厲薄德汔茲小康中宵內愧懼不克稱寔
天地之睠佑祖宗之威靈思欲罄其精誠奉以昭報
豈聿懷之敢望寔如在而齋心如聞近歲有司因循
將事不恪牲牷無滌具之別籩豆乏靜嘉之容鼎俎
雖陳薦羞多闕祠官或怠於齊肅胥吏有至於喧嘩
虧禮瀆神莫斯爲甚永言重事用懼深衷起今已後
太廟郊社齋卽先事前一日委監察御史子細點簡

如有替代非正身者當時禁身推問聞奏當重科懲
既責躬親須議優獎其齋郎委中書門下商量量與
減選應緣祠祭官下至齋郎及太嘗樂人吏等致齋
日有博奕飲酒喧呼爭競者亦委御史臺糾察聞奏
其牲牢准禮循行之際合視肥瘠之宜近日相承臨
時取辦既乖誠敬頗失舊章委太僕寺准禮令處分
如無本色牛羊速具聞奏至於酒醴醢醢簋簋膳羞
各委本司准禮令切加提舉凡在廟壩所宜肅敬縱
云隙地豈廢脩崇如有耕墾藝植者亦委御史臺糾
察聞奏攝事公卿雖約官品將朕誠敬必在得人委
尚書省差定之時稍加慎選其祭器禮物中如有欠
闕及濫惡須慎補改張者委太嘗宗正光祿太僕寺
少府監諸司速具條疏聞奏仍委中書門下卽與疎
理處分於戲禮崇明祀神享至誠上下苟無其違心
虔恭必冀於備物繇是怵惕興感齊莊致詞咨爾庶
工各揚厥職式遵禮典稱朕意焉

是年六月封鷄翁山爲侯先是翁造爲興元節度使
初往漢中遇大雨平地水尺餘若不可進禱鷄翁山
疾風驅雲卽時清霽及是帝憶聞其事會造爲御史
大夫入見得詳言當時靈貺明日下詔封之

開成二年四月辛酉詔曰每聞京師舊說以爲終南山興雲卽必有雨若當晴霽雖密雲他至竟不霑雲况茲山北面闕庭日當恩顧修其望祀寵數空及今聞都無祠宇巖谷湫却在命祀終南山未備禮秩湫爲山屬捨大崇細深所謂闕於興雲致雨之祀空令中書門下且差官設奠宣告恩禮便令擇立廟處所廻日以聞然命有司卽時建立

八月乙未長安縣令杜慥奏准詔置終南山祠宇畢已酉册南山爲廣惠公

武宗會昌元年正月辛亥有事於南郊

十二月勅取來年春依天寶三年祀九宮貴神

五年正月辛亥有事於南郊

宣宗大中七年正月有事於南郊

懿宗咸通元年十一月丁未有事於南郊

四年正月庚午有事於南郊

僖宗乾符元年十一月庚寅有事於南郊

昭宗龍紀元年十一月甲寅有事於南郊

哀宗天祐二年六月湖南馬殷奏岳州洞庭青草二湖之側有古祠四所先以荒圯臣復修廟宇畢乞賜名額者勅旨黃陵二妃祠曰懿節洞庭君祠曰利涉

侯青草祠曰安流侯三閭大夫祠先以禮朗觀察使雷滿奏已封昭靈侯空依天祐元年九月二十九日勅處分

九月中書門下奏伏自遷都已來武成王廟竝未置立今請改爲武明王

避朱全忠父諱

其廟請於街西選地建

立其餘修置及配享十哲七十二弟子竝請准故事者從之

後唐莊宗初爲晉王天祐八年與梁軍戰於栢鄉因禡牙祀之曰南望栢人當漢祖擒奸之地北臨鄜邑有蕭王告類之亭一則成創業之功一則纂中興之

緒予遠提師旅將盪妖氛假二帝之威靈救萬邦之塗炭俯詳形勝用視郊原陣雲不散於長空殺氣正衝於殘孽逆溫背惠奸我同盟非厚載之所容在典刑而無赦將期勦戮以慰蒸人諒我忠勤幸資神助同光元年四月卽位制曰山林川澤祀典神祇各隨處差官崇修祭饗

十月德音應有百神祠宇不得有虧時祭

十一月辛丑勅天下州縣所有神祠本處差官告祭二年二月己巳朔有事於南郊

七月己酉幸龍門下雷山賽二人神北俗禡牙空社

之禮也

明宗天成元年八月司天奏前月二十八日夜四鼓西北雷雲暴作秋事方興宐分命祠禱從之

二年十月甲申勅少府監聶延祚等以大駕巡幸告祭神祠

四年七月壬辰制朕自嗣守丕圖勤修庶政于茲四稔罔怠萬機上實賴於祖宗下必資於卿士卑躬克儉景行前王側席求賢追蹤往哲日懼一日雖休勿休幸致風雨不憊干戈載戢九穗之禾應瑞足表豐年兩階之舞咸賓無虧曠代敢萌矜伐漸喜隆平然

而圓丘之禮未陳清廟之詩未著夙宵增懼寤寐興懷何以助天之高而報地之厚也且天覆予爲子民戴予爲君苟帝道未臻則人倫焉正必須燔柴瘞玉嚴六宗虞典之禮非敢刻石泥金竊萬歲嵩高之美凡在遐邇當體至懷朕取來年二月十一日有事於南郊

八月丁酉大理正路毓奏竊見春秋釋奠於文宣王廟而武成廟久曠時祭國之二柄文武之宗請復嘗祀從之

九月戊辰祠部員外郎呂朋龜奏五龍祠九宮壇天

地三官置醮之禮久廢請依典故脩之

十二月中書奏今後宰臣致齋內不押班不知印不赴內殿起居或遇國忌行事已受誓戒空不赴行香并不奏刑殺公事

長興元年二月乙卯親祀昊天上帝於圓丘

十二月己酉命有司祭司寒神於水井

二年七月福建王延均上言當道神廟七所乞封王號勅無諸史傳有名宜封為閩越富義王其餘任自于境內祭享是月勅天下州府應有神祠破損者仰取公使錢添修

三年十二月庚戌勅祠祀祭器牲帛務從精潔齊宮壇墀所司宜簡舉崇飾之

愍帝應順元年閏正月詔曰朕猥以冲人獲膺大寶賴神祇之贊助顯天地之休禎夷夏駿奔式符於瞻命聲教綿遠虔荷於炳靈德薄承祧憂深馭朽克奉治平之道諒繇冥助之功集是殊祥敢不寅畏賴陰陽之行運致時雨以應期稼穡順成得歲功而叶望咸臻上瑞普泰兆民宜令三京諸道州府界內名山大川祠廟有益於民者以時精虔祭祀稱朕意焉末帝清泰元年五月壬申詔曰吳嶽成德公昨遇享

期克申幽贊宐加王號以表神功可進封靈應王其
祠享官屬仍舊同五嶽擇日冊命初帝在鳳翔將有
沉闕之釁遣房暉祠之有應至是欲加封爵下有司
簡計奏曰天寶十載正月封吳山為成德公與沂山
會稽醫無閭同制封公至德二年十二月改吳山為
嶽祠享官屬視五嶽今國家以靈應告祥宐示殊等
故有是命 至二年四月庚午授冊于少府
監烏昭達在吳山祠封靈應王
是月丙子詔諸州神祠有破壞者委所在給省錢補
緝

十一月詔杭州護國廟改封崇德王城隍神改封順
義保寧王銅官廟改封福善通靈王湖州城隍神封
阜俗安成王越州城隍神封興德保闔王從兩浙節
度使錢元瓘奏也

二年三月庚申詔曰祠祭國家重事功在精虔若不
提撕漸成疎慢今後監祭使每祭親視酒饌幣玉不
得令饌料失於蠲潔如有所聞罪在監祭使其壇廟
墻屋勿令疎漏本司嘗簡舉修葺以聞

四月戊辰考功員外郎李慎義上言今春以來稍愆
雨澤陛下念稼穡之重深宵旰之憂倍軫聖心徧走
羣望盈尺則告瑞於元朔如膏則潤洽於暮春可卜

豐穰動皆響應請天下凡祠宇有益於人者下本處
嘗令修飾冀集洪休從之

晉高祖天福二年三月詔巡幸汴州中書奏車駕經
過河南府河陽鄭州汴州管界所有名山大川帝王
陵廟名臣等去路十里內者伏請下本州府各排比
祇候車駕過日以酒脯醢祭告從之

五月湖南馬希範奏青草等四廟各乞進封勅青草
廟安流侯宜進封廣利公洞庭廟利涉侯進封靈濟
公磊石廟昭靈侯進封威顯公黃陵二妃廟舊封懿
節廟改封昭烈廟

八月詔曰負國者天地不容爲逆者人神共怒永惟
躬饗實有感通昨出師之時將帥虔禱頗聞陰祐成
此戰功唐衛國公宐封靈顯王其餘鄭州并汜水管
內神祠宐令長吏差官點簡如有隳損處便委量事
修葺貴申嚴飾以合陰功五嶽承天四瀆紀地自正
當陽之位未伸望秩之儀宐令差官徧往告祭兼下
逐州府量事修崇所有近廟山林仍宐禁斷樵牧
十月丙戌命使祠五嶽四瀆

六年正月戊寅詔曰全晉與區興王重鎮唐叔之英
靈未泯臺駘之古廟猶存朕頃在并門長承陰助永

言正直宜用封崇唐叔虞宜封興安王臺駘宜封昌寧公又詔曰嶽鎮司方海瀆紀地載諸祀典咸福蒸民將保豐穰宜申虔敬俾加崇飾以奉神明其嶽鎮海瀆廟宇等宜令各修葺仍禁樵蘇

七年二月勅唐州湖陽縣蓼山神祠宜賜名為蓼山

顯聖之神仍下本州修葺廟宇 元襄州安從進作逆舉軍北來東京教坊

使充南面先鋒都監陳思讓進軍南行與從進相遇接蓼山列障俗以蓼與了字同音遂傳為不祥遂祈戰勝奏立廟額從進既敗行營都部署高行周以狀奏聞因有是勅

少帝以天福七年六月卽位十月封襄州利市廟為

順正王

十一月勅天地宗廟社稷及諸祠祭等訪聞自前所

司承寬多不精潔宜令三司豫支一年諸司合請祠

祭禮料物色等於太廟置庫仍差宗正丞石載仁專

主掌監察御史宋彥昇監庫兼差供奉官陳審璘往

雜京於太廟內穩便處擘畫修庫屋五間候奉修畢

催促所支禮料物色監送到庫交付宋彥昇石載仁

竝同點檢入庫交付訖供奉官陳審璘齎交領文狀

歸闕每有祠祭諸司各請禮料至時委監庫御史宋

彥昇宗正丞石載仁旋給付逐司其太祠中祠兼令

監察使點檢饌造一一須得精潔如或更致慢易本

司當準格律科罪其祭服祭器未有者脩製已有者更仰雅飾

漢隱帝乾祐三年八月以蒙州城隍神爲靈感王從湖南請也時海賊攻州城州人禱於神城得不陷故有是請希廣又言永州有杏將軍祠郡人水旱祈禱有應乞賜封崇勅宐賜太保

周太祖廣順元年正月卽位制曰國之大事在祠爲先苟不潔蠲深爲瀆慢如聞自前祠祭牢饌頗虧肅敬今後委監察御史嚴加覺察必須豐潔庶達精誠稍或不恭國有嘗典

二年五月親征兗州遣樞密院直學士陳觀祭堯廟翰林學士竇儀祭東嶽廟

三年三月西京留司太子少師楊凝式言諸祠祀之所竝無齋宮遣前染院使周重興監造與留司計會具料度事件以聞其太廟郊社要補葺處仍便檢計十月戊申內出御札曰王者應運開基子民育物罔不承天事地尊祖敬宗燔柴於泰壇用昭乾德瘞玉於方澤以答坤靈朕受命上玄宅心下土時已歷於三載漸至小康禮未展於二儀深虧大典夙宵愧良不敢違寧宐叶著龜式陳籩豆庶展吉蠲之禮用傾

昭事之誠朕以來年正月一日於東京有事於南郊
宐令所司各備儀注務從省約無致勞煩凡有供需
并用官物府縣不得因便差配諸道州府不得以進
奉南郊爲名輒有率斂庶俾嚴靜以奉郊禋中外臣
僚當體予意

顯德元年正月丙子朔太祖親祀圓丘

世宗以顯德元年正月丙申卽位八月丁未以風雨
時若遣官分祭羣祠

二年七月丙子帝謂侍臣曰朕聞國之大事在祀與
戎近代以來急於戎事祭祀之禮幾如墜地且牲牢
之具簠簋之數蓋主誠信誠信不至神何享焉今後
宐令所司各舉其職務在豐潔

八月乙丑詔曰今後諸處祠祭應有牲牢香幣饌料
供具等仰委本司官吏躬親簡較務在精至行事儀
式依禮經大祠祭合用樂者仍須祀前教習凡闕祀
事宐令太嘗博士及監察御史用心點檢稍或因循
必行朝典先是以太嘗禮院上言郊壇宗廟禮物多
闕故有是命

四年二月庚午詔有司添修祭器法物等先是帝以
郊廟祭器皆繇所司相承製造年代寔遠式樣訛舛

乃令國子博士聶崇義檢閱禮書模畫其樣以聞至是故有是命

冊府元龜

冊府元龜

巡按福建監察御史臣李嗣京 訂正

新建縣舉人 臣戴國士 參閱

知建陽縣事 臣黃國琦 較釋

帝王部 三十五

封禪

禮曰昔先王因天事天因地事地因名山升中于天書曰天子五載一巡狩歲二月東巡狩至於岱宗柴望此封禪之大略也昔齊桓公欲封禪管仲曰古者封泰山禪梁甫七十二家皆受命然後得封禪是知

王者受昊天之神命居大寶之位順考古道建用皇極仁及乎行葦澤浸乎昆蟲太平之風於是乎在若乃建顯號施尊名揚英聲騰茂實以祈景福以告成功則必申命有司發揮大典刻石紀績與黃帝比探策告祥配天無極故兒寬謂之帝王之盛節相如亦曰天下之壯觀可不謂然乎

無懷氏封泰山禪云云

無懷古之王者在伏羲前云云在梁父東山名也又曰云

云山在蒙陰縣故城東北下有

處義封泰山禪云云

處讀曰伏

神農氏封泰山禪云云

炎帝封泰山禪云云

炎帝神農後

黃帝封泰山禪亭亭

地理志鉅人有亭亭山

顓頊封泰山禪云云

帝嚳封泰山禪云云

堯帝封泰山禪云云

舜封泰山禪云云

禹封泰山禪會稽

湯封泰山禪云云

周成王封泰山禪於社首

在鉅平南十二里

漢武帝議欲放古巡狩封禪之事

放依也音甫往切

諸儒對

者五十餘人未能有所定先是司馬相如病死有遺

書頌功德言符瑞足以封泰山上奇其書又司馬相如傳載相

如既病免家居茂陵天子曰司馬相如病甚可往從

悉取其書若後之矣所忠往而相如已死家無遺書

問妻對曰長卿未嘗有書也時時著書人又求去長

卿未死時為一卷書曰有使來求書奏之其遺札書

言封禪事所忠以問左內史兒寬寬對曰陛下躬發

奏焉天子異之純察攝聚也輯輯與集三字並同宗

聖德統攝羣元虞書曰輯五瑞是也其字從木

祀天地薦禮百神精神所鄉徵兆必報天地竝應符

瑞昭明其封泰山禪梁父昭姓考瑞帝王之盛節也

然享薦之義不著于經封禪之享薦也以非嘗禮故經無其文以為封

禪告成合祛於天地神祇祛開散合閉也祇戒精專

以接神明總百官之職各稱享空而為之節文稱副也

唯聖主所繇制定其當當猶中也非羣臣之所能列今將

舉大事優游數月言不決也使羣臣得人自盡終莫能成

所言不同各有執見也唯天子建中和之極兼總條貫金聲而

玉振之言振揚德音如金玉之聲也以順成天慶垂萬世之基帝

然之乃自制儀采儒術以文焉既成將用事拜寬為

御史大夫初議封禪曰古者先振兵釋旅然後封禪
廼遂北巡朔方勒兵十餘萬騎還祭黃帝冢橋山釋
兵涼如地名帝曰吾聞黃帝不死有冢何也或對曰黃
帝已仙上天羣臣葬其衣冠既至甘泉為且用事泰

山先類祠秦一且猶將也類祠謂以事類而祭之自得寶鼎上與公

卿諸生議封禪封禪用希曠絕莫知其儀體而羣儒

采封禪尚書周官王制之望祀射牛事天子有事宗廟必自射牲

示親殺也齊人丁公年九十餘曰封禪者古不死之

名也秦始皇不得上封陛下必欲上稍上稍漸也即無

風雨遂上封矣上於是廼令諸儒習射牛草封禪儀

數年至且行天子既聞公孫卿及方士之言黃帝以

上封禪皆致怪物與神通欲放黃帝放依也音甫往反以接

神人蓬萊高世比德于九皇上古有人皇者九人而頗采儒術

以文之羣儒已不能辨明封禪事又拘于詩書古文

而不敢騁帝為封祠器視視讀曰示羣儒羣儒或曰不與

古同徐偃又曰太嘗諸生行禮不如魯善徐偃博士姓名周

霸屬圖封事屬會也會諸儒圖封事周霸人姓名也於是帝黜偃霸而

盡罷諸儒弗用以元鼎六年五月東幸緱氏禮登中

嶽太室從官在山上聞若有言萬歲云問上上不言

問下下不言廼令祠官加增太室祠禁毋伐其山水

以山下戶凡三百封密高為之奉邑密古崇字以崇奉嵩之山故謂

之密高奉邑也詔曰朕用事華山至於中嶽獲駿鹿見夏后

啓母石翌日親登密高御史乘屬在廟傍天子出御史除二人

乘為曹吏卒咸聞呼萬歲者三登禮罔不答其令

官加增太室祠禁無伐其草木以山下戶三百為之

奉邑名曰密高獨給祠復亡所與夏四月癸卯帝因

東上泰山 言易上也泰山從南面直上步道三十里車道百里 泰山草木未生

迺令人上石立之泰山顛 從山下轉右而上也 帝遂東巡海上

行禮祠八神帝還至奉高帝念諸儒及方士言封禪

人殊不經難施行 人人殊異文不合經故難以施行 天子至梁父禮

祠地主至乙卯令侍中儒者皮弁縉紳射牛行事封

泰山下東方如郊祀泰一之禮封廣丈二尺高九尺

其下則有玉牒書書秘禮畢天子獨與侍中奉車子

侯 子侯霍去病 上泰山亦有封其事皆禁明日下陰道

丙辰禪泰山下阼東北肅然山如祭后土禮天子皆

親拜見衣上黃而盡用樂焉江淮間一茅三脊為藉

五色土益雜封縱遠方奇獸飛禽及白雉諸物頗以

加祠兕牛象犀之屬不用皆至泰山然後去封禪祠

其夜若有光晝有白雲出封中 雲出于所封之中 天子從封

禪還坐明堂羣臣更上壽 更互也 詔曰朕以眇身承至

尊兢兢焉惟德菲薄不明於禮樂故用事八神遭天

地况施著見景象肩 同 然如有聞震於怪物欲止不

敢遂登封泰山至於梁父然後升壇肅然自新嘉與

士大夫更始其以十月為元封元年行所巡至博奉

高蚩丘歷梁父城民田租逋賦貸已除逋賦未出賦者逋貸官以

物貸之而未還也加年七十已上孤寡帛人二疋四縣無出

今年筭自博至梁父凡五縣今云四縣奉高素以供禪非筭限賜天下民爵一

級女子百戶牛酒又曰古者天子五載一巡狩用事

泰山諸侯有朝宿地其令諸侯各治其邸泰山下

二年帝伐朝鮮夏旱公孫卿曰黃帝時封則旱乾封

三年三歲不雨暴所封之土令乾也上廼下詔天旱意乾封乎言通新封

則致天旱欲乾我所封乎其今天下尊祠靈星焉秋作明堂於泰

山下

五年春還至泰山增封甲子祠高祖於明堂以配土

帝因朝諸侯王列侯受郡國計若今之計帳初封泰山東

北陟古時有明堂處處險不敞言其阻帝欲治明堂未

高旁未曉其制度濟南人公玉帶公玉姓帶名也呂氏春秋齊有公玉

丹此蓋其舊族而說者讀公玉為宿非也單姓王者後漢司徒王況自音宿耳上黃帝時明

堂圖明堂中有一殿四面無壁以茅蓋通水水圍宮

垣為複道上有樓從西南入複讀日復名曰昆侖天子從

之人以拜祀上帝焉於是帝令奉高作明堂汶上如

帶圖汶水名也出琅琊朱虛作所上明堂于汶水之上也帶圖公玉帶所上明堂圖及是歲

脩封則祠泰一五帝於明堂上坐合高帝祠坐對之

漢是時未以高祖配天言對武帝以來乃配之祀后土於下房以二十太宰

丹元封禪 帝王部 六

天子從昆侖道入始拜明堂如郊禮畢祭堂下而上

秦古燎字又上泰山自有秘祠其顛而泰山下祠五帝各

如其方黃帝并赤帝所與赤帝同處有司侍祠焉山上舉

火下悉應之

太初元年十月行幸泰山十一月甲子朔旦冬至祀

上帝于明堂十二月禮高里山名在泰山下

三年正月行東巡海上四月還脩封泰山禮石閣石閣

在泰山下陞南方方士言仙人閣

天漢三年三月行幸泰山脩封祀明堂因受計

太始四年三月行幸泰山壬午祀高祖於明堂以

上帝因受計癸未祀孝景皇帝於明堂甲申脩封丙

戌禮石閣

征和四年幸泰山脩封庚寅祀于明堂癸巳禮石閣

先是武帝每脩封其贊饗曰天增授皇帝泰元神策

周而復始皇帝敬拜泰一自此已上贊祝者辭又東至海上考

入海及方士求神者莫驗焉益遣幾遇之益多也幾讀曰冀

後又親禪高里祠后土臨渤海將以奉祀蓬萊之屬

幾致殊庭焉殊庭蓬萊中仙人庭也幾讀曰冀復東巡海上考神仙

之屬未有驗者方士有言黃帝時為五城十二樓昆

玄圃五城十二樓以候神人於執期地名也名曰迎年

升平元龜 帝王部 卷之三十五 七

迎年若言明其得帝許之如方名曰明年延年也帝親禮祠

上犢黃馬公玉帶曰黃帝時雖封泰山然風后封鉅

岐伯令黃帝封東泰山風后封鉅岐伯皆黃帝臣也東泰山在琅琊朱虛界中有

小泰禪几山几山在朱虛縣合符然後不死天子既令設祠

具至東泰山卑小不稱其聲乃令祠官禮之而不封

焉其後令帶奉祠候神物復還泰山脩五年之禮如

前而加禪祠石閭石閭者在泰山下陞南方下基之南面

方士言僊人閭也故帝親禪焉其後復至泰山脩封

還過祭恒山自封泰山後十三歲而周遍於五嶽四

瀆矣後復至泰山脩封甘泉泰一汾陰后土三年親

郊祀而泰山五年一封脩武帝凡五脩封

後漢光武建武三十年二月羣臣上言即位三十年

宐封禪泰山詔曰即位三十年百姓怨氣滿腹吾誰

欺欺天乎曾謂泰山不如林放何事汗七十二代之

編錄桓公欲封管仲非之若郡縣遠遣吏上壽盛稱

虛美必髡兼令屯田從此羣臣不敢言三月帝幸魯

過泰山告太守以帝過故承認祭山及梁父時虎賁

中郎將梁松等議記曰齊將有事泰山先有事配林

蓋諸侯之禮也河嶽視公侯王者祭焉宐無即事之

漸不祭配林

三十二年正月帝齋夜讀河圖會昌符曰赤劉之九會命岱宗不慎克用何益於承誠善用之姦僞不萌感此文乃詔松等復案索河雒讖文言九世封禪事者松等奏乃許焉初孝武帝欲求神仙以秩方者言黃帝繇禪封而後僊於是欲封禪封禪不嘗時人莫知元封元年帝以方士言作封禪器以示羣儒多言不合古於是罷諸儒不用三月帝東上泰山乃上石立之泰山顛遂東巡海上求仙人無所見而還四月封泰山恐所施用非是乃秘其事帝許梁松等奏求元封時封禪故事議封禪所施用有司奏當用方石再累置壇中背方五尺厚一尺用玉牒書藏方石牒厚五寸長尺三寸廣五寸有玉簡又用石簡十枚列於石傍東西各三南北各二皆長三尺廣一尺厚七寸簡中刻三處深處四寸方五寸有蓋簡用金縷五周以水銀和金以爲泥玉璽一枚方二寸二分一枚方五寸方石四角又有距石皆再累枚長一丈厚一尺廣二尺皆在圓壇上其下用距石十八枚皆高二尺厚一尺廣二尺如小碑環壇立之去壇三步距石下皆有石跗入地入地四尺又用石牌高九尺廣三尺五寸厚尺二寸立壇丙地去壇三丈以上刻書帝

以用石功難又欲及二月封故詔松欲因故封石空
簡更加封而已松上疏爭之以爲登封之禮告功皇
天垂後無窮以爲萬民也承天之敬尤宜章明奉圖
書之瑞尤宜顯著今因舊封竄寄玉牒故石下恐非
重命之義受命中興宜當特異以明天意遂使太山
郡及魯趣石工宜取完清石無必五色時以印工不
能刻玉牒欲用丹漆書之會求得能刻玉者遂書書
秘刻方石中命容玉牒二月帝至奉高遣侍御史與
蘭臺令史將工先上山刻石文曰維建武三十有二
年二月皇帝東巡狩至於岱宗柴望秩於山川班於
群神遂觀東后從臣太尉熹行司徒事特進高密侯
禹等漢賓二王之後在位孔子之後褒成侯序在東
後藩王十二咸來助祭河圖赤符曰劉秀發兵捕不
道四夷雲集龍鬪野四七之際火爲主河圖會昌符
曰赤帝九世巡省得中治平則封誠合帝道孔鉅則
天文靈出地祇瑞興帝劉之九會命岱宗誠善用之
姦僞不萌赤漢得興九世會昌巡岱皆當天地扶九
崇經之嘗漢大興之道在九世之王封于泰山刻石
著紀禪于梁父退省考五河圖合古篇曰帝劉之秀
九名之世帝行德封刻政河圖提劉予曰九世之帝

方明聖持衡拒九州平天下予雒書甄曜度日赤三
德昌九世會脩符合帝祭勉刻封孝經鈞命決曰予
誰行赤劉用帝三建孝九會脩專茲竭行封岱清河
雒命后經讖所傳昔在帝堯聰明密微讓與舜庶後
裔握機王莽以舅后之家三司鼎足冢宰之權勢依
託周公霍光輔幼歸政之義遂以篡叛僭號自立宗
廟隳壞社稷喪亡不得血食十有八年楊徐青三州
首亂兵革橫行延及荊州豪桀并兼百里屯聚往往
僭號北狄作寇千里無烟無雞鳴犬吠之聲皇天聰
顧皇帝以匹庶受命中興年二十八載興兵起是以
中次誅討十有餘年罪人斯得黎庶得居爾田安爾
宅書同文車同軌人同倫舟輿所通人迹所至靡不
貢職建明堂立辟雍起靈臺設庠序同律度量衡修
五禮五玉三帛二生一死贊吏各修職復于舊典在
位三十有二年年六十二乾乾日昃不敢荒寧涉危
歷險親巡黎元恭肅神祇惠恤耆老理庶遵古聽允
明恕皇帝惟慎河圖雒書正文是月辛卯柴登封泰
山甲午禪于梁陰以承靈瑞以爲兆民永茲一事垂
于後昆百寮從臣郡守師尹咸蒙祉福永永無疆泰
相李斯燔詩書樂隳禮壞建武元年以前文書散亡

舊典不具不能明經文以章句細微相况八十一卷
明者爲驗又其十卷皆不昭晷子貢去告朔之俸羊
子曰賜也爾愛其羊我愛其禮後有聖人正失誤刻
石訖二十一日辛卯晨燎祭天於太平山下南方奉
臣皆從用樂如南郊諸王王者後二公孔子後褒成
君皆助祭位事畢將升封或曰太山雖已從食於柴
祭今親升告功宐有禮祭於是使謁者以一特牲於
嘗祠太山處告祠太山如親耕龜劉先祠先農先虞
故事至食時御輦升山日中後到山上更衣早晡時
卽位于壇北面羣臣以次陳後西上畢位上壇尚書
命奉玉牒簡皇帝以一寸二分璽親封之訖太嘗命
人發壇上石尚書命藏玉牒以復石覆訖尚書令以
五寸印封石簡事畢皇帝再拜羣臣稱萬歲命人立
所刻石碑乃復道下二十五日甲午禪祭地於梁陰
以高后配山川羣神從如元始中北郊故事四月己
卯大赦天下以建武三十二年爲中元元年復博奉
高廡勿出元年租芻藁以吉日刻玉牒書函藏金匱
璽印封之乙酉使太尉行事以特告至高廟太尉奉
匱以告高廟藏于廟室西壁石室高祖室之下

又趙熹傳

載熹爲太尉上言宐封禪正三王之禮中元元年從
封太山又張純傳載純爲司徒奏帝宐封禪曰自古

受命而帝治世之隆必有封禪以告成功焉樂動聲
儀曰以雅治人風成於頌有周之盛成康之間郊配
封禪皆可見也書曰歲二月東巡狩至于岱宗則封
禪之義也臣伏見陛下受中興之命平海內之亂修
復祖宗撫存萬姓天下曠然咸蒙更生恩德雲行惠
澤雨施黎元安命夷狄慕義詩云受天之祜四方來
賀今攝提之歲蒼龍甲寅德在東宮室及嘉時遵唐
帝之典繼孝武之業以二月東巡狩封于岱宗明中
興勤功勳復宗統報天神禪梁父祠地祇傳祚子孫
萬世之基也中元元年正月丁卯帝乃東巡岱宗以
純視御史大夫從弁上
元封舊儀及刻石文

章帝元和二年二月辛未幸泰山柴告岱宗有黃鶴
三十從西南來經祠壇上東北過于宮屋翺翔升降
進奉高壬申從祀五帝於汶上明堂癸酉告祀二祖

四宗

二祖謂高祖世祖四宗謂文帝為太宗

大赦天

下諸犯罪不當得赦亦皆除之復博奉高竊無出今
年田租芻藁丁鴻以少府從帝奏曰臣聞古之帝王
統治天下五載巡狩至于岱宗柴祭于天望秩于山
川協時月正日角斗斛權衡使人不爭陛下尊履蒸
蒸奉承業祀五帝於明堂配以光武二祖四宗咸有
告祀瞻望太山嘉澤降澍柴祭之日白氣上升與燎
煙合黃鵠羣翔所謂神人以和答饗之休符也帝善
焉

安帝延光三年二月辛卯幸太山柴告岱宗

太山王者告代

之處為五嶽之宗故
日岱宗燔柴以告天

魏明帝黃初中護軍蔣濟曰夫帝王大禮巡狩爲先
昭祖揚禰封禪爲首是以自古革命受符未有不詣
梁父登太山刊無竟之名紀天人之際者也故司馬
相如謂有文已來七十二君或順所繇於前謹遺教
於後太史公曰主上有聖明而不宣布有司之過也
然則元功懿德不刊梁山之石無以顯帝王之功示
兆庶不朽之觀也語曰當君而歎堯舜之美譬猶人
子對厥親而譽他人之父今大魏乘百王之弊亂拯
流遁之艱危接千載之衰緒繼百代之廢業自武文
至于聖躬所以參成天地之道綱維人神之化上天
報應嘉瑞顯祥以比往古無所取喻至於歷世迄今
未廢大禮雖志在掃盡殘盜蕩滌餘穢未遑斯事若
爾三苗僞強於江海大舜當廢東巡之儀徐夷跳梁
於淮泗周成當止岱嶽之禮且去歲破吳虜於江漢
今茲屠蜀賊於隴右其震蕩內潰在不復淹無累于
封禪之事也此議久廢非倉卒所定宐下公卿廣撰
其禮卜年考時昭告上帝以副天下之望臣待罪軍
旅不勝大願冒死以聞詔曰聞蔣濟斯言使吾汗出
流足自開闢以來封禪者七十餘君耳故太史公曰
雖有受命之君而功有不洽是以中間廣遠者千有

餘年近者數百載其儀闕不可得記吾何德之修敢庶茲乎濟豈謂世無管仲以吾有桓公登太山之志乎吾不欺天也濟之所言華則榮矣非助我者也公卿侍中尚書嘗侍省之而已勿有所議亦不須答詔也天子雖拒濟議而實使高堂隆草封禪之儀以天下未一不欲便行大禮會隆卒不復行

晉武帝平吳混一區宇太康元年九月庚寅尚書令衛瓘尚書左僕射山濤右僕射魏舒尚書劉寔司空張華等奏曰臣聞肇自生靈則有后辟年載之數莫之能紀立德濟世揮揚仁風以登封泰山者七十有四家其謚號可知者十有四焉沉淪寂寞曾無遺聲者不可勝記大晉之德始自重黎實佐顓頊至於夏商世序天地其在於周不失其緒金德將升世濟明聖外平蜀漢海內歸心武功之盛實繇文德至于陛下受命踐祚弘建大業羣生仰流惟獨江湖沅湘之表凶桀負固歷代不賓神謀獨斷命將出討兵威暨加數旬蕩定羈其鯨鯢赦其罪逆雲覆雨施八方來同聲教所被達於四極雖黃軒之征大禹遠畧周之奕世何以尚今若夫玄石素文底號前載象以數表言以事告雖古河圖雒書之徵不是過也宜宣大典

禮中嶽封泰山禪梁父發德號明至尊享天休篤
庶勤千載之表播流後之聲俾百世之下莫不興起
斯帝王之盛業天人至望也詔曰今逋寇雖殄外
則障塞有警內則百姓未康此盛德之事所未議也
瓘等又奏曰今東漸于海西被于流沙大漠之陰日
南北戶莫不通屬茫茫禹迹今實過之天人之道已
同巍巍之功已著宜修禮地祇登封泰山致誠上帝
以答神人之願也乞如前奏詔曰今陰陽未和政刑
未當百姓未得其所豈可以勒功告成邪詔不許瓘
等又奏曰臣聞處帝王之位者必有歷運之基天命
之應濟兆庶之功者必有聖德之容告成之典無不
可誣有不敢讓自古道也而明詔謙冲屢辭其禮雖
聖德攸在推而未居夫三公職典天地實掌人物國
之大事取義於此故漢氏封禪非是官也不在其事
臣等前奏蓋陳祖考之功天命又應陛下之德合同
四海迹古考今宜修此禮至於克定歲月須五府上
議然後奏聞詔曰雖蕩清江表皆臨事者之勞何足
以告成方望羣后恩隆大化以寧區夏百姓獲又與
之休息斯朕日夜之望無所復下諸府矣瓘等又奏
臣聞唐虞三代濟世弘功之君莫不仰承天休俯協

人志登介丘履梁父未有辭焉者蓋不可讓也今陛下勳高百王德無與二茂績宏規巍巍之業固非臣等所能究論而聖旨勞謙屢自抑損時至弗應推美不居闕皇代之上儀塞靈祇之凝望使大晉之典謨不同風於三五臣等誠不敢奉詔請如前奏施行詔曰方當共思弘道以康庶績且俟他年無復紛紜也王公有司又奏自古聖明光宅四海封禪名山著於史籍作者七十四君矣舜禹之有天下也巡狩四嶽躬行其道易著觀俗省方禮有升中於天詩頌陟其高山皆載在方策文王爲西伯以服事殷周公以魯藩列於諸侯或享於岐山或有事於嶽以聖德循得爲其事自是以來功薄而僭其儀者不可勝數號謚不泯以至於今况高祖宣皇帝肇開王業海外有截世宗景皇帝濟以大功輯寧區夏太祖文皇帝受命造晉盪定蜀漢陛下應期龍興混一六合澤被羣生威震無外昔漢氏失統吳蜀鼎峙兵興以來近將百年地險俗殊人望絕塞今不羈之寇二代而平非聰明神武先天弗違孰能巍巍其成功若茲者歟臣等幸以千載得遭運會親服大化日觀太平至公至美誰與爲讓宐祖述先明憲章古昔勒功岱嶽登封

告成弘禮樂之制正三雍之典揚名萬世以顯祖宗是以不勝大願敢昧死以聞請告太嘗具禮儀帝復詔曰所議誠列代之盛事也然方今未可以爾便報絕之

隋文帝開皇九年平陳朝野物議咸願登封秋七月丙午詔曰豈可命一將軍除一小國遐邇注意便謂太平以薄德而封名山用虛言而干上帝非朕攸聞而今以後言及封禪宜禁絕又定州刺史豆盧通等上表請封禪帝不許又兗州刺史薛胄以天下太平登封告禪帝王盛烈遂遣博士登太山觀古跡撰封禪圖及儀上之高祖謙讓不許

十四年羣臣請封禪高祖不納晉王廣又率百官抗表固請帝命有司草儀注於是牛弘辛彥之許善心姚蔡虞世基等創定其禮奏之帝逡巡其事曰此事體大朕何德以堪之但當東狩因拜岱山耳十五年春行幸兗州遂次岱嶽爲壇如南郊又壇外爲柴壇飾神廟展宮懸於庭爲埋塹二於南門外陳樂設位於青帝壇如南郊帝服袞冕乘金輅備法駕而行禮畢遂詣青帝壇而祭

唐太宗貞觀五年正月朝集使趙郡王孝恭等會議

以爲天下一統四夷來同詣闕上表請封禪帝手詔曰省表具懷自有隋失道四海橫流百王之弊於斯爲甚朕提劔鞠旅首啓戎行扶翼興運克成鴻業遂荷慈睠恭承大寶每日具思治弗敢康寧兢兢夕惕用忘興寢履薄馭朽不足爲喻賴三靈顯命百辟同心海外無塵遠夷慕義但流遁永久凋殘未復田疇多曠倉廩猶虛家給人足尙懷多愧豈可遽追前代取譏虛美所望恂恂濟濟叶力盡誠輔其不逮致之王道如得雅頌形於金石菽粟同於水火反朴還淳當如來議

十二月己亥朝集使利州都督武士護等詣朝堂又上表請封禪帝曰隋末分離羣兇競逐我提三尺劔數年之間正一四海是朕武功所定也突厥強梁世爲紛更今乃襲我衣冠爲我臣吏殊方異類輻輳鴻臚是朕文教所來也突厥破滅君臣爲俘安養之情同於赤子是朕仁愛之道也林邑貢能言鳥新羅獻女樂憫其離本皆令反國是朕敦本也酬功錄効必依賞格懲惡罰罪必據刑書割親愛捨嫌隙以弘至公之道是朕崇信也非朕苟自矜伐欲明聖人之教不徒然也比年穀稼頻登疾疢不作誠宜展禮名山

以謝天地但以喪亂之後民物凋殘憚於勞費所未
遑也

六年公卿百寮以天下太平四夷賓服詣闕請封禪
者首尾相屬帝不許嘗從容而言曰朕本諸公子也
始望不及此屬天下喪亂遂有救焚拯溺之志義師
入關之始羣凶鼎沸當此之時但得三分天下亦爲
足矣朕以不武內稟太上皇之謀外假士大夫之力
數年之間六合大定升中告禪信亦其時然朕往者
蒙犯霜露遂嬰氣疾但恐登封之後彌增誠懼有乖
營衛非所以益朕也少欲自怡用安年壽公卿等勿
復爲言

十一年帝將有事於封禪國子博士劉伯莊睦州刺
史徐令言等皆上封禪事互設疑惑言新禮簡畧事
有未周於是勅四方名儒博物之士及顏師古朱子
奢等參議得失者數十家迺相駁難紛紜不決於是
左僕射房玄齡特進魏徵中書令楊師道慎採衆議
以爲永式議昊天上帝壇其略曰將封先祭義在告
神固當爲壇下阼豫申齊潔贊饗已畢然後登封既
表重慎之深兼示行事有漸今請祭於太山下設壇
以祀上帝以太祖景皇帝配饗壇長一十二丈高一

丈二尺又議製玉牒曰金玉重寶質性貞堅宗祀郊
禋皆充器幣豈嫌華靡寔貴精確况乎三神壯觀萬
代鴻名禮極殷崇事資藻綉玉牒玉簡式緼靈琦傳
之無窮永存不朽今請玉牒長一尺三寸廣厚各五
寸玉簡厚二寸長短濶狹一如玉牒其印齒請隨璽
大小仍纏以金繩五周又議玉策曰封禪禮祭嚴配
作主皆奠玉策肅奉慶成今玉策四枚各長一尺三
寸五分每策五簡俱以金編其一奠上帝一奠太祖
座一奠方地祇一奠高祖座又議金匱曰祭配之策
盛以金匱歸格藝祖藏之朝堂今請長短令容玉策
高廣各六寸形如今之表函纏以金繩封以金泥印
以受命璽又議方石璽累藏玉牒止用石函亦猶盛
書策笥所以或呼石策今請方石三枚以爲再累其
十枚石簡刻石石四邊而立之纏以金繩封以石泥
印以受命璽又議太山上園壇曰四出開道壇場通
議南面入升於事爲允今請介丘山園壇廣五丈高
九尺用五色土加之四面各設一陛御位在壇南升
自南陛而就上封玉牒又議園壇上土封曰凡言封
者皆是積土之名利建分封亦班土立號謂之封禪
厥義可知今請於園壇之上安置方石璽緘旣畢加

土築以爲封高一丈二尺而廣二丈以五色土益封
玉牒書藏於其內祀禪之所土封制亦同此議玉璽
曰謹詳前載方石緘封玉檢金泥必資印以爲秘固
今請依令用受命璽以封石簡其玉簡旣與石簡大
小不同請更造璽一枚方一寸二分文同受命以封
玉牒石檢私制依漢建武時故事又議立碑曰勒石
紀號垂裔後昆美盛德之形容闡后王之休烈其義
遠矣陛下聲暢九垓威橫八極靈祇不愛其寶兆庶
無得而稱但當贊述希夷以攄臣下之志其登封及
禪并肆觀之壇竝請刻頌立碑顯揚功業又議設告
至壇曰旣至山下禮行告至柴於東方上帝望秩遍
禮羣神今請其壇方八丈一尺高三尺陛下仍四出其
禪方壇及自餘儀式請從今禮仍請柴望秩同時行
事又議廢石闕及大小距石曰距石之設意取牢固
本資實用豈云彫飾今旣積土厚封足與天長地久
其小距園壇石闕廻建事非經誥無益禮儀煩而非
要請從減省以十五年奏從此議餘皆罷之遂附制
于今禮永垂於後焉

十四年十月甲戌趙王元景等表請封禪帝冲讓不
許至於再三壬辰詔曰夫功成道合古今以爲隆平

登封降禪聖賢謂之大典是以出震則天之后革夏
變商之君繼韶夏而施尊名崇號諡而廣符瑞顧遲
遲焉羣臣區區誠爲此也原夫大始云構生靈厥萌
黎庶布乎穹壤皇王司其右契遐哉上古以迄於茲
歷選休徵未有如今日之盛也所以敢罄窺管無懼
觸鱗瀝膽披肝言亦備矣援天引聖辭亦殫矣幸蒙
亭育之澤降以聽覽之恩大賚雖敷猶申後命未便
渙汗方事逡巡懷生之徒不遑寧處伏乞皇帝陛下
則天成務應物爲心協三才之會昌乃霈然而動色
遂萬姓之延首俯凝旒而改容雖復龍圖告徵龜書
襲吉尙諮諏於四嶽建明謨於兆人欲使六合之中
沃心通於朝野八紘之內下問浹於華戎比在人靈
疇無抃躍今茲百辟咸集九有攸同竝執玉以來庭
俱式歌而且舞遠則重譯僉議近則端笏叅謀欣覩
增天之高願逢加地之厚絕域忘生而越險華髮忍
死而爭趨中外之心克諧愚智之情允陸掌故事者
草登封而待期執羈勒者儼車徒而俟命庶官率職
三事夙興遠邇昌言明靈幽贊莫不傾視俯聽希陪
肆觀之禮效祉呈祥欽承告成之慶山稱萬歲企和
鑿而發奇雲浮五彩佇華蓋而交陰兩儀之情轉迫

萬國之望愈深臣又聞之屈已從衆至人所以稱仁
絲言顯發哲王以之敷信昨奉明詔許以試之實降
皇情俯同人欲寬仁之利斯博示信之道宏弘卽日
庶尹馳心咸奉章而守闕列藩翹足各伏地以祈恩
所冀天慈深加昭察制可羣僚之奏尅以發軫之期
頒示普天申明絕典使夫一時之士欣獨高於萬代
八荒之會荷周露於再造則臣等死日猶生之年不
任誠懇之至謹與連率方技等奉表詣闕固請以聞
於是下詔曰自古明王君臨區宇功濟天下道
民內外無虞年穀豐稔莫不歸功上玄致禮厚地騰
茂實於六合飛英聲於百代今公卿在列屢屬虛心
嶽牧具僚固陳僉願理在難奪敬依來請顧循諸已
仍懷慙德

十五年三月庚辰肅州言所部川原遍生芝草先是
百僚及雍州父老詣朝堂上表請封禪四月辛卯朔
下詔曰肇有蒸庶樹之司牧載籍所紀風烈猶存至
於道洽品物功成宇縣天眷彰於符瑞人事表於隆
平莫不增封岱宗廣禪梁甫榮鏡六合對越三神前
聖所以垂其尊名後王所以仰其休烈蓋繇此也自
火德旣衰三光分裂金行失御九鼎沉淪諸華競逐

彝倫大壞雖周室削平趙魏隋氏混一文軌而金華之事未戢於封疆雅頌之音弗聞于朝廷遂使至闕如淳風莫反齊郊絕類帝之禮日觀缺升中之儀其已久矣朕丕膺景命嗣守洪基承大亂之餘當率土之責負辰興惕納隍在慮上憑宗社之靈下資士庶之力草昧伊始援干戈以靖亂區夏既平引禮樂以緯俗尉候無警菑畬有年比屋咸保其歡含氣不違其性殊方異域盡地界而來庭應圖合牒殫天符而表瑞緬懷前載詳求諸已豈伊寡德能致此乎固乃上玄所叶贊也而羣公卿士百辟庶僚固陳人祗之意請遵封禪之典推而不居至於數四文武之情彌切內外之議日聞誠請頻繁淹歷年載朕繼跡百王因心萬物上奉蒼昊義在薦功下撫黎元方祈厚福旣迫茲理敢不祗從猥以眇身齊美上代永言風志凜乎增惕可以來年二月有事泰山所司宜與公卿并諸儒士及朝臣有學業者詳定其儀博考聖賢之旨以允古今之中務盡誠敬稱朕意焉於是詔太嘗卿韋挺爲簡較封禪大使禮部侍郎令狐德棻副焉朝廷參議其儀異端競起秘書少監顏師古乃奏稱臣撰定封禪之禮書在十一年春于時諸儒參詳

以爲適中詔公卿定其可否多從師古之禮六月己酉有星孛于太微宮犯卽位辛亥朝散大夫行走侍郎褚遂良進曰陛下撥亂反正功超前烈告成升極天下幸甚而行至雒陽彗星輒見此或有所未允合者也且漢武優柔數年始行岱禮臣愚伏願詳擇丙辰詔曰自古皇王受天之命建顯號於封禪揚洪名於竹帛者莫不功濟夷夏道叶人祇然後登泰山之高刊梁甫之石未有七德靡記九部寂寥而欲齊聲於聖哲垂美於篆籀者也朕承宗廟之重當區宇之責寅畏三靈憂勤萬姓雖戡翦禍亂克定遐荒而至教猶鬱刑典未厝勝殘之化未洽於率土和平之風多慙於往烈是以覽經籍而自失想壇場而增懼亟寢縉紳之奏屢拒公卿之請逡巡大典荏苒歷載近者文武百僚州縣庶尹頻繁抗表殷勤固陳咸以爲兩儀交泰四夷賓服禮讓興行年穀豐稔蒼昊呈符於上靈符不可以久替黎獻協心於下衆欲不可以固拒朕迫茲羣議敢不敬從欲薦功上玄大報后土升中之儀已具省方之期有日今太史奏有彗星出於西方朕撫躬自省深以戰慄良繇功業之被六合猶有未著德化之覃八表尙多所闕遂使神祇垂祐

警戒昭然朕畏天之威寢興靡措且曠代盛典禮數非一行途之間勞費不少冬夏凋弊多未克復將送儀仗轉運糧儲雖存節省之義終煩黎庶之力非唯上虧天意亦恐下失人心解而更張抑有故實前以來年二月有事太山宜停庶夙夜自脩遂其罪已之志勤恤匪懈申其納隍之情儻蒙靈祇廻睠宗社介福朝廷同於大道風俗歸於朴素告成之美更思其宜仍命所司泰山有前代帝王因封禪立碑及石函檢之類往遭離亂被賊毀發竝脩立瘞藏之

二十年十一月司徒長孫無忌與百官及方嶽等上表請封禪不許司徒長孫無忌與百僚又請封禪詔曰朕念遠役初寧頗須休息深知所請甚合機宜卽事省方恐生勞擾俟百姓閑逸可徐議之十二月己丑司徒長孫無忌等又詣順天門抗表請封禪曰臣聞陰陽不測陶冶生靈之謂神道德玄通仁育黎元之謂聖聖也者自天之攸縱也神也者代天之理物也是以惟天稱辟靈心作其會昌惟辟奉天至誠表其封禪升中之道抑斯之謂歟繇是先王急焉當仁不讓景中必禋時至則行務在告於成功故無俟於終日伏見綸旨辭遠役之初寧緩此嘉期託俟人之

逸豫豈容前歌拔拒戢武之後辭勞拓境開疆太平
之秋有劼誠如睿慮未昭百姓之心假此空言實乖
千里之應臣等伏膺麟閣縱觀太始之初沉研鳥文
歷選櫓巢之上悠悠粟陸未辨犧牲森森大庭孰知
罇俎袞衣爲飾尙報太帝之功茹毛充薦輕展介丘
之禮西敘窮乎積石東漸迫乎滄江化未覃於九夷
貢有闕於三脊猶且範圍天地幹運義舒揚翠旒於
奉高撫朱絃於岱嶽迓百神而賓上帝契三靈而謁
大壇玉牘靈文飛英華於萬古金繩秘檢騰清輝於
八埏是知紀號垂名崇高莫加於肆類推功輯瑞廣
厚莫大於登封若乃靈貺所集人謀允洽雖固執於
撝謙諒無得而辭也伏惟皇帝陛下研精探賾神無
不炤唯幾所鑒洞出象帝之初先天成則超貫混元
之際繇是大明揚彩麗雕軒以再中景宿騰輝藻璇
題以霄映奔山車而疊軫促日馭之鳴鑾躍澤馬而
相趨徵天駟之徐軻烟川清野蓄洩於奕奕之阿薰
風警途扇蕩於云云之嶠其冥兆也如彼其顯應也
若斯而陛下因事逡巡方稽大典使尊名顯號韜光
於琰碑絕異殊尤沮絢於瓊簡孰謂畏天之命順人
之欲者歟率土悽悽深所未喻臣又聞之游海若者

馮夷之宮爲陋登太山者魯侯之邦蓋小是知終霄
不極九垓網絡於留中赤縣無涯四海括囊於度內
何者升山巢睫竊比所以懸殊朝菌靈椿長短自然
相度也若夫大樂云替封豨盜鍾大禮旣湮長鯨裂
冕酌撫石於無體均天之響鬱興採掃地於無形禮
宗之道逾劭則女希慙其創制軒后歸其正名矣至
若比屋見誅農夫化爲京觀稟噍無類芻牧窮於染
鏹重興粒食頌栖畝之餘糧首建驂駟詠徒行之兼
乘則農皇貶於推轂義氏退以扶輪矣旣而凝旒闡
化中外禔福負辰勝殘飛沉遂性亭育侔於宇宙就
望體於雲日荷其德以難名用其功而無謝故乃選
高辛之順義孕顓頊之疏通矣加以刑清政肅委金
科而罔施毀犴空囹設畫衣而莫犯通關梁於夏服
共苑囿於黎蒸擊壤而謠傳清音於戎狄耕田而食
建可封於阜隸外戶設而不扃神獸馴而靡觸故以
光融伊帝景煥虞庭至於卑宮菲膳孝享通於鬼神
大路越席致敬極於嚴配黃屋建三辰之旂垂範於
於千祀玄舄垂九旒之藻設法懸於萬代小正訓其
玉燭應祥冥而不虧中天朗其金鏡與真明而同曩
則文命以是伏膺玄王於茲負笈矣洎乎蕭商除害

夷項墜災戮冀野而復皇猷誅疇華而清帝道提倚天之長劍拯塗炭於遊魂揮駐日之雕戈暢懷生於仁壽則駭文武之仍代吞高光之累葉矣詮彼數君時聞一善能兼之者實歸仁聖若乃提封海外總一寰中日域窮芳華之津月竈跨濛波之表頤頤面內竝爲冠帶之倫飄飄駕風總萃王庭之會賈北荒之明月初天府以摘光筐南州之火毛嚮旗亭而吐曜龍伯鈞鼇之旅咸編列於武臣鳳洲君子之渠各委質於文吏斯乃書契之所未覩超古先而絕類矣竊惟域中三大義均一體感通繇乎影響彌綸切乎交際是知德逾厚者貺逾深功尤高者祥尤著當今窮儲祉浹天紘以宅心后土錫符總坤維而服化是百官累息萬國聳神僉發叩閭之請佇副上靈之望伏願時紆睿綬遠振天聲徵鴻儒聘鯢齒考逸緝遺編撫秦煨之逸文採魯壁之餘蠹酌雲經而議憲河圖而繕儀然後玉路乘春金鑣肅景五牛其折羽六龍輝其鏤錫鼓豐隆而警翠微振列於清綠野疑笳發岫合萬歲於山言飛蓋登巒錯玉於林秀登園壇而接武降曜魄而齊尊俾夫一代冠寘其名於冊府四方夷狄鑿其窾於靈官

夷項墜災戮冀野而復皇猷誅疇華而清帝道提倚天之長劍拯塗炭於遊魂揮駐日之雕戈暢懷生於仁壽則駭文武之仍代吞高光之累葉矣詮彼數君時聞一善能兼之者實歸仁聖若乃提封海外總一寰中日域窮芳華之津月竈跨濛波之表颯颯函內竝爲冠帶之倫飄飄駕風總萃王庭之會賈北荒之明月初天府以摘光筐南州之火毛嚮旗亭而吐曜龍伯鈞鼇之旅咸編列於武臣鳳洲君子之渠各委質於文吏斯乃書契之所未覩超古先而絕類矣竊惟域中三大義均一體感通繇乎影響彌綸切乎交際是知德逾厚者貺逾深功尤高者祥尤著當今俾窮儲祉浹天紘以宅心后土錫符總坤維而服化繇是百官累息萬國聳神僉發叩閣之請佇副上靈之望伏願時紆睿綬遠振天聲徵鴻儒聘鯢齒考逸義緝遺編撫秦煨之逸文採魯壁之餘蠹酌雲經而定議憲河圖而繕儀然後玉路乘春金鑣肅景五牛翻其折羽六龍輝其鏤錫鼓豐隆而警翠微振列缺而清綠野疑筵發岫合萬歲於山言飛蓋登巒錯五松於林秀登園壇而接武降曜魄而齊尊俾夫一代表冠寘其名於冊府四方夷狄鑿其竅於靈宮則普天

欣賴懷生再造朝聞夕死抃若登仙臣等深荷玉成
不勝至願重竭愚瞽昧死以聞詔曰朕遐觀哲王煥
在方冊功旣成矣成禮備以升中道旣行焉必奉符
而告禪所以發揮天命昭報上靈其有建顯號以創
鴻徽施尊名而騰茂烈者莫不揚輝於鏤玉絢景於
塗金昭昭然麗三辰而竝運滔滔焉播四冥而極深
朕誠寡德良深景慕曩者氓俗凋弊國步甫安勉致
隆平日不暇給而槐卿守闕請繼美於云亭嶽牧叩
闈祈踵武於梁岱自惟菲薄至道未凝抗禮皞穹實
懷疑懼緬尋幼齒運鍾交喪忘其家以徇天下委其
體以濟寰中芻蕘先皇削平諸夏出於萬死首導五
橫之源不顧一生光錫兆人之命越自鑪炭獲返營
魂拔於鬼錄竝登仁壽竊惟天地之大德存於施生
朕以徑寸之懷小心襲於造育降期體泰諒或繇茲
不然者何能致於此也遂得池隍象浦苑囿龍沙置
一侯於鷦林同六爻於鯨水實資天睠賁以咸亨豈
朕微庸而能及此今茲列辟卿士鴻生碩德各迷靈
徵累陳丹款旣迫羣議當事敬從乃詔有司廣召籍
紳先生議方石園壇之制草封禪射牛之禮脩造羽
儀輦輅竝送之維陽宮

二十一年正月丁酉詔曰朕聞天高地大首播黎方
媯皇燧人肇恭玄籙是知施生爲德處崇高而不言
亭毒攸資委欽明以司契洎乎三正迭建五運相遷
休烈存乎典墳至道流乎雅頌其有仰齊七政俯會
百神察靈眷於祥符報玄功於昭告莫不罄情梁岱
繼踵云亭對越兩儀盡先聖之能事揚三統垂曩
哲之尊名懸鏡天衢罔不繇於此也自中陽絕組堙
白水於窮流宮孽紹興阻黃星於天塹永嘉東播化
金馬以爲牛道武南徂飛蒼鵝以登祚周吞嶽喬逮
三葉而巢傾隋并舜後及二帝而舟覆莫不以凶易
亂以暴代昏各肆巨壑之心規享上靈之佑邛行求
進其可得乎繇是寂寥千祀無懷之風不嗣泯棄七
經子長之言殆絕遂使成山日觀久闕升中之儀汶
上明堂疇聞類帝之義顧瞻禮樂深有可嗟朕幼踐
危機愍斯窮運上同負翼下靡息肩負荷休徵投旗
鞠旅肅恭儲祉吟雲躍鱗順朱鳥以行誅騫丹鳳而
遐舉射九鳥而懸日月區品物以煦陽和練五石以
造乾坤濟摧角以全睂壽於是尊奉先帝凝旒於廟
堂躬履兵鋒憂勤於燹輔旣而仰逼威命俯順樂推
越自唐侯言膺下武深惟憂責之重自勗若厲之懷

遂致靈貺無涯翦毛頭而降錫遊魂削衽盡窮髮以
開疆東苑蟠桃西池昧谷咸覃正朔竝充和氣較凝
禎於徃代窮今古而罕聞考光澤於前皇罄練細而
莫覩豈朕眇身勤勞所逮諒繇高明垂鑒祚此隆平
今茲三事大夫百僚庶尹各迷天人之意請躡封禪
之蹤顧惟寡薄推而不有杜絕羣言至于數四中外
之情尤切企佇之望逾深朕又詳思荷財成於穹昊
自古賢哲竝歸功於大帝迫斯至理弗獲固辭展禮
上玄實增慙懼可以貞觀二十有二載仲春之月式
遵故實有事於太山諸內外具僚嶽牧卿士旣相敦

諭將事告成各罄乃心無虧政道恪居職務以協時
邕所司宐與縉紳先生載筆圓冠之士詳求通典裁
其折中深加嚴敬稱朕意焉乃令天下諸州明揚仄
陋其有學藝優洽文蔚翰林政術甄明才膺國器者
竝宐摠集太山庶令作賦擲金不韞天庭之袞被褐
懷玉無溺屠釣之間務得英奇當加不次也遣太嘗
卿楊師道爲簡較封禪大使戶部侍郎盧承慶爲副
後改令禮部尙書江夏郡王道宗爲大使司空梁國
公房玄齡等議云梁甫社首二山竝是古昔禪祭之
所去十五年議奏請禪梁甫今更奉詔詳議梁甫去

泰山七十里又在東南至於行事未爲穩便社首去
泰山五里是周家禪處臣等叅詳請禪社首有詔依
奏餘竝依十五年議八月壬戌詔曰朕聞探玄曠者
先實而後賓體至公者本仁而未禮名歸於已往哲
存而弗務德利於人前聖徇而爲急是用範圍天地
權輕重以會時宜取則陰陽適通變以從衆欲繇古
之封禪無奪事機所謂奉天咸資務隙朕仰窺前志
歷選哲王無懷有巢緬逾繩契之末龜文鳳紀越在
俎豆之先扣寂寞以傳疑故可略而言也至如三元
立統百物正名步驟之軌非遙損益之源可挹雖堯
心廣運局疆域於流沙禹跡遐宣限隄封於碣石猶
且先引卽敘次展玉帛之儀首創賓門方備云亭之
典告成之義罔弗繇茲况朕奄有方輿闡域該於千
古仰承靈睭降福超於百王巨海所環莫非臣妾長
河攸括竝入封疆日者夷夏同文禎符狎至謂可鳴
鑾日觀勒牒仙閣許以來春親行告禪而今延陔一
姓流竄西陲控弦萬計初歸正朔新就繫維又以公
卿庶僚各陳誠請遂有翠微之役非無板築之勞旣
而山谷阻深朝宗有礙重披丹懇請建玉華且復頻
有興造恐致勞煩兼聞河北數州頗傷淹溺朕爲人

父母思濟黎元順動升中理無兼遂其介丘之禮宜
且權停其玉華宮制度務從菲薄更令卑陋庶免風
雨稱朕意焉

册府元龜

册府元龜

巡按福建監察御史臣李嗣京 訂正
分守建南道左布政使臣胡維霖 叅閱

知建陽縣事 臣黃國琦 較釋

帝王部 三十六

封禪第二

唐高祖卽位後公卿數請封禪龍朔一年十月癸丑
詔宜以四年正月有事於泰山所司詳求故實務從
折衷仍以來年二月幸東都

十二年戊申詔曰海東二蕃久愆職貢近者命帥薄

伐軍務事殷緣河州縣勞於征役比雖多有蠲免庶事優矜萬邦俱會恐致煩擾勞逸二途理無兼遂介丘大禮及幸都並宜且停

麟德元年七月丁未朔詔宜以三年正月式遵故實有事於岱宗所司詳求茂典以從折衷其諸州都督刺史以二年十二月便集嶽下諸王十月集東都緣邊州府襟要之處不在集限天下諸州明揚才彥或銷聲幽藪或藏器下僚並隨嶽牧舉送

九月乙丑詔曰來年行幸岱宗州縣不得浪有煩擾其水淺可涉不可繕造橋梁所行之處亦勿開道路諸州及寺觀并百姓不得輒獻食

二年十月丁卯帝發東都赴東嶽從駕文武兵士及儀仗法物相繼數百里列營置幕彌亘郊原突厥于闐波斯天竺國罽賓烏菴崑崙倭國及新羅百濟高麗等諸蕃酋長各率其屬扈從穹廬氈帳及牛羊駝馬填候道路是時頻歲豐稔斗米至五錢豆麥不列于市議者以爲古來帝王封禪未有若斯之盛者也十二月丙午至齊州停十日丙辰發靈巖頓至於太嶽之下庚申帝御行宮牙帳以朝羣臣

乾封元年正月戊辰朔有事於泰山親祠昊天上帝

於封祀之壇已巳帝登於泰山封王牒於介丘庚午
降禪於社首山皇后爲亞獻越國太妃燕氏爲終獻
先是李勣許敬宗等議封禪儀注請以高祖太宗二
座俱配昊天上帝表曰臣聞殷薦上帝事有明文祖
宗並列抑惟通軌雖三五以降損益不同漢魏以還
沿革殊致至於帝郊嚴配之儀尊祖敬宗之典固以
因心弘範緣情作則孝思聖敬迴冠往初茂實宏規
遂高終古伏惟高祖太祖皇帝收物創業撥亂反正
受終明三統之曆執競隆七百之基御極垂衣稱物
平施隨山靜稽天之景授首撲燎原之災玄功暢於
六虛聖績覃於四海巍巍蕩蕩無得而稱太宗文皇
帝鑿乾履度括地提衡翦脩蛇於洞庭戮蚩尤於中
冀戡召雨追風之孽軼斷鰲練石之勤徵禹之功用
軫宣尼之歎曰文之德實符姬旦之時獻智神武含
弘光大深居高視懷日月以炤臨剛健柔明體乾坤
之博厚求賢勞於宵夢拜善急於朝飧摠宇宙以彌
綸運陰陽而陶鑄變澆僞於華胥之俗還淳朴於大
庭之辰九譯同文八荒順軌人神以合祥瑞畢臻巢
鳳下窺遊麟易擾山車澤馬遠服瑤池之駕醴泉甘
露近克上壽之尊優遊垂拱制禮作樂遠鏡百王獨

爲稱首再造區夏重安宸極昊天成命二帝受之升
降節文不宜差別而肅恭禋祀綴兆分位升中告禋
天地別饗垂嚴父配天之文失尊親加隆之數今歸
功中嶽請以二帝並配竊以太穆皇后造舟備禮爰
定厥祥處人倫之經居風化之始追蹤文母播美周
嫔文德皇后倪天作合曾沙表慶功侔十亂化被二
南兩聖旣已配封則二后應湏配禋申宸思淳深之
極弘聖朝敬愛之旨自我作古聞之往策周制所定
夫何足云斯乃振揚休烈昭宣懿範請存乎不刊未
貽來葉詔從之又皇后武氏上表曰伏以封禪舊儀
祭皇地祇以太后昭配皆以公卿行事以妾愚誠恐
未周備何則乾坤定位剛柔之義已殊經禮載陳中
外之儀斯別豈有推尊先后而以宰臣參祭詳求至
理有紊徽章妾望以展禮之日摠率六宮內外命婦
親臨奠獻以申如在之敬詔許之壬申御朝觀壇受
朝賀大赦癸酉帝謂群官曰升中大禮不行來數千
載近代帝王雖稱封禪其間事有不同或爲求仙克
禋或以巡遊望拜皆非尊崇祖業近在隋朝喪亂最
甚老小填溝壑少壯染兵鋒高祖發自晉陽撥亂反
正先朝躬擐甲冑贊成大業掃除氛祲廓清區宇遂

得四海宅心萬方仰德朕丕承寶曆十有七年終日孜孜夙夜無怠屬國家無事天下太平華夷乂安遠近輯睦所以躬親展禮褒贊先勲情在歸功固非爲已遂得上應天心下允人望今大禮旣畢深以爲慰公等休戚是同故應共有此慶欲與公等飲饌盡歡各宜在外更衣卽求相見仍勅所司撤幄帳施玉床三品已上升壇四品已下縱列坐壇下從酒設樂羣臣及諸嶽牧競來上壽起舞日晏方止戊寅詔兗州置寺觀各三所觀以紫雲仙鶴萬歲爲稱寺以封禪非烟重輪爲名丙戌發自泰山改號封祀壇爲舞鶴臺介丘壇爲萬歲臺降禪壇爲景雲臺以祀日各有靈鶴及山呼萬歲之瑞故也

上元三年二月詔以今冬有事於嵩嶽令所司草儀注務從典故閏二月詔以吐蕃犯塞停封嶽

調露元年七月詔以今年冬至有事嵩嶽宜令禮官學士等詳定儀注

十月庚申詔以突厥背誕其冬至於嵩山封禪宜權停

永淳二年七月庚申詔以今年十月有事於嵩嶽宜令禮官學士等審定儀注務展誠敬仍令天下嶽牧

及京官五品以上各舉所知有孝行儒學文武之士於是詔禮官議射牛之事太嘗博士裴守真奏議曰摠周禮及國語郊祀天地天子自射其牲漢武唯封泰山令侍中儒者射牛行事至於餘祀亦無射牲之文但親春射牲雖是古禮久從廢省不可復行摠封禪祀禮日未明十五刻宰人以鑿刀割牲質明而行事比鑿駕至祠所牢牲總畢天皇唯奠玉酌獻而已若今祀前一日射牲事即傷早祀日方始射牲事又傷晚若依漢武故事即非親射之儀事貴隨時不可行用神功破陣樂及功臣慶善樂二舞每奏上皆立

對守真又議曰竊惟二舞肇興謳吟攸屬贊九功之茂烈叶萬國之歡心義均韶夏用蕪賓祭皆祖宗聖德而子孫享之詳覽傳記未有皇王立觀之禮况升中大事華夷畢集九服仰垂拱之安百蠻懷率舞之慶陶甄化育莫匪神功豈於樂舞別申嚴禁臣等詳擬奏二舞時天皇不合起立詔並從之尋以帝不豫改用來年正月行封禪之禮十月癸亥車駕奉天宮十一月丙戌詔曰朕聞仁者德之本叶亭育之至途禮者道之末乃帝王之餘事歷選往初詳觀曩躅惻隱以孚其化變通以會其神朕以虛薄祗膺寶位肝

食宵衣懼忝於宗社如傷若厲佇濟於黎元每以皇
基肇闢範圍覆載遺惠所覃昭格區宇虔荷靈命嘗
慮下虧鴻業遍刊群嶽不足上報玄功已升聞於日
觀思款謁於天臺志在告成諒非為已屬今茲豐稔
方有事於嵩丘崇累聖之丕績祈兆人之嘉佑頃者
分使出巡存問風俗河南河北尚有十餘州旱澇加
以朔方寇盜時或侵邊關內流離未能復業一物失
所獨甚納隍數郡不寧豈宜備禮前欲以來年正月
封中嶽者宜停

高宗自東封之後天后盛勸行中嶽之禮頻下詔皆屬年飢又蕃夷寇邊而輟於嵩山之下營奉高宗以爲有事之漸

玄宗開元十二年閏十二月辛酉文武百官吏部尚
書裴漼等上請封東嶽曰臣聞道協乾坤聖人之玄
德功存禮樂王者之能事故旁徵前載博考鴻名躬
曆數之期遇天人之應莫不發號施令升中合符澤
浸黎元以茂聲實者矣伏惟開元神武皇帝陛下握
符提象出震乘圖英威邁於百王至德加於四海梯
航接武畢盡戎夷之獻耕鑿終歡不知堯舜之力惡
除氛沴增日月之光輝慶襲休榮雜烟雲之氣色靈
物紹至休祥杳委江茅將鄙黍均芳雙貉與一莖齊
烈固可以稽典訓設壇場悉符瑞之美答神祇之貺

謙而不發雖在於聖心理則難辭孰違於天意臣幸
遭昌運謬齒周行咸申就日之誠願覩封禪之慶無
任勤懇之至謹於朝堂奉表陳情以聞帝手詔報曰
自中朝有故國步艱難天祚我唐大命集於聖真皇
帝朕承奉丕業十有餘年德未加於百姓化未覃於
四海將何以擬洪烈於先帝報成功於上玄至若堯
舜禹湯之茂躅軒后周文之懿範非朕之能逮也其
有日月之瑞風雲之祥則宗廟社稷之餘慶也天平
地成人和歲稔則羣公卿士之任職也撫躬內省朕
何有焉難違兆庶之情未議封崇之禮甲子侍中臣

乾曜中書令臣說等奏臣聞自古受天命居大寶者
必登崇高之丘行封禪之事所以展誠敬報神祇三
五迄今未之闕也是以高宗因武文之業盛岱亭之
禮方册所記虞夏同風聖移三朝年經五紀封崇之
典缺而未脩山川望幸屬在今日陛下靖多難尊先
朝天所啓也承大統臨萬邦天所命也焉可不陟東
岱禪云亭報上玄之靈恩紹高宗之洪烈則天地之
意宗廟之心將何以克厭哉且陛下卽位以來十有
四載創九廟禮三郊大舜之孝敬也敷九族友弟兄
文王之慈惠也卑宮室非飲食夏禹之恭儉也道稽

古德日新帝堯之文思也憐黔首惠蒼生成湯之深仁也化玄漠風太和軒皇之至理也至如日月星辰山河草木羽毛鱗介窮祥極瑞蓋以薦至而爲嘗衆多而不錄正以天平地成人和歲稔可以報於神明矣鴻生碩儒上章奏而請封禪者前後千百聖情揭揖天鑒未回臣等仰考神心傍採衆望封巒展禮時不可抑陛下縱不欲以成功告天豈不可以天休報德臣等昧死上請以聞帝手詔報曰夫登封之禮告禪之儀蓋聖人之能事明王之盛業也朕以眇身託王公之上夙夜祗懼恐不克勝幸賴羣公以保宗社至於休徵符瑞皆先帝遺慶朕何賴焉豈可以禮百神覲羣后備岱亭之禮展封祀之儀者哉雖誠請是違而宿心未暇臣乾曜說等又上言曰臣等考天人之際稽億兆之情以爲治定功成登封告禪鴻名盛則屬在聖明陛下讓德冲深未允羣議神祇缺望臣等懼焉且今四海和平百蠻率職莫不含道德之甘實咀仁義之馨香是以上帝聿懷名山望幸珍符薦至年穀屢登開闢以來未之有也臣聞自古受命而封禪者七十二君安有殊風絕業足以方今也然猶躡梁父登泰山飛英聲騰茂實而陛下功德之美符

瑞之富固以孕虞夏含殷周矣有何退讓遂巡於大禮哉夫昭報天地至敬也嚴配祖宗大孝也厚福蒼生博惠也祭榮紀號丕業也陛下安可以闕哉况天地之符彰矣祖考之靈著矣蒼生之望勤矣禮樂之文備矣陛下安可以辭哉故臣等願因神祇之叶贊順華夏之懇誠早稽舊章特垂新詔庶幾仲夏乘農之隙以展巡狩肆覲之儀則天下幸甚臣等昧死重請以聞帝又詔報曰夫治定然後制禮功成然後作樂朕承奉宗廟恐不克勝未能使四海乂安此禮未定也未能使百蠻效職此功未成也焉可以揚景化告成功雖欲答於神祇終候安於兆庶再省誠懇惻怛良深乾曜說等又再上言曰臣聞聖人者與天地合德故珍符休命不可得而辭鴻名盛典不可得而讓陛下功格上天澤流厚載三五之盛莫能比崇登封告成理叶幽贊故符瑞異臻天意也書軌大同人事也菽粟屢登和平也刑罰不用至理也今陛下稽天意以固辭違人事以久讓是和平而不崇昭報至理而闕薦祖宗億兆之情猶知不可况上帝臨炤神宗顧謐其可止乎願納王公卿士列嶽縉紳之望期命有司速定大典臣等不勝懇切敢昧死再拜上請

以聞時儒生墨客獻賦頌者數百計帝不得已而從之丁卯下詔曰自古受命而王者曷嘗不封泰山禪梁父答厚德告成功三代之前率繇斯義自魏晉已降迄至周隋帝典闕而大道隱王綱弛而舊章缺千載寂寥封崇莫嗣物極而復天祚我唐武文二后應圖受籙洎于高宗重光累盛承至理登介丘懷百神震六合紹殷周之統接虞夏之風中宗弘懿鑠之休睿宗穆粹清之道巍巍蕩蕩無得而稱者也朕昔猷多難稟畧先朝虔奉慈旨嗣膺丕業是用創九廟以申孝敬禮二郊以展嚴禋寶菽粟於水火捐珠玉於山谷兢兢業業非敢追美前王日慎一日實以奉遵遺訓至於巡狩大典封禪鴻名顧惟寡薄未遑時邁十四載於茲矣今百谷有年五材無眚刑罰不用禮義興行和氣氤氳淳風淡泊蠻夷戎狄殊方異類重譯而至者日月於闕庭奇獸神禽甘露醴泉寤祥極瑞者朝夕於林籞王公卿士罄廼誠於中鴻生碩儒獻其書於外莫不以神祇合契億兆同心斯皆烈祖聖考垂裕餘慶故朕得荷皇天之景祐賴祖廟之介福敢以眇身而顯其讓是以敬承群議弘此大猷以光我高祖之丕圖以紹我太宗之鴻業永言陟配祇

感載深可以開元十三年十一月十日式遵故實有事泰山所司與公卿諸儒詳擇典禮預爲備具勿廣勞人務存節約以稱朕意所緣封禪儀注兵馬陪集並皆條奏布告遐邇

十三年四月乙丑撫州三脊茅生有上封者言曰昔齊桓公九合諸侯一正天下將欲封禪問於夷吾夷吾對曰江淮間三脊茅生用以縮酒乃可封禪其時無茅桓公大慙而罷自歷千古今始一生昔宣王南征責楚包茅不入王祭不供則是其地其茅今高一尺至上八月長足方堪縮酒特望聖恩至時令採用

祭太山并掘根於苑內植之時宰臣已遣使於岳州探沅江茅乃奏曰管夷吾爲桓公是諸侯不合封禪故稱茅以拒之及伐楚之日尊周室行霸道及責楚云包茅不入王祭不供若以茅爲瑞是不知經義臣等歷任荆楚博訪貢茅沅江最勝臣已牒岳州取訖今稱撫州有茅請移根入苑且貉不踰汶橋不過江移根苑中信是虛語望勅撫州且進六束與沅江相比用之帝曰可癸酉詔朝集使各奉所部孝悌文武集於泰山之下

八月己未以封禪之故語中書令張說右散騎嘗侍

徐堅太常卿韋縉秘書少監康子元國子博士侯行果等與禮官於集賢書院刊撰儀注張說謂徐堅韋縉等曰乾封舊儀禪社首享皇地祇以先後配饗王者父天神而母地祇雖當今皇母位亦當往帝之母也子配母饗亦有何嫌而以皇后配地祇非古之制也天監孔明福善如響乾封之禮文德皇后配皇地祇天后爲亞獻越國太妃爲終獻宮闈接神有乖舊典上玄不祐遂有天授易姓之事宗社中圯公族誅夷皆由此也景龍之季有事園丘韋氏爲亞獻皆有婦人升壇執籩豆滌黷穹蒼享祀不潔未及踰年國有內難亞獻皆受其咎平座齋郎及女人執祭者多亦天卒今主上尊天敬神事須革正斯禮請以睿宗大聖貞皇帝配皇地祇侑神作主及定儀奏聞帝從之張說徐堅康子元等又建議曰臣等謹按明慶年禮部尚書許敬宗因脩禮奏改燔柴在於祭前狀稱祭祀之禮必先降神周人尚臭祭天則燔柴者臣等按禮迎神之義樂六變而天神降八變而地祇出九變則人鬼可得而禮矣則降神以樂周禮正文非謂燔柴以降神也按尚臭之義不爲燔之先後假如周人尚臭祭天則燔柴則殷人尚聲何聲可燔先迎神

乎又按明慶中無忌等奏晉氏之前猶遵古禮周魏以降妄爲損益者今按郭璞晉南郊賦及注爾雅祭後方燔又按宋志所論亦祭後方燔又檢南齊北齊及梁郊祀亦飲福酒訖燔又檢後周及隋郊祀亦先祭後燔據此周遵後燔晉不先燔無忌之言事乃相乖又按周禮大宗伯職以玉作六器以禮天地四方注云禮謂始告神時薦於神座也又文云以蒼璧禮天以黃琮禮地皆有牲幣各於其器之色又禮器云有以少爲貴者祭天特牲是知蒼璧之與蒼牲俱合奠之神座理卽不惑又云四圭有或以祀天旅上帝卽明祀昊天上帝之時以旅五方天地明矣其青圭赤璋白琥玄璜以立春立夏立秋立冬日各於其方迎氣所用自分別矣今按明慶所改新禮以蒼璧與蒼牲幣俱用先燔蒼璧旣已燔矣所以遂加四圭有卽奠之神座蒼牲旣燔矣所以更加駢牲克其實俎混昊天於五帝同用四圭失特牲之明文加爲二犢深乖禮意事乃無憑考功員外郎趙冬曦太學博士侯行果又曰先焚者本以降神行之已久中書令張說又執奏曰徐堅等所議燔柴前後議有不同據祭意及貞觀明慶已後卽先燔若欲正失禮求祭意請

從貞觀禮如且因循不改請從明慶禮凡祭者本以敬爲主心至則通於天地達於神祇既有先燔後燔自可斷於聖意聖意所至則同於神燔之先後臣等不敢裁定帝令依後燔及先奠牲璧之議是後太嘗卿寧王憲奏請諸郊壇特祭並依此先奠璧而後燔柴瘞埋帝從之時又以四門助教施教本駁奏舊封禪禮八條其略曰舊禮侍中跪取匱沃盥非禮也夫盥手洗爵人君將致潔而尊神故小臣爲之今侍中大臣也而沃盥於人君太祝小臣也反詔祝於天神是接天神以小臣奉人君以大臣故非禮按周禮

太宗伯田鬱人下士二人課事則沃盥此職也漢承

秦制則無鬱人之職故使近臣爲之魏晉至今因而不改然則漢禮侍中行之則可矣今以侍中爲之則非也漢侍中其始也微高帝時籍儒爲之惠帝時閎儒爲之留侯子辟彊年十五爲之至後漢樓堅以議郎拜侍中邵闔自侍中遷步兵校尉其秩千石少府卿之官屬也少府卿秩中二千石丞秩千石侍中與少府丞班同魏代蘇則爲之舊侍中親省起居故謂之執獸子吉茂見則嘲之曰仕進不止執獸子是言其爲褻臣也今侍中名則古宦人非昔任掌同燮理

寄實鹽梅非復漢魏執獸子之班異乎周禮鬱人之職行舟不息墜劍方遙驗刻而求可謂謬矣夫祝以傳命通主人之意以薦於神明非賤職也故兩君相見則卿為上儉况天人之際其肅恭之禮以兩君為喻不亦大哉今太宰太祝下士也非所以重命而尊神之義也然則漢太祝是禮矣何者按周禮太宗伯曰太祝下大夫二人上士四人掌六祝之祠太宗伯為上卿今禮部尚書太嘗卿比也小宗伯中大夫今侍郎少卿比也太祝下大夫今郎中太嘗丞比也上士四人今員外郎太嘗博士比也故可以處天人之際致尊極之祠矣又漢太祝令秩六百石與太嘗博士同班梁太祝令與南臺御史同班今太祝下士之卑而居古下大夫之職斯又刻舟之論不殊於前矣又曰舊禮謁者引太尉升壇亞獻非禮也謁者已賤升壇已重是徵名用之欲合於古而不知戾於古而變於今也按漢官儀尚書御史臺官屬有謁者僕射一人秩六百石銅印青綬謁者三十五人以郎中蒲歲稱給事未滿歲稱權謁者又按漢百官公卿表光祿勳官屬有郎中員秩比二千石有謁者掌兵贊受事員七十人秩比六百石則古之謁者秩異等今謁

者班微以之從事可謂踈矣又曰舊禮尚書令奉王牒今無其官請以中書令從事又按漢武帝時張安世爲尚書令遊宴從官以宦者一人出入帝命改爲中書謁者令至成帝罷宦者用士人魏黃初改秘書署中書監令舊尚書拜掌制誥既置中書官而制誥樞密皆掌焉則自魏以來中書是漢朝尚書之職今尚書令奉王牒是用漢禮其官既闕故以中書令主之議奏玄宗令張說徐堅石敬本與之對議詳定說等奏曰敬本所議其中四條先已改定有不同者望臨時量事改攝制從之癸亥以東封鹵簿人少召外州音聲人助之隨駕警衛十月己未勅曰自古明皇仁及萬物今助天孳育方欲告成其緣祭祀及在路供頓犧牲餼牢禮不可闕除此外天下諸州並令斷屠及漁獵採捕駕廻至京任依嘗式辛酉帝發東都巡狩庚午至濮州河南百五里內父老皆獻牛酒還其牛各賜帛一疋遣之丁丑白鵲見于行宮

十一月丙戌至泰山之下去山趾五里丁亥帝袞冕服於行宮致齋戊子敕曰封祀告成爲萬姓祈福必資清潔以副朕心其行事官及齋郎應致齋者宜令御史行齋切勿容踈怠有雄野鷄飛入齋宮馴而不

去久之飛入仗衛忽不見邠王守禮等賀曰臣謹按舊典雌來者伯雉來者王又聖誕酉年鷄主於酉斯蓋王道遐被天命休禎臣請宣付史官以彰靈貺從之己丑日南至帝備法駕登山旌旗天仗雲屯百餘里環衛於嶽之下列千廬於巖谷文武百僚二王後孔子後諸方朝集使及蕃夷君長咸從事日有詔應行從群臣並留於谷口帝獨於宰臣及升壇行事之官登于嶽上齋宮之所初帝以靈山清潔不欲誼繁將令初獻於山上壇行事亞獻於山下壇行事召禮官學士賀知章等入講儀注因問之知章等奏曰昊天上帝君位五方精帝臣位帝號雖同而君臣異位陛下享君位於山上群臣禮臣位於山下誠足垂範來葉爲變禮之大者也然禮成於三初獻亞終合於一處帝曰朕正欲如是故問卿耳於是勅三獻於山上行事其五方帝及諸臣座於山下壇行事帝因問玉牒之文前代帝王何故秘之知章對曰玉牒本是通於明神之意前代帝王所求各異或禱年筭或思神仙其事微密是故外人莫知之帝曰朕今此行皆爲蒼生祈福更無私請宜將玉牒出示百僚使知朕意其詞曰有唐嗣天子臣某敢昭告于昊天上帝天

啓李氏運興土德高祖太宗受命立極高宗升中六
合殷盛中宗紹復繼體不定上帝眷祐錫臣忠武底
綏內難推戴聖父恭承大寶十有三年敬若天意四
海晏然封祀岱宗謝成于天子孫百祿蒼生受福庚
寅祀昊天上帝于山上高祖神堯皇帝配享帝冕裘
升壇奉珪璧奠獻以邠王守禮亞獻寧王憲終獻命
有司享五帝百神於山下壇禮畢帝乃飲福酒中書
令張說進稱賜皇帝太一神策周而復始未綏兆人
帝拜稽首山上作圓臺四階謂之封祀壇臺上有方
石再累謂之石碓王牒王册刻玉填金爲字各盛以
玉匱緘以金繩封以金泥皇帝以受命寶印之納玉
匱二於碓中金泥碓際以天下同文之印封之然後
焚柴燎祭群臣稱萬歲傳呼從山頂至於山下振動
天地於是整鑿輅還山下之齋宮有慶雲隨馬祥風
繞輅中書令張說等蹈舞拜賀帝曰朕以薄德恭膺
太寶雲物休祐皆是卿等輔弼之力君臣相保勉副
天心長如今日不敢怠矜說等又奏曰聖心誠懇昨
夜致齋則息風收雨今朝封祀則天清日暖復有祥
風助樂卿雲引燎靈迹盛事自古未聞陛下又思慎
終如初長福萬姓天下幸甚辛卯祀皇地祇於社首

之泰圻壇睿宗大聖真皇帝醜享藏玉策於石碣如
封祀壇之儀初帝登山至齋宮其夕陰雲慘冽勁風
四起裂幕折柱寒氣切骨帝露立祈請仰天自誓曰
某身有過請即降罰萬人無福亦請某爲當罪應時
風止天地清晏日氣和煦及升壇休氣四塞登歌奏
樂有祥風自南而至絲竹之聲飄若天外及禪社首
五色雲現見日重輪壬辰帝御朝覲壇之帳殿朝群
臣大赦天下詔曰朕躬陟天門宿齋日觀時屬嚴冬
雪後初夜風寒朕因露立祈息誓欲代人當咎俯仰
之際頓息霜飈奠獻之晨變同韶景誠荷上天垂祐
亦賴靈山吐祥詩云無德不報宜封泰山神爲天齊
王禮秩加三公一等宜令所管崇飾祠廟去十里禁
其樵採給近山二十戶以奉祠神天下賜酺七月帝
製紀泰山銘親禮勒於山頂之右壁其詞曰朕宅位
十有四載顧惟不德懵于至道任夫難任安夫難安
茲朕未知獲戾于上下心之浩盪若涉于大川賴上
帝垂休先后儲慶宰衡庶尹交修皇極四海會同伍
典敷暢歲云嘉熟人用大和百辟僉謀唱余封禪謂
孝莫大於嚴父謂禮莫尊於告天天符旣至人望旣
積固請不已固辭不獲肆余與夫二三臣稽虞典繹

漢制張皇六師震疊九寓旌旗有列士馬無譁蕭蕭
邕邕翼翼溶溶以至於岱宗順也爾雅曰泰山爲東
嶽周官曰兗州之鎮山實惟天帝之孫群靈之府其
方處萬物之始故稱岱焉其位居五嶽之伯故稱宗
焉自昔王者受命易姓於是乎啓天地薦成功序圖
錄紀氏號朕統承先王茲率厥典實欲報玄天之眷
命爲蒼生之所福豈敢高視千古自比九皇哉故設
壇場答休命則亦與百執事尚綏兆人將多于前功
而憇彼後患一夫不獲萬方其罪余一心有終上天
其知我朕惟實行三德曰慈儉謙慈者覆無疆之言

險者崇將來之訓自蒲者人損自謙者天益如是則
軌迹易循基構易守磨石壁刻金字異後之人聽詞
而見心觀末而知本銘曰維天生民立君以理維君
受命奉天爲子代去不留人來無已德涼者滅道高
斯起赫赫高祖明明太宗爰革隋政奄有萬邦罄天
張宇盡地開封武稱有截文表時邕高祖稽古德施
周溥茫茫九夷削平一鼓禮備封禪功齊舜禹巖巖
岱宗衍我神主中宗紹運舊邦惟新恭已南面氤氳
化淳告成之禮留諸後人緬餘小子重基五聖匪功
伐高匪德矜盛欽若祀典丕承永命至誠動天福我

萬姓古封泰山七十二君或禪亭亭或禪云云其迹
不見其名可聞祇適文祖光昭舊勳方士虛誕儒書
不足秩后求仙巫神檢玉秦災風雨漢污編錄德未
合天或承之辱道在觀政名非從欲銘之絕巖播告
群牧於是中書令張說撰封祀壇頌侍中源乾曜撰
社首壇頌禮部尚書蘇頲撰覲朝壇頌以紀聖德是
日以侍中源乾曜爲尚書左丞相兼侍中中書令張
說爲尚書右丞相兼中書令蓋以宰相之任佐于王
化勸成岱宗特有寵也

二十三年九月丁卯文武百官尚書左丞相蕭嵩等

累表請封嵩華二嶽表曰臣聞封巒之運王者告成
當休明而闕典乃臣子之深過伏惟開元神武皇帝
陛下受命繼天應期光宅垂慶雲而覆露暢和氣以
生成物荷深仁時惟天道文明之化洽矣穆清之風
被矣淳源旣泳福應咸臻盈於天壤昭於方策蓋非
愚下所能頌美且天之在上日監在茲嘉大聖之神
功降元符以表德恭伸昭報祇事升中古昔大猷孰
先茲道臣等覩休徵以上請陛下崇謙讓以固辭事
恐勞人抑其勤願德音所逮自古未聞昔虞巡四嶽
周在一歲書稱其美不以爲煩寧彼華嵩皆列近甸

復茲豐稔又倍他年歲熟則餘糧地近則易給况費務蓋寡咸有司存儲峙無多豈煩黎庶吏當首路以望屬車陛下往封泰山不秘玉牒嚴禋上帝本爲蒼生今其如何而闕斯禮伏願發揮盛事差擇元辰先檢玉於嵩山次泥金於華嶽天休旣答人望見從上下交歡生靈幸甚臣等昧死敢此竭誠理在至公祈於俯遂無任悃欵之至謹詣朝堂陳請以聞帝固讓不從手詔報曰升中于天帝王盛禮蓋謂臻茲淳化告厥成功今兆庶雖安尙竭豐年之慶邊疆則靜俗有踐更之勞况自愧於隆周敢追跡於大舜頃年迫於萬方之請難違多士之心東封泰山於今惕厲豈可更議嵩華自貽慙慙雖藉公卿共康庶政永惟菲薄何以克堪朕意必誠宜斷來表也

二十八年九月己丑邠王守禮率宗子左丞相裴耀卿率百官僧道父老皆於朝堂抗表以時和年豐請封嵩華二山帝抑而不許

天寶九載正月文武百寮禮部尚書崔翹等累上表請封西嶽刻石紀榮號帝固拒不許翹等又奉表懇請曰自今月辛亥至於癸丑累表誠祈請紀榮號聖心冀默冲讓再三臣等伏讀綸言退增祗慄敢重瀝

愚懇期諸必遂臣聞聖人之言與春秋而同信上天之宰將影響而合符昭報不可以久稽成命不可以固拒今靈山警蹕望王鑿之升中儒林展儀思金匱之盛禮發祥儲祉喻以封山人事天時不可失也伏惟開元天地大寶聖文神武應道皇帝陛下祖武宗文重熙累洽霑風化而祇礪在動植而昭蘇外戶不肩餘糧栖畝其神功至道廣瑞殊祥前表縷陳安敢浮說夫修德以俟命勤功以告成將欲竭款神祇雍熙帝載未爲過越也伏惟覽公卿之議考封禪之禮陟華蓋於翠微轉鈞陳於雲路泥金於菑萑之上刻

王於明星之前使三五六經復再聞於唐典七十二姓不獨紀於夷吾敷景福以浸黎元錫大慶而後天地蒼生之望也朝廷之幸也無任誠懇悃欵之至謹詣朝堂奉表陳請以聞帝手詔不許曰輕脩大典所不願爲時或傳中旨請紀榮號何如空云請封西嶽乙卯群臣又奉表請封西嶽曰臣翹等伏稽古訓上請增封再奉明旨未蒙允諾臣等承詔惶駭失圖臣聞省方展義君人之大典登封告成王者之丕業是以古先哲后道洽則封所以答神祇之功增兆庶之福無私於已故行之者不思必順於天故言之者難

奪敢昧萬責竭誠終請伏惟開元天地大寶聖文神武應道皇帝陛下紹文武之丕烈合君臣於昌運均雨露和陰陽西海無波而靜默群生自樂而仁壽繇是德懷蠻貊澤洎昆蟲宗廟祀典罔不祇肅要荒殊俗亦莫不庭自皇王已來載籍所記未有混區宇窮禎祥地平天成德茂道洽若今日之盛者與固可告太平之功展封崇之禮故臣與王公侯伯黎老緇黃累陳白奏備竭丹懇豈謂聖恩猶阻皇鑒未廻伏奉癸丑詔書曰輕脩大典所不願爲臣等戰慄匪遑寧處實以陛下功成道洽理實升中且夫龜龍成格天

意也夷夏大同人事也時和年豐太平也無爲清淨至理也允應大典豈謂輕修乎奉若靈命安可不爲乎臣等敢冒宸極重明其義竊以西嶽華山寶鎮京國皇虞之所循省靈仙之所依憑固可封也況金方正位合陛下本命之符白帝臨壇告陛下長生之錄發祥作聖抑有明徵又可封也昔周成王以剪桐爲戲唐叔因是而定封蓋人君之言動有成憲斯事至細猶不忽也況陛下眷言封祀宿著神明道已洽於升平事未符於琬琰豈可抑至公於私讓棄誠信於神明乎固不可得而辭也日者封章累奉嘉應必臻

一獻而甘雨流再陳而瑞雪降則知人天之意影響合符若然者陛下安得稽天命以固辭違人事以久讓太平不告其若休祥何至理不答其若神祇何伏願仰答天心允祇靈贖上以揚祖宗之盛烈下以副億兆之懇誠克崇上報永光大典臣等幸甚宗子又上表曰臣徹等伏見禎祥委積河海澄清長瞻北極之尊屢獻西封之䟽誠懇不達天鑒未從徘徊闕庭隕越無地陛下再造區寓肇康生人與天合符與道合契故得靈芝表瑞王板呈文九穀歲衍於京坻百蠻盡習其冠帶能事備於典策盛德光於祖宗升中

告成是屬今日惟夫太華高冠群山當其少陰鎮此西土自有虞巡狩歷祀三千夏殷以還罕能肆覲陛下雖加進寵號增崇廟宇而大禮未施精意空潔又陛下頃歲建碑曰嘗勤報德之願未暇封崇之禮萬姓瞻予言可復也臣以爲天地之主豈徒言哉神祇候望故已久矣伏願俯順百辟兆人之請明徵刻石銘山之記暫遷萬乘降被三峯奠珪璧於中壇奏笙鏞於上帝使普天蒙福重賜無疆頻冒宸嚴並期必遂無任懇切屏營之至謹詣朝堂奉表陳請以聞凡三上表上乃許之丁巳詔曰以今載十一月有事華

封禪二
山中書門下及禮官詳儀注奏聞務從省便是載三
月西嶽祠廟災時關中久旱詔曰自春以來頗憊時
雨登封告禪情所未遑所封西嶽宜停

册府元龜

册府元龜

巡按福建監察御史臣李嗣京 訂正

知長樂縣事臣夏允彝參閱

知建陽縣事臣黃國琦較釋

帝王部 三十七

頌德

詩有六義其一曰頌所以議盛德之形容以其成功
告於神明者也若乃駿命允集聖政光被武功震耀
遠夷率服孝德昭著風俗歸厚乃至典禮修舉珍符
沓委王澤漸漬時文載郁繇是群臣歸美頌聲並作

或端委穆清壽觴斯薦或奏御公車英詞煥發擗華
奮藻引商流羽是光帝德以播國風粲然可觀於斯
為盛至有述上世之懿烈揚無窮之休問固足以播
之堯簫昭示來裔皆所以揄揚褒贊極臣子竭忠稱
君之分也

舜作歌曰勅天之命惟時惟幾因庶士允諾之政故

敕政也奉正天命以臨民惟在順時惟在慎微乃歌曰股肱喜哉元首起哉

百工熙哉元首君也股肱之臣嘉樂盡忠君臯陶拜

手稽首颺言曰念哉大言曰颺咏率作興事慎乃憲

欽哉憲法也天子率臣下為起治屢省乃成欽哉屢

也當數顧省汝成功敬忠以善無懈怠乃賡載歌曰元首明哉股肱良

哉庶事康哉賡續載成也帝歌歸美股肱義足故

成湯放桀于南巢惟有慙德湯放桀武功成故以為

德不及古曰予恐來世以台為口實恐來世論道我放

虺曰惟王不邇聲色不殖貨利邇近也不近聲樂言

固殖生也不生資貨財利言德懋懋官功懋懋賞用

不貪也既有聖德兼有此行勉於德者則勉之以官勉於功者

人惟已改過不吝則勉之以賞用人之言若自己出

有過即改無所吝言湯寬仁之克寬克仁彰信兆民德明信于天

下乃葛伯仇餉初征自葛東征西夷怨南征北狄怨

葛伯遊行見農民之餉于田者殺其人奪其餉故謂

之仇餉仇怨也湯為是以不祀之罪伐之從此遂征

無道西夷北狄舉遠以言則近者著矣日奚獨後予怨者辭也攸徂之民室

家相慶曰侯予后后來其蘇湯所往之民皆喜曰民待我君來其可蘇息

之戴商厥惟舊哉史謂初征自葛始佑賢輔德顯忠遂良賢則

輔之德則助之忠則顯之良則進之明主之道兼弱攻昧取亂侮亡弱則兼之闇則

攻之亂則取之有亡形則侮之言正義推亡固存邦乃其昌有亡道則推而亡之

有存道則輔而固之王者如此國乃昌盛德日新萬邦惟懷志自滿九族

乃離日新不怠自滿志及盈溢王懋昭大德建中于民以義制事

以禮制心垂裕後昆欲王自勉明大德建大中之道于民率義奉禮垂優足之道于

後予聞曰能自得師者王求賢聖而事之謂人莫已若者亡

自多足人莫好問則裕自用則小問則有得所以足

嗚呼慎厥終惟其始靡不有初終竟有終謹有禮覆

昏暴有禮者封殖之昏暴者復亡之欽崇天道永保天命王者如此王事則敬

天安命之道

周公居攝五年之末以文王受命不卒而終時天下

太平故承其意而告之作惟天之命之詩成王時唐

叔得禾異畝同穎獻諸天子王命唐叔歸國公于東

作歸禾周公既得命禾旅天子之命已得唐叔之禾遂陳成王歸禾

之命而推美成王善則稱君作嘉禾天下和同政之善者故周公作書以嘉禾名篇告天下

宣王時仍叔為大夫作雲漢之詩以美宣王宣王承

厲王之烈內有撥亂之志遇裁而懼側身脩行欲銷

去之天下喜於王化復行百姓見憂故作是詩

尹吉甫為王卿士作崧高美宣王也天下復平能建

國親諸侯褒賞申伯焉尹官氏申國申伯宣王之舅也以賢人為王之卿士佐王

有功王以正禮遣申伯之也又作蒸民美宣王任賢使

能周室中興焉賢能謂樊侯仲山甫也其詩曰王命仲山甫式是百辟續戎祖考王躬是

保又作韓奕美宣王能錫命諸侯梁山于韓國之山最高大為國之鎮

所望祀焉故美大其貌奕然謂之韓奕也梁山今在

馮翊夏陽西北韓姬姓之國也後為晉所滅故大夫

韓氏以為邑名焉其詩曰王錫韓侯其追其貊奄受北國因為伯又作江漢美宣王

能興衰撥亂命召公平淮夷也召穆公虎也淮夷東國在淮浦而夷行召

公受命伐召穆公召穆公為王卿士作嘗武之詩美宣王有嘗德以習

武事因以為戒

漢武東封泰山還登明堂御史大夫倪寬上壽曰臣

聞三代改制屬象相因政教之法象相因屬屬連也間者聖統廢

絕聖統聖人之道業謂禮文也陛下發憤合指天地祖立明堂辟

雍祖始也宗祀泰一宗尊也六律五聲六律謂黃鍾大簇姑洗蕤賓夷則無射也幽贊聖意幽深也神樂四合各有方象

射也五聲宮商角徵羽也幽贊聖意贊明也神樂四合各有方象

祀聲樂各有等以承嘉祀為萬世則也則法天下幸

甚將建太元本瑞登告岱宗發祉闔門以候景至癸

亥宗祀日宣重光上元甲子肅邕永享太平之世日抱重光謂日

有重日也將甫始之辭辭也太元太初曆也本瑞謂
白麟玉昇之屬也以候景冬至之景也上元甲子太
初元年甲子朔旦冬至也宗尊也肅敬也光輝允塞天
也雍和也既敬且和則長為天所享也

文粲然塞滿也燦然明貌見象曰昭報降符應言天顯示景象日月昭明

也降下符應以報德化臣寬奉觴再拜上千萬歲壽制曰敬舉

君之觴

終軍為給事中從武帝幸雍祠五時獲白麟一角而

五蹄時每一足有五蹄也又有奇木其枝傍出輒復合於木

上帝異此二物博謀群臣訪其微意也軍對曰臣聞詩頌

君德樂舞后功異經而同指明盛德之所隆也南越

窟屏葭葦與鳥魚群葭蘆也或長則曰葦正朔不及其俗有司

臨境而東甌內附閩王伏辜南越賴救北胡隨畜薦

居薦屢也隨畜牧屢易故居不安往也左傳戎狄薦禽獸行虎狼心上古未

能攝大將軍秉鉞單于犇幕驃騎抗旌昆邪右衽抗

也右衽從中國化也是澤南洽而威北暢也洽專也陽達也若罰不阿

近舉不遺遠設官俟賢縣賞待功能者進以保祿罷

者退而勞力謂不堪職任者也刑於宇內矣刑法也言威法

於宇內也一履衆美而不足懷聖明而不專言自建

三宮之文質章厥職之所宜三宮明堂辟雍靈臺也言於三宮班政教有文

也質封禪之君無聞焉前世封禪之君不聞若斯之美也夫天命初定

萬事草創謂創始受命之君也及臻六合同風九州共貫必待

丹府元覽 帝王部 五

明聖潤色祖業傳於無窮潤色謂光飾也故周至成王然後

制定休徵之應見休美也陛下盛日月之光垂聖思

於勒成專神明之敬奉燔瘞於郊官燔祭天地瘞祭地也祭天則燒

之祭地則葬之郊居獻享之精交神積和之氣塞明

謂泰時及后土也而異獸來獲宜矣昔武王中流未濟

靈亦謂神也白魚入舟俯取以燎群公咸曰休哉謂伐紂時今郊祀未

見於神祇而獲獸以饋以饋謂克祭俎也此天之所以示饗

而上通之符合也宜因昭時令日改定告元改元年以告神

祇也昭明苴白茅於江淮發嘉號於營丘以應緝熙

也令善也苴白茅於江淮發嘉號於營丘以應緝熙

苴作席也江淮職貢三脊茅為藉也嘉號封禪也太

非苞苴也使著事者有紀焉謂史官紀記也蓋六鵙退飛逆也

六鵙退飛象諸畔逆白魚登舟順也謂武王伐紂而魚入王舟象征

宋襄公伯道退也而必獲故夫明闇之徵上亂飛鳥下動淵魚亂變各

日順也以顛推今野獸并角明同本也并合也獸皆兩角今此獨一故云并也

衆棧肉附示無外也若此之應殆將有解編髮削左

衽襲冠帶要衣裳而蒙化者焉要衣裳謂着中斯拱國之衣裳也

而埃之耳對奏上甚異之繇是改元為元狩後數月

越地及匈奴名王有率衆來降者時皆以軍言為中

吾丘壽王為光祿大夫汾陰得寶鼎武帝嘉之薦宗廟藏於甘泉官群臣皆上壽賀曰陛下得周鼎壽王

獨曰非周鼎帝聞之召而問之曰今朕得周鼎群臣皆以為然壽王獨以為非何也有說則可無說則死壽王對曰臣安敢無說臣聞周德始乎后稷長於公劉大於太王公劉后稷曾孫也太王文王之祖則古公亶父也成於文武顯於周公德澤上昭天下涌泉昭明也漏言潤澤下沾如屋之漏無所不通上天報應鼎為周出故名曰周鼎今漢自高祖繼周亦昭德顯行施恩布惠六合和同至於陛下恢廓祖業功德愈盛天瑞並至禎祥畢見昔秦始皇親出鼎於彭城而不能得天祚有德而寶鼎自出此天之所以與漢迺漢寶非周寶也上曰善群臣皆稱萬

歲賜壽王金十斤

宣帝時天下和平四夷賓服神爵五鳳之間屢蒙瑞

應而益州刺史王襄欲宣風化於衆庶聞王襄有俊

才請與相見使襄作中和樂職宣布詩中和者言政

職者言百官各得其職也宣布者風化所洽無所不被選好事者令依鹿鳴之

聲習而歌之時况鄉侯何武為童子選在歌中久之

武等學長安歌太學下轉而上聞宣帝召見武等觀

之皆賜帛謂曰此盛德之事吾何足以當之襄既為

刺史作頌即上中和樂職宣而詩又作其傳解釋頌

及作者之意益州刺史因奏襄有軼材迺徵襄既至召為

聖主得賢臣頌

後漢明帝永平十七年公卿百官以帝威德懷遠祥物顯應乃並集朝堂奉觴上壽制曰天生神物以應王者遠人慕化實繇有德朕以虛薄何以享斯唯高祖光武聖德所被不敢有辭其敬舉觴太嘗擇吉日策告宗廟

章帝建初三年正月己酉宗祀明堂時郎中傅毅追美孝明皇帝功德最盛而廟頌未立乃依清廟作頌宗頌十篇奏之元和中始脩古禮巡狩方岳崔駰上四巡頌以稱漢德辭甚典美時丁鴻以少府從上奏曰臣聞古之帝王統治天下五載巡狩至于岱宗柴祭於天望秩山川協時月正日角斗斛權衡使人不爭陛下尊履蒸蒸奉承弘業祀五帝於明堂配以光武二祖四宗咸有告祀瞻望泰山嘉澤降澍柴祭之日白雲上升與燎煙合黃鵠群翔所謂神人以和答饗之休符也帝善焉

魏太祖以孫權稱臣遺詔大理王朗朗答曰孫權前牋自詭躬討虜以補前愆後疏稱臣以明無二牙獸屈膝言鳥告歡明珠南金遠珍必至情見乎辭効著乎功三江五湖為沼于魏西吳東越化為國民鄢郢

既拔荆門自開席卷巴蜀形勢已成重休累慶雜沓相隨承旨之日撫掌擊節情之畜者辭不能宣

晉武帝時摯虞爲聞喜令時天子留心正道又吳冠新平天下又安虞上太康頌以美晉德潘岳辟太尉府舉文章秀才武帝躬耕籍田岳作賦以美其事

元帝初王廙爲琅琊王司馬王敦啓爲荊州刺史及帝卽位廙奏中興賦上疏曰臣託備肺腑幼蒙洪潤受自齟亂至於弱冠陛下之所撫育恩侔於兄弟義同於交友思欲攀龍鱗附鳳翼者有年矣是以昔忝濮陽棄官遠跡扶持老母携將細弱越長江歸陛下

者誠以道之所存願託餘蔭故也天誘其願遇陛下中興當大明之盛而守局遐外不得奉瞻大禮聞問之日悲喜交集昔司馬相如不得觀封禪之事慷慨發憤况臣情則骨肉服膺聖化哉又臣昔嘗侍坐於先后說陛下誕育之日光明映室白毫生於額之左相者謂王當有四海又臣以壬申歲見用爲鄱陽內史七月四星聚於牽牛又臣郡有枯槁更生及臣後還京都陛下見白兔命臣作賦時琅琊又獻甘露陛下命臣嘗之又驃騎將軍道向臣說晉陵有金鐸之瑞郭璞云必致中興璞之爻筮雖京房管輅不過也

明天之曆數在陛下矣臣少好文學志在史籍而飄放遐外嘗與桀寇爲對臣犬馬之年四十三矣未能上報天地而誓負屢彰恐先朝露填溝壑令微情不得上達謹竭其頑獻中興賦一篇雖未足以宣揚盛美亦是詩人嗟歎詠歌之義也

成帝咸康八年九月廬江春穀縣留珪夜見門內有光取得玉鼎一枚圍四寸豫州刺史路永以縣著作郎曹毗上玉鼎頌

孝武帝時袁宏爲東陽太守以漢時傳毅作顯宗頌辭甚典雅乃作頌九章頌簡文之德上於帝

後魏道武既破賀納遂命群臣登勿居山遊宴終日從官及諸部大人請聚石爲峯以紀功德命張襄爲文

獻文時高允爲中書令從帝北伐大捷而還至武川鎮上北伐頌帝覽而善之

高閭爲昭武將軍時獻文傳位從御崇光宮閭上表頌孝文時閭爲中書監太和三年冬至帝及文明太后大饗群官帝親舞於太后前群臣皆舞帝乃歌仍率群臣再拜上壽閭進曰臣聞大夫行孝義合一家諸侯行孝聲著一國天子行孝德被四海今陛下聖

性自天敦行孝道稱願上壽靈應無差臣等不勝慶
踊謹上千萬歲壽帝大悅賜羣臣帛人三十疋
宣武永平中甄指上孝文頌十三篇優詔報之
高聰爲散騎嘗侍黃門侍郎宣武幸鄴還於河內懷
界帝親射矢一里五十餘步侍中高顯等奏伏見親
御弧矢臨高設弋鳴弦動羽馳鏃所逮三百五十餘
步臣等伏惟陛下聖武自天神藝夙茂巧會鸞虞之
節妙盡矍圃之義威稜攸疊彪光攝氣才猛所振勅
慤彌心足以肅截九區赫服八宇矣盛事奇迹必宜
表述請勒銘射宮永彰聖意詔曰此乃弓弧小藝何
足以示後葉喉唇近侍苟以爲然亦豈容有異便可
如請遂勒銘於射所聰爲之詞

隋高祖時突厥葉護可汗以帝所賜旗鼓西征嬰婆
遂生擒嬰婆既而上書請嬰婆旣生之命上下其議
左僕射高頰進曰骨肉相殘教之蠹也存養以示寬
大帝曰善頰因奉觴進曰自軒轅以來獯鬻多爲邊
患今遠窮北海皆爲臣妾此之盛事振古未聞臣敢
再拜上壽

唐高祖武德八年四月赤雀巢於殿門宴五品已上
上頌者十餘人極歡而罷

七月高祖從容謂侍中陳叔達曰自古帝王統一四海者凡有幾人對曰五帝三王已前年代浸遠近古已來有秦始皇之與兩漢下洎晉武耳高祖曰朕幸得繼前哲於朕良多叔達又對曰隋末亂離蒼生塗地若不逢陛下救其淪溺黎庶殆為魚矣此蓋天授非人力所致帝大悅

九年四月給事中歐陽詢奏上帝德論帝覽之稱善太宗貞觀三年正月親祭先農躬御耒耜籍于千畝之甸初晉氏南遷後魏來自雲朔中原分裂又雜以

舊戎代歷周隋此禮久廢而今始行之觀者莫不躍駭於是秘書郎岑文本獻籍田頌以美之

臣鈇若等後周並耕藉田與此所載有異

六年閏八月秘書少監虞世南上聖德論帝手詔答曰卿所論太美但朕德甚寡恐有識者窺卿為後人所笑卿引古昔無為而治朕未敢擬倫比之近代乍踰之耳卿覩朕之始未見朕之終宜付秘書若朕能慎終如初則可為也如違此道不用後代笑卿焉

十四年二月陝州言河水變清司空長孫無忌等詣闕上表曰臣聞崑崙戴極道玄液以周天積石疏源委滄波而括地俯作神州之紀仰膺上帝之宮水德

靈長斯其謂矣故能道符千載位長百川瑞馬開圖
發榮光於遠代應龍闢壤致宅土於遐年自此不追
寂寥難俟天之祚聖復在於茲伏惟皇帝陛下則哲
承基窮神闡化功緜寓外德耀瀛表文教蔚乎三五
至道格乎天地是以禎凝藪澤慶溢風煙丹井輝奇
青丘表異嘉苗合頴入豐膳以鳴鍾天駟瀟灑播頌
聲於綴兆西鷄南雉之晝日至月書連珠湧醴之徵
雲霏霧集宜其展事羸里仰告成功出豫介丘方騰
茂實猶且宵衣旰食若有追而不逮對越嘉祉乃固
辭而弗居遂使萬玉韜華三神缺望西星佇昭甲以

德水之祥東岳希封最以清河之貺陝州刺史房仁
裕狀稱所界內二百餘里正月元日黃河載清謹按
易乾鑿度口聖人受命河水清京房飛候曰河水清
天下太平繇是納涓合涇混流同潔凌門幼澤別派
俱清馬頰馳波詳觀若鏡龍門激箭迴眺飛空滔天
之曲煥然冰夷之都可見千尋朗澈俯映玄珠一曲
澄鮮遙觀紫貝盡河宗之奧秘洞水府之仙靈豈非
天鑒詳明不愛其道神心昭著在感斯通何幽顯合
符人祇交際理均形契若斯之効歟臣等沐道醉心
觀祥駭目按圖逃聽曠古無聞實慶生涯親承旦暮

詔答曰嘉瑞爰降必資至德大河効祉是爲希世願
惟寡昧但增慙惕乃天地表祥宗社垂祐欲使四海
隆平八荒禔福王公卿士內外庶僚宜勉脩正道以
副靈貺焉是月帝幸國學觀釋奠命祭酒孔穎達講
孝經既畢穎達上釋奠頌帝手詔褒美

十五年十月太宗問特進魏徵曰朕爲人主仰止前
烈至于積德累仁豐功厚利此四者帝王以爲稱首
朕皆庶幾自勉人苦不能自見不知於朕之身何等
爲優徵曰德仁功利陛下兼而有之然則內平禍亂
外除戎狄是陛下之功安堵黎元各有生業是陛下
之利繇此言之功利居多

十六年七月太宗謂侍臣曰朕數召公等欲問愆闕
庶幾善道以救不逮耳今嘗達夜不寢思爲政術非
惟憂勤萬姓亦欲貽法後昆司空長孫無忌奏稱古
來撥亂人主載籍斯存天造草昧之辰爰始經綸之
日何嘗不思開帝道祇奉王度及即位之後漸染驕
盈詩云鮮克有終此非空說陛下君臨四海將二十
載視事之後每留群臣陛下爲解威嚴貸以顏色唯
欲其論國家善惡用康政化哀愍黎元聖情專切豈
臣等獨蒙恩澤四海蒼生誰不幸甚

二十一年二月詔皇太子之國學釋奠賜學官胄子帛各有差仍擢其高業右庶子許敬宗上四言詩以美其事

二十二年四月磻外蕃人爭牧馬土界帝親臨斷決然後咸服黃門侍郎褚遂良進曰昔虞芮爭田去此三百里陛下聖德廣運無遠不臻磻外諸夷來斷境域振古以來所未聞也

玄宗開元二年六月左拾遺蔡孚獻龍池集王公卿士以上凡百三十篇請付太嘗寺其詞合音律者爲龍池樂章以歌聖德從之初帝在藩與宋王等居于

興慶里時人謂爲五王子宅及景龍末宅內神池涌出汎灑清瑩流之不竭中有龜龍遊焉故群臣歌之八年城門郎獨孤晏奏曰伏見聖上於別殿安置太宗高宗睿宗聖容每日侵早具服朝謁昔者周公宗祀文王於明堂以配上帝蓋有國之嘗祀聖上朝夕肅恭是過周公遠矣又聞禁中寧王憲申王撝內朝宴會聖上官中自拜跪如家人之禮岐王範薛王業恩錫特殊友愛邕睦海內稱之昔堯九族既睦平章百姓是過帝堯遠矣聖上近造一小院東西南北各三十餘步寢殿卑狹階高尺三寸房廊階不過四五

寸無青埠所坐氈褥非破不易是過於夏禹遠矣聖上嘗得絹四十餘萬疋謂侍臣等曰此物擬充男女嫁娶左藏庫物是百官諸邊將士物豈得漫用節約且過漢文遠矣聖上至德光厚躬勞庶政憂人飢寒昔齊若雨雪御裘憂勞凍餒但恤寒耳今聖上憂冬寒夏熱是過之遠矣請宣付史官從之

十三年十一月封東嶽禮畢於是中書令張說撰封祝壇頌侍中源乾曜撰社首壇頌禮部尚書蘇頌撰朝覲壇頌以紀聖德

十九年八月幽州執叛奚壽斤來獻宰臣裴光庭等

奏曰伏以深仁燭幽遠被無外至德感物矧茲有苗頃者奚壽斤放命不恭執訊來獻而陛下設誠不疑推致赤心歸于阨落襁負而至置之左右射御不違自非睿宗至誠被物何以驟改驕節卒爲忠臣變鴟梟於鸞鳳登反側於仁壽求諸前古竹帛所不載稽諸近事耳目所未聞臣等豫覩休異輒敢書于史册帝曰奚壽斤往因脅從遂同逆命俘虜而至罪則難容收其悔過之心免其殊死之責推誠待物果獲忠臣此皆卿等輔弼之所致豈朕薄德之能感書之簡册以示將來當斯美名良用慙惕

二十三年二月己亥以奚契丹既平宰臣裴耀卿張九齡李林甫等奏賀曰奚及契丹尤近邊鄙侵軼是慮式遏成勞臣庶嘗情欲其防禦所謂長策無出此者陛下獨斷宸襟高奪群議以爲頓兵塞下轉粟邊軍曠日持久役無寧歲若不因利乘便一舉遂平使遷善者自新爲惡者就戮其勞不久永息我人且命大兵臨之凶徒必潰不出此歲當並成擒臣等初奉聖謀高深未測及聞凱捷晷候不差遠蕃遺類莫不稽顙綠邊戍卒咸返耕稼卧鼓熄烽誠自此始斯皆陛下睿謀先定神筭非嘗觀變早於未萌必取豫於無象臣伏以成功不宰君人所以爲重有美不宜臣子所以成罪臣雖蒙瞽安敢無言既豫開始謀又幸見成事豈可使天功虛往日用不知竹帛相傳復紀何事請宣付史館垂示將來仍許將吏等刊石立頌以紀功德帝手詔報曰事有難易因圖可卜小蕃背誕惡貫已盈人神棄之指期可滅今之尅定偶會夙心記以史官銘之樂石頗矜功伐不願爲之卿等苦論載用多愧使桓山之頌復在茲乎

八月癸巳千秋節命諸學士及僧道講論三教同異中書令張九齡上言曰臣聞好尚之論事蹟於偏方

至極之宗理歸於一貫非夫上聖孰採要旨伏惟陛下道契無爲思談玄妙考六經之同異筌二教之幽蹟將以降炤群疑敷化率土屏浮詞於玉殿緝精義於金門一變儒風再揚道要凡百士庶罔不知歸臣等幸侍軒墀親承至訓抃躍之極實倍嘗情望宜付史館帝手詔報曰畧舉三教求之精義會三歸一初分漸頓理皆共貫使自求之卿等論議廟堂化源何遠事關風教任付史官

天寶元年五月濮陽郡王瓌及嗣王宗子等奏曰臣等伏以龍池肇慶寶祚攸章聖德動天禎符薦至臣等憤深家國志願光揚去開元二十二年於東京朝堂上表請建龍池聖德頌曲蒙天睠俯遂微誠其時脩營已就刻勒所爲頌文未備叙事多遺述聖談天萬不舉一旣乖士庶之望莫展宗臣之心尋請改脩冀昭聖德斐然雖竭於愚思翰墨未絕於琬琰今屬靈符降祉景命維新天寶之號再加郊廟之儀式展誠合書其寶錄光闡徽猷綴集前文以存不朽特望天恩更許編錄則聖德鴻業紀而無遺聖美形容於茲允備無任勤懇之至謹奉表陳請以聞帝手詔報曰夫頌者美盛德之形容每省朕躬曷稱奇紀歲月

斯積符瑞屢臻欲備叙之復茲誠請實賴人事不遺
神明允來意也

八月突厥阿布惠與其黨屬來降中書門下奏曰臣
等伏以匈奴患邊其來日久頃雖朝廷示信約爲父
子之國然而戎狄無親嘗蓄豺狼之志陛下聖謀廣
運睿畧玄通至道昭感神明叶贊不勞一卒不煩一
兵使其種落自相携貳今葉護敗亡殞身漢北妻子
縲繫爲俘闕下巢傾席卷瓦解雲散萬里無事三邊
遂空曠古不賓盡爲臣僕普天所履皆人封疆諒繇
負德背恩自速天亡之禍固亦休兵偃革用彰海晏

之期實有無方之神寧惟不戰之勝求諸載籍所未
嘗聞臣等幸遇昌期欣逢大慶望宣付史官從之
十二月西河大破吐蕃中書門下表賀曰臣等自今
月以來累見隴右奏大破吐蕃大嶺青海等軍捷書
前至日因奏事陛下謂臣等曰吐蕃背恩神人共棄
豈惟隴右頻勝三數日間河西當有大捷今日王倕
果奏大破吐蕃魚海及遊奕等軍擒生斬級并虜獲
羊馬不可勝計竊觀前後克捷皆是特稟聖謀密練
驍雄深討兇寇以寡擊衆所向無前天心與睿德合
符士卒與神兵叶契九重制勝動必有成萬里知來

見於未兆一月三捷千古未聞品物同歡何況臣等
伏望宣示朝野編于史冊詔曰坐運奇謀誠難與戰
河西捷書相繼謂之伐叛可豫圖之所請者依

九載靈州都督兼御史中丞張齊丘上言請於新築
北大都護府建聖德碑頌許之

十載九月中書門下奏曰臣等今日因奏事承德音
聞江南爲橘江北爲枳蓋以地氣有殊物性因變朕
近宮內種椹子樹數株今秋以來結實一百五顆乃
與江南及蜀道所進無別亦可謂稍異者伏以自天
所有者不能改有嘗之性曠古所無者乃可爲非常

之感是知聖人御物以元氣布和大道乘時則殊方
叶致且橘柚所植南北異名實造化之有功匪陰陽
之所革陛下玄風真紀六合一家雨露所均混天區
而齊被草木有性憑地氣而潛通故茲江外之珍果
爲禁中之花實綠蒂含霜芳流綺殿金衣爛日色麗
彤庭豈比夫搖木移根俟風而實若榴傳種因石爲
名理匪自於人謀事寔關於神化圖牒未有耳目攸
新臣等忝侍軒墀恭聞殊應喜慶交集倍萬嘗情仍
望宣示朝廷光諸史冊帝手詔報曰枳橘之性惟任
土不遷陰陽之和實在能感致且寒谷吹律猶氣變

燕郊則中樞化源故物備京邑今黃柑數株丹實盈
條裊露迎風香逾江劍金光珠澤秀溢林庭豈斯果
之足珍喜元和之必應故合天道信何遠焉所賀已
知仍依來請

十二月庚申勅安國寺以所撰先皇聖德頌刻石

其上宜題親王嗣郡王及中書門下兩品五品以上
供奉官御史中丞左右丞侍郎諸司文武官員三品
以上兼節度使及蕃酋大首
領等名品准諸頌碑制名記

肅宗至正二年十二月玄宗自蜀至帝奉迎於望賢

宮左相苗晉卿中書侍郎同平章事崔圓表言伏見

工部侍郎李遵及殿中監李輔國言皇帝於望賢宮

奉迎上皇望樓趨馳捧足嗚咽問安既退侍膳皆親

及出宮之時親選龍媒侍從歸闕孝敬之至傍感人

神四海歸心恩深錫類群臣何幸得覩盛美陛下武

功冠於千古孝德踰於百王昔夏之有窮少康復其

業漢之新莽光武繼其緒雖復崇名茂績輝映當時

而皆曠日持久動十數載致使宗社郡邑盪復無遺

未有如陛下神武奮發睿謀獨斷曾不再稔掃清群

兇奉迎聖皇不失舊物蒸蒸翼翼榮輝區宇考之傳

記振古未聞天地人神孰不慶幸臣請編諸史冊傳

之不朽詔曰荷社稷之靈賴上皇之感翦除寇盜克

冊
帝王部
卷之三十七
二十一

復京都浹辰之間大勲允集掃清宮闕奉迎鑾輿
自望賢宮得申拜慶重歡侍省深戴君父之恩承順
尊嚴固宜臣子之禮卿等許謨致理翼贊成功方告
史臣有慙薄德乙卯殿中監李輔國奉表上曰臣聞
古今大寶皇王受命成功創業皆始艱難繇是足高
光武之功漢圖斯永滅澆豷之患夏嗣以興豈比孝
以感通德以成化光膺聖曆協契天時開闢已來未
有如陛下者也頃巨猾開釁中夏不康陛下赫然發
憤奉命專征曾不踰旬兩京尅復掃清宮闕奉迎鸞
輿警蹕鳴笳舊儀逾盛行軍便幕故事無闕陛下整

法駕擁群臣遠自望賢拜迎路次引旌旆而祥風不
散拂鸞輿而瑞雪時飄承順天顏無違就養君父之
禮億兆同歡猶乃不自爲功至崇謙德過周文侍膳
之典邁漢高獻壽之儀虔奉至尊敬恭受命伏惟陛
下以孝理天下也如彼以德化天下也又如此盛德
大業其至矣哉臣幸參締構職在禁戎得親盛明無
任抃躍伏請編諸史冊以示將來詔曰朕恭承明命
親總兵戎掃撓捨之妖拯生靈之患宗社所祐何往
不尅雖兆自於艱難而終盛於丕業昨日星順動鸞
輿迴京仰戴君父之恩重歡侍省之慶拜迎之日得

展孝誠特荷恩慈多慙薄德遂得祥風引旆瑞雪灑
途宮闕生光感應昭著卿爲朕心膺夙夜忠勤所請
宣付史館宜依

代宗大曆三年夏四月戊申乾陵上仙觀天尊殿有
雙鵲啣柴及泥補葺殿之隙壞凡一十五處宰臣等
上表賀曰臣聞孝至於天則祥發陵邑德被於物則
化及鳥獸伏惟陛下因心廣教弘道極和時因霜露
之恩流行雲雨之澤故前聖垂裕歆於明誠皇天報
貺賜以嘉應異鵲來感翔集可窺跡比人謀事歸神
化伏望宣示中外編諸史冊帝手詔答曰聖祖仙都

高宗園寢希夷清淨之所肅穆哀敬之地二鵲翔集
以月繫時常銜墜茨用補缺壞顧政禮之多闕而先
靈之幽助祇奉貺祐感切良深卿等道備梓材任當
構廈覩茲符應庶洽康寧寔賴嘉謨弼予不逮所請
編諸史冊者依

七年十月帝畋于禁苑一發連二兔遣使出示宰臣
仍賜之宰臣等拜舞稱慶抗表請付史官以紀鴻猷
手詔不許癸丑宰臣等又上言曰聞王者有日官動
而必書事無虛美用成善終之義觀乎召舉之明體
合忠直輔宣法教斯良史之任也帝者盛美紀于一

時闕登雅頌彰示家國斯君子之罪也昔漢武有養蛟之歌魏祖有南皮之事皆盛其殊能叙列前載玄宗開元中蒐於岐陽親御弧矢陳九軍之禮有百中之捷煥耀圖史布昭詠歌今陛下以豐歲皆秋農郊始隙因依時令習用戎事遊涉靈囿經于上蘭以一發之神連三窟之狡弦匪再控騎無角逐進異前禽之失舉明不合之圍事過舊聞妙歸天縱足以重威四夷高視千古恩賜之後榮慶中朝公卿庶尹動色相賀垂於簡牘允叶禮經若聖情冲深過於謀讓則史臣曠職後代無稱凡在庶位罔知所出伏愿特廻聖慈俯遂誠情手詔答曰帝王之制禮有三驅弧矢之威財成理道朕方欲清靜流化無爲軌俗射御之藝闕而不書卿等爰據禮經博求良典舉聖祖岐陽之狩徵漢皇郊廟之歌再陳表章頻志簡冊式遵彝訓宜依所請

敬宗寶曆元年九月成德軍節度使王廷湊上言請於管内立皇帝聖德碑二年四月丙寅内出皇帝聖德碑本以賜廷湊

武宗會昌中幽州節度使張仲武討殺迴鶻烏介可汗至會昌末表請薊北立紀聖功銘帝詔遣宰臣李

德裕爲之

後唐明宗天成二年十二月延宰臣於玄德殿馮道奏曰先皇帝末年不撫軍民惑於聲樂遂致人怨幾墜丕構陛下自膺人望軍民惠愛藩后入覲情同魚水時歲類稔亦淳化所致也更愿居安思危保守今日帝然之

四年九月戊寅上御中興殿顧謂宰臣曰時事近日如何馮道奏曰臣省事以來無歲不聞戰伐蓋政令不一王綱弛紊伏自陛下纂隆五載服之以武威懷之以文德任賢不二去邪不疑天下歸心人知恥格近歲以來可謂無事

長興元年正月癸未上御中興殿謂宰臣曰近雖降春澤如何馮道奏曰今歲春初已見三白相次又降雨澤人情大洽蓋陛下聖德感通之應也臣聞天子事天臣下事君臣下若不供其職則刑法及之天子不守其道則災沴降之今陛下敬天事地憂勞百姓則歲有豐登

二年十二月己卯帝御中興殿宰臣馮道奏曰臘日陛下方憂雪是夜便降立春日又降雨澤皆得其節也自陛下臨御于今六載家給人足而又放鷹鷂之

類咸令遂性所謂仁及鳥獸也苟非聖德其孰能臻此

三年三月癸巳帝御中興殿顧謂馮道曰春雨太多乎道對曰春澤稍多是豐年之兆契丹孔熾自近朝以來中國多事未暇制服向者王都背叛連結邊戎陛下命將得人俾匹馬不回使其畏懼而修朝貢則知皇威所振邁于前古也

周世宗顯德四年五月癸卯翰林學士兵部侍郎知詔誥陶穀進紫芝白兔頌曰陛下嗣位之元年歲次甲寅薄伐太原興六月之師定王業也虎賁振旅兵度孟津汎水獻紫芝三莖曄曄分化惹度關之氣越三載歲在丙辰親征淮夷破十萬之衆宣武功也戎輅旋軫途次商唐潁州獻白兔一頭皎皎効質凝炤社之光謹案瑞應圖曰王者恩霑行葦則紫芝秀五行傳曰國君德及昆蟲則白兔馴上宴息之暇有時臨翫覩禎祥而修德善馴擾之遂性三者昭萬物肇生之數白者叶太素返朴之義芝爲瑞也左盤右屈而自然成形兔之異也或白或蒼亦不嘗其色豈可使曠代嘉瑞來者無聞今聖君儉德罷露臺至仁祝踈羅重林衡不時之禁則草木茂矣崇宗廟祔祭之

禮則禽魚樂矣若然則朱草萸莢將擢秀於庭際丹鳳麒麟豈空遊於郊藪下臣不佞再拜作頌頌曰美哉靈草邈矣明視慶上帝之所臨昭王者之嘉瑞考其祥稽其事芝為草也豈奪朱而効靈兔乃獸焉取守黑而為異徵其薦瑞之日俱在廻鸞之次酌物情順天意吾君當垂衣而治

冊府元龜

冊府元龜

按福建監察御史臣李嗣京 訂正

知 閩 縣 事 臣 曹鼎臣 參閱

知 建 陽 縣 事 臣 黃國琦 較釋

帝王部 三十八

尊親 尊師 尊乳保

尊親

仲尼曰故雖天子必有尊也孟軻亦曰孝子之至莫大乎尊親夫自家刑國父天母地正位凝命總治綱紀巍乎在上風以化下鞠育之重經義攸著于以樹

崇名殊徽號異宮室之制申朝覲之禮增飾服用嚴備官屬晨夕奉養罄竭恭愛德教彌遠兆庶是賴書稱一人有慶者無善於此矣

虞舜踐帝位載天子旗往朝父瞽瞍

漢高帝六年三月帝歸櫟陽五日一朝太公太公家

令說太公曰天無二日土無二王皇帝雖子人主也

太公雖父人臣也奈何令人主拜人臣如此則威重

不行後帝朝太公擁篲為恭也如公迎門卻行卻退而行

也帝大驚下扶太公太公曰帝人主奈何以我亂天

下法於是帝心善家令言已心因得尊崇父號賜黃

金五百斤五月丙午詔曰人之至親莫親於父子故

父有天下傳國於子子有天下尊歸於父此人道之

極也前日天下大亂兵革並起萬民苦殃朕親披堅

執銳被堅謂甲冑也自帥士卒犯危難平暴亂立諸

侯偃兵息民天下大安此皆太公之教訓也諸王通

侯將軍群卿大夫已尊朕為皇帝而太公未有號今

上尊太公曰太上皇太上極尊之稱也皇君也天子之父故號曰皇不預治國故不

言帝臣欽若等曰太上皇號始於此

惠帝高祖十二年五月丙寅即位尊母呂皇后曰皇

太后

文帝初封代王十七年高后喪大臣議立後疾外家
呂氏彊暴皆稱薄氏仁善故迎立代王為皇帝尊母
薄太后為皇太后

景帝即位尊母竇太后為皇太后

武帝即位尊竇太后曰太皇太后母王皇后為皇太

后臣欽若等曰漢因秦之稱號帝
母稱皇太后祖母稱太皇太后

昌邑王即位尊昭帝皇后上官氏為皇太后

宣帝即位尊皇太后曰太皇太后上官
后也皇母曰皇太

后即成王皇后母
養元帝者也

成帝即位尊皇太后曰太皇太后母王皇后曰皇太

后

哀帝即位尊皇太后曰太皇太后成帝趙后曰皇太

后又皇太后下詔尊定陶恭王為恭皇哀帝因是曰

春秋母以子貴尊傅太后為恭皇太后丁姬為恭皇

后各置左右詹事食邑如長信宮

建平二年夏四月詔曰漢家之制推親親以顯尊尊

天子之至親定陶恭皇之號不宜復稱定陶尊恭皇

太后曰帝太太后稱永信宮恭皇后曰帝太后稱中

安宮成帝母太皇太后本稱長信宮成帝趙后為皇

太后並四太后各置少太僕秩皆中二千石

平帝中山孝王子也元壽二年即位元始元年六月

使少府左將軍豐豐甄也賜帝母中山孝王姬衛氏璽

書拜為中山孝王后孺子嬰立尊平帝王皇后為皇

太后

後漢明帝即位尊母陰皇后為太后

章帝即位尊明帝馬皇后為皇太后及太后喪乃策

書加所生母賈貴人王赤綬諸侯王赤綬也安車一駟永巷

宮人二百永巷宮中署名也後改為掖庭永巷宮人即宮婢也御府雜帛二萬

疋大司農黃金千斤錢二十萬

和帝即位尊章帝竇皇后為皇太后

殤帝即位尊和帝鄧皇后為皇太后

安帝清河王慶子也母曰左姬建元元年追尊父慶

為孝德皇尊孝德皇元妃耿氏為甘陵大貴人甘陵

皇之陵也

桓帝即位尊母閔氏為孝崇博園貴人帝追尊父蠡吾侯翼曰孝

崇皇置園廟曰博園

和平元年梁太后葬就博陵尊貴人為孝崇皇后遣

司徒持節奉策授璽綬齋乘輿器服物備法物宮曰

永樂置太僕少府已下皆如長樂宮故事漢官儀帝祖母稱長

信宮帝母稱長樂宮故有長信少府長樂少府及職吏皆宦者為之

士起宮室分鉅鹿九縣爲后湯沐邑

靈帝母曰孝仁董皇后后河間人也爲解瀆侯萇夫
人生帝帝即位卽尊萇爲孝仁皇陵曰慎陵以后爲
慎園貴人及竇氏誅帝使中嘗侍迎貴人兄寵到京
師上尊號曰孝仁皇后居南宮嘉德殿宮稱永樂

景平四年以冲帝母虞大家爲憲陵貴人質帝母陳
夫人爲渤海孝王妃先是梁冀秉政虞氏抑而不登
但稱大家而已陳夫人亦以梁氏故榮寵不及焉時
小黃門趙祐議郎畢整上言春秋之義母以子貴隆
漢盛典尊崇母氏凡在外戚莫不加寵今冲帝母虞

大家質帝母陳夫人皆誕生聖皇而未有稱號夫臣
子雖賤尚有追贈之典況二母見在不蒙崇顯之次
無以述尊先世垂示後嗣也帝感其心乃拜焉

魏文帝初卽王位尊母卞氏爲王太后及踐阼尊后
曰皇太后稱永壽宮

明帝即位尊卞太后曰太皇太后郭皇后曰皇太后
稱永安宮

齊王嗣位尊明元郭皇后曰皇太后稱永寧宮

陳留王燕王旦之子景元元年十一月燕王上表賀
冬至稱臣詔曰古之王者或有所不臣王將宜依此

義表不稱臣乎又當爲報天後太宗者降其私親況所繼者重邪若便同之臣妾亦情所未安其皆依禮典陛下稽得期運撫臨萬國紹太宗之重隆三祖之基伏惟燕王體尊戚屬正位藩服躬秉虔肅率蹈恭德以先萬國其于正典闡濟太順所不得制聖朝誠宜崇以非嘗之制命以不臣之禮臣等平議以爲燕王表章可聽如舊式申詔所施或存好問準之義類則宴覲之族也可少順聖敬嘉崇義稱示不敢斥宜曰皇帝敬問太王侍御至於制書國之正典朝廷所以辨章公制宣昭軌儀於天下者也宜循法故曰制詔燕王凡詔命制書奏事上書諸稱燕王者可皆上平其非宗廟助祭之事皆不得稱王名奏事上書文書及吏民皆不得觸王諱以彰殊禮加于群后上遵王典尊祖之制俯順聖敬烝烝之心二者不愆禮實宜之普告施行

晉武帝以魏咸熙二年卽位尊母太妃王氏曰皇太后宮曰崇化初置宮卿重選其職以太嘗諸葛緒爲衛尉太僕劉源爲太僕宗正曹楷爲少府

泰始二年以景皇帝夫人羊氏居弘訓宮號弘訓太后

惠帝太熙元年四月即位尊武皇帝皇后楊氏曰皇太后

明帝母荀氏元帝宮人及帝即位封建安君別立第宅太寧元年帝迎還臺內供奉隆厚及成帝立尊重同於太后

哀帝即位尊康帝皇后褚氏曰皇太后居崇德宮哀帝即位詔有司議母貴人周氏位號太尉桓溫議宜稱夫人尚書僕射江霏議應曰太夫人詔崇爲皇太妃儀服與太后同又詔朝臣不爲太妃敬合禮典不太嘗江道議位號不極不應盡敬

簡文帝即位尊褚太后曰崇德太后

孝文帝即位尊母李氏爲淑妃太元三年進爲貴人九年又進爲夫人十二年加爲皇太妃儀服一同太后十九年尊爲皇太后稱崇訓宮

安帝隆安元年二月尊皇太后李氏爲太皇太后

後魏獻文即位尊文成皇后馮氏爲皇太后

孝文帝即位尊馮太后曰太皇太后

孝明帝即位尊宣武皇后高氏爲皇太后又尊所生母胡氏爲皇太妃後又尊爲太后

後周武帝即位尊母叱奴氏爲皇太后又尊愍帝后

元氏為孝愍皇后先是愍帝被廢后出俗為尼至是尊焉

宣帝即位尊愍帝阿史郡皇后為天元上皇太后又尊所生母李氏為天元聖皇太后

靜帝受禪尊天元皇太后為天元上皇太后天皇太后李氏曰天元聖皇太后又立宣帝天元皇湯氏為

天元太皇后又尊所生母天后天元后朱氏為天元太天后天后皇后元氏為天后太皇后天元皇后陳氏為天

元太皇后
唐中宗神龍元年正月即位上天后尊號為則天大

聖

六月以時屬炎暑恐則天皇后勞于臨御遂罷十日一外朝更以朔望為嘗儀

玄宗開元四年正月戊寅朔帝御正殿受朝賀禮畢親朝太上皇於西宮

肅宗時太上皇居興慶宮每日問安寢門聖皇亦時至大明宮問皇帝及太上皇移於內地更選後宮為

聖皇所愛者百餘人赴西宮備灑掃又令萬安咸宜二長公主入侍養服御饌食窮以珍奇加于嘗曰皇

帝問安如舊

憲宗永貞二年春正月庚子朔帝率百寮於興慶宮
奉册上太皇尊號

事在尊
號門

元和元年三月乙丑中書門下上表請尊太上皇后
王氏爲皇太后詔依

穆宗以元和十五年正月即位帝母憲宗貴妃郭氏
是年閏月乙卯詔曰朕光膺寶曆正位宸居太行皇

帝貴妃尊冠六宮母臨萬國謹上尊號曰皇太后
敬宗寶曆二年十二月戊申始聽政尊皇太后曰太

皇太后聖母王氏爲皇太后
文宗即位尊聖母蕭氏爲皇太后

太和元年五月壬戌朔帝赴興慶宮起居太皇太后
宗正卿李銳率諸宗屬詣右銀臺門進名起居丙寅

帝赴興慶宮上壽內外端午進獻如嘗歲
四年四月以有司貢新瓜獻赴興慶宮奉太皇太后

及皇太后并分賜十宅諸王已下初有司以帝命送
諸宮時歲餼味雖太后之尊一槩以賜爲名帝始即

位嘗因內園進櫻桃將以賜三宮太后帝曰焉可以
爲賜因授筆易其文簿曰奉太后自是以爲嘗

十一月己亥日南至帝繇複道謁太皇太后寶曆太
后于興慶宮

五年正月庚子朔以陰雨連旬罷元會之禮帝復道朝賀太皇太后于興慶宮

六年正月乙未朔以久雪廢元會帝赴興慶宮起居太皇太后義安太后

宣宗即位尊母郭氏爲皇太后

僖宗即位尊聖母王氏爲皇太后

哀帝二年五月有司修皇太后宮畢中書奏皇太后慈惠臨人寬仁馭物景叶倪天之兆克彰誕聖之符

今輪奐新宮規模舊典崇訓旣徵於信史積善宜顯於昌期太后宮請以積善爲名從之

後唐莊宗即位尊母曹氏曰皇太后又冊武皇夫人劉氏爲太妃同光中詔曰皇太后母儀天下子視群

生當別建宮闈顯標名號異因稱謂益表尊嚴宜以長壽宮爲名

三年正月甲午朔皇太后生辰帝御嘉慶殿召諸王家宴極歡而罷

閔帝即位尊明宗皇后曹氏曰皇太后又冊王氏爲皇太妃

晉少帝嗣位冊高祖皇后李氏爲皇太后尊母王氏爲皇太妃

漢隱帝即位尊高祖皇后李氏為皇太后

尊師

周禮師氏以媿詔王傳曰詔於天子無北面又曰當其為師則弗臣然則尊賢貴德承師問道屈萬乘之重明五學之義上以達經國之要下以得化人之本是知尊師重傳則法度存雖曰聖人必繇學也嚴恭之道於是在焉若乃尊其爵位委以樞要厚師臣之遇執弟子之禮或不名以示恩或乞言以敦教生則優其奉祿歿則蒙其渥澤至於幸第以存問變服以臨弔皆所以成主善之美繇諮德之旨誠帝者之懿

範也故曰雖天子必有尊也斯之謂歟

神農師悉謂

悉姓謂谷

黃帝師大撓

大撓作甲子者

一云學乎太真

顓頊師伯夷父一云學乎太真

帝嚳師伯招一云學乎赤松子

帝堯師子州支父一云學乎尹壽

帝舜師許由一云學乎務成跼

夏禹師大成摯一云學乎西王國

商湯師小臣

即伊尹

一云學乎威子伯

高宗學先王之道於甘盤

甘盤賢臣有道德者

周文王既為西伯師呂尚東海上人蓋嘗窮困年去矣以漁釣于西伯

事具宰輔佐命門

西伯與語大說曰自吾

先君太公曰當有聖適周以興子真是邪吾太公望子父矣故號之曰太公望立為師一云學乎錫疇子

斯

武王欲修文王業東伐以觀諸侯集師行師尚父

太公

望也師之尚之父之故曰師尚父亦男子之美號者也

及踐阼詔師尚父而問

焉曰昔黃帝顓頊之道存乎意亦忽不可得見與師

尚父曰在丹書王欲問之則齊矣王齊三日端冕師

尚父亦端冕奉書而入負屏而立王下壇南面而立

師尚父曰先王之道不比面王行西折而南東面而

立師尚父西面道書之言

成王以周公為太師公薨成王葬於畢

不敢臣周公故使近文王

墓之

漢昭帝時光祿大夫給事中蔡義以韓詩進授帝數

歲拜為少府遷御史大夫代楊敞為丞相封陽平侯

義為丞相年八十餘短小無鬚眉貌似老嫗行步俛

僂

即俯字也

嘗兩吏扶夾乃能行時大將軍霍光秉政議

者或言光置宰相不選賢苟用可顓制者

顓與專同

光聞

之謂侍中丞右及官屬曰以為人主師當為宰相何

謂云云 云云衆語謂有此語不可使天下聞也又韋不選賢之言也

賢為博士給事中以詩進授帝稍遷光祿大夫詹事

至大鴻臚宣帝即位以先帝師甚見尊重

元帝為太子時孔霸以太中大夫以選授皇太子經

遷詹事高密相 是時諸侯王相在郡守上 帝即位徵霸以師賜爵

關內侯食邑八百戶號褒成君 為帝師教今成就故曰褒成君 給事

中加賜黃金二百斤第一區徒名數于長安及薨帝

素服臨弔者再至賜東園秘器錢帛策贈以列侯禮

諡曰烈君

初元中制詔御史曰國之將興尊師而重傳故前將

軍望之 姓蕭 傳朕八年道以經術厥功茂焉其賜望之

爵關內侯食邑六百戶給事中朝朔望坐次將軍

周堪初為太子少傅及帝即位堪為光祿大夫與蕭

望之並領尚書事

歐陽地餘初為元帝太子中庶子授經後為博士論

石渠及帝即位侍中貴幸至少府

成帝為太子時張禹鄭寬中皆授經於帝及即位以

師錫爵關內侯寬中食邑八百戶禹六百戶拜為諸

史光祿大夫秩中二千石給事中領尚書事

建始中鄭寬中卒谷永上疏曰臣聞聖王尊師傳褒

賢雋顯有功生則致其爵死則異其禮諡者周公薨

以變禮而當天心

周公死成王欲葬之於成周天方雷雨以風盡偃大木斯拔國大恐

王乃葬周公于畢示不敢臣也事見尚書大傳而與古文書不同

公叔文子卒衛侯

加以美諡著為後法

公叔文子衛大夫公叔發也文子卒其子請諡於君君曰昔日

衛國凶饑夫子為粥與國之餓者不亦惠乎衛國有難夫子以其死衛寡人不亦貞乎夫子聽衛國之政脩其班制以興四隣交衛國社稷近事大司空朱邑不辱不亦文乎謂夫子貞惠文子

右扶風尹翁歸德茂天年孝宣皇帝愍册厚賜贊命

之臣靡不激揚

贊佐也

關內侯鄭寬中有顏子之美質

包商偃之文學

論語云文學子游子夏商子夏名偃子游名

嚴然總五經

之妙論立師傳之顯位入則鄉唐虞之閎道王法納

乎聖德

闕大也言陳聖王之法聞于天子

出則參冢宰之重職功烈

施乎

政事

退食自公私門不開

退食自公召衛羔羊詩之辭書貶退所食之祿

務從至公之道也

散賜九族田畝不益德配周召中合羔羊

未德登司徒有家臣

司徒掌禮教之臣言寬中學行堪為之也家臣若今諸公國官

及輔佐也

卒然早死尤可悼痛臣愚以為宜加其葬禮賜

之令諡

令善也

以章尊師褒賢顯公之德鴻嘉中張禹

老病乞骸骨帝加優再三廼聽許賜安車駟馬黃金

百斤罷就第以列侯朝朔望位特進見禮如丞相置

從事史五人益封四百戶天子數加賞賜前後數十

萬禹雖家居以特進為天子師國家每有大政必與

定議大將軍王根害禹寵數毀惡之惡謂言其過惡天子愈

益敬厚禹每病輒以起居聞謂其食飲寢卧之增損車駕自臨

問之帝親拜禹牀下

平帝年幼選署師友大司徒孔光以明經高行為孔

氏師京兆尹金欽以家世忠孝為金氏友

後漢明帝為太子時桓榮以少傅授太子經學及即

位尊榮以師禮甚為親重拜二子為郎榮年踰八十

自以衰老數上書乞身輒加賞賜乘輿幸太嘗府

令榮坐東面設几杖會百官驃騎將軍東平王蒼以

下及榮門生數百人天子親自執業每言輒曰太師

在是既罷悉以大官供具賜大嘗家其恩禮若此

永平二年三雍初成拜榮為五更每大射養老禮畢

帝輒引榮及弟子升堂執經自為辨說乃封榮為關

內侯食邑五千戶榮每疾病輒遣使者存問大官大

醫相望於道及篤上疏謝恩讓還爵土帝幸其家問

起居入街下車擁經而前撫榮垂涕賜以林茵帷帳

刀劍衣被良久乃去自是諸侯將軍大夫問疾者不

敢復乘車到門皆拜牀下榮卒帝親自變服臨喪送

葬賜冢塋于首山之陽除兄子二人補四百石其講

生八人補二百石其餘門徒多至公卿

五年以侍中右中郎將包咸爲大鴻臚咸建武中以郎中入授皇太子論語又爲其章句拜諫議大夫帝卽位每進見賜以几杖入朝不趨贊事不名經傳有疑輒遣小黃門就舍卽問帝以咸有師傅恩而素清苦嘗特賞賜珍玩束帛奉祿增於卿咸皆散與諸生之貧者病篤帝親輦駕臨視

章帝爲太子時張酺侍講及卽位出爲東郡太守元和二年東巡狩幸東郡引酺及門生并郡縣掾史並會庭中帝先備弟子之義使酺講尚書一篇然後脩君臣之禮賞賜殊特莫不沾洽

魏高貴鄉公幸大學命大嘗王祥爲三老祥南面几杖以師道自居天子北面乞言祥陳明王聖帝君臣政化之要以訓之聞者莫不砥礪

晉明帝卽位以東宮時師傅猶宜盡敬乃下詔曰朕以不德夙遭閔凶猥以眇身託于王公之上哀莞在疚靡所諮仰憂懷惴惴如臨于谷孔子有云故雖天子必有尊也朕將祇奉先師之禮以諮有德大宰西

陽王

名

秩尊望重在貴思降丞相武昌公

王

司空卽

丘子

王

體道高逸勲德兼備先帝執友朕之師傅太

嘗安陽侯訓保朕躬忠肅篤誠夫崇親尊賢先帝所

重朕見四君及書疏儀體一如東宮故事

後魏明帝在藩邸時梁越以上大夫授諸皇子經書及即阼以師傅之恩賜爵祝阿侯

大武爲監國時盧醜以篤學博聞授經後以師傅舊恩賜爵濟陰公

宣武爲太子時孫惠蔚侍講東宮及即位之後仍在左右敷訓經典延昌二年追賞侍講之勞封棗彊縣開國男食邑三百戶

後周武帝少嘗受業於盧光及即位以光爲陝州總管府州長史卒贈賻有加嘗典贈太子少保

唐玄宗爲太子時褚無量以國子祭酒侍讀及即位加右散騎常侍與秘書監兼昭文館學士馬懷素同爲侍讀每次閣門則令乘肩輿以進上居別館以路遠則命宮中乘馬或親自送迎以申師資之禮開元六年懷素卒帝爲之舉哀廢朝一日贈潤州刺史物三百段米粟二百石喪事所需並官給八年褚無量卒帝震悼久之謂宰相宋璟蘇頌等曰無量碩儒且有德業朕早所師習每用尊崇三史九經前言往行有可以裨益時政規正朕躬未嘗不造膝切論所聞其屬績之時難以脩書爲儀永念其逝實軫予懷庶

事宜皆優厚

德宗居春宮張涉爲侍讀及卽位之夕召涉入宮庶政小大皆咨之恩禮甚崇多所弘益

尊乳保

禮曰國君世子生三日卜士之妻大夫之妾使食之又曰擇於諸母與可者必求其寬裕慈惠溫良恭敬謹而寡言者次爲保母皆居子室蓋所以資保阿之力育端聖之體如涓城淮陽厥功茂焉厚賞其子錫之公田亦無爽古三年勞賜之意也降及東漢其禮益厚元魏之世至有僭母后之號濫陵寢之名者亦

已甚乎故當以義斷恩以禮制事而取厥中焉

漢武帝少時東武侯母嘗養帝帝後號之曰大乳母率一月再朝朝奏暮入有詔使幸臣馬游卿以帛五十疋賜乳母又奉飲殮養乳母乳母上書曰某所有公田願得假倩之帝曰乳母欲得之乎以賜乳母乳母所言未嘗不聽有詔得令乳母乘車行馳道中當此之時公卿大臣皆敬重乳母乳母家子孫奴從者橫暴長安當道掣頓人車馬奪人衣服聞於中不忍寘之法有司請徙乳母家室處之於邊奏可卽入見辭去時有所幸倡郭舍人疾言罵之曰咄老女子何

不疾行陛下已壯矣寧尚須汝乳而活邪帝悲下乃下詔止無徒乳母

宣帝生數日以武帝曾孫坐衛太子事繫郡邸獄故廷尉監丙吉知太子無事實重哀曾孫無辜擇謹厚

女徒令保養曾孫置間燥處間寬淨也燥高敞也吉治巫蠱事連歲不決曾孫病幾不全者數焉吉數救保養乳母

加致醫藥視遇甚有恩惠及帝即位吉絕口不道前恩地節三年掖庭宮婢則則婢名也史失其姓令民夫上書自

陳有阿保之功謂未為宮婢時有舊夫在民間辭引吉吉謂則曰汝嘗坐養皇曾孫不謹督管汝安得有功督謂視察之獨渭

城胡組淮陽郭徵卿有恩耳分別奏組等供養勞苦伏詔吉求組徵卿已死有子孫皆受厚賞詔免則為庶人賜錢十萬

後漢安帝封乳母王聖為野王君聖因保養之勤緣入宮掖博通奸豔司徒震上疏曰臣聞聖以得賢為本禮以去穢為務是以唐虞俊人在官四凶流放天下咸服以致雍熙方今九德未敘嬖佞充庭阿母王聖出自賤微得遭千載奉養聖躬雖有推燥居濕之勤前後賞惠報過勞苦而無厭之心不知紀極外交屬託擾亂天下損辱清朝玷於日月書戒牝鷄晨鳴詩刺哲婦喪國昔鄭莊公從母氏之欲恣驕弟之情幾至危國然後加討春秋貶之以為失教夫女子小人近之喜遠之怨實為難養易口無攸遂在中饋吉婦人不得與知政事也宜速出阿母令居外舍斷絕

伯榮莫使往來令恩德兩隆上下俱美惟陛下絕嬖嬖之私割不忍之心留神萬機戒慎拜爵減省獻御

丹帝王部

十九

損節微發令野無鳩鳴之歡朝無小明之悔大東不與於今勞止不怨於下追踪往古比德哲王豈不休哉奏入帝以示阿母等內倖皆懷忿恚餘具宰輔諫諍門

順帝封乳母宋娥為山陽君邑五千戶初帝自太子

廢為濟陰王娥與黃門孫承程等共議立帝帝後以

娥前有謀遂封之

靈帝封乳母趙嬈為平氏君

其後蔡邕上疏曰前者乳母趙嬈貴重天下生

則貲藏侷於天府死則丘墓踰於園陵兩子受封兄弟典郡疏具諫臣直諫門

晉元帝中興乳母阿蘇有乳保之功賜號保聖君

成帝以乳保母周氏有阿保之勞欲假其名號內外

皆奉詔侍中顧和獨上疏以為周氏保佑聖躬不遺

其勳第舍供給擬於戚屬恩澤所加已為過隆若假

名號記籍未見明此惟漢靈帝以乳母趙嬈為平氏

君此末代之私恩非先代之令典若君舉必書將軌

物垂則書而不法後嗣何觀帝從之

後魏太武始光二年尊保母竇氏曰保太后延和元

年尊為皇太后初竇氏以夫家坐事與二女俱入宮

操行純備進退以禮明元命為帝保母性仁慈帝感

其恩訓奉養不異所生既尊為皇太后又封其弟偏

頭為遼東王竇氏調整內外甚有稱聲性恬素寡欲

喜怒不形於色好揚人之善隱人之過帝征涼州孀

蠕吳提入寇太后命諸將擊走之太平真君元年詔
太保盧魯元監護喪事天下大臨三日謚曰惠葬崞
山從后意也初后嘗登崞山顧謂左右曰吾母養帝
躬敬神而愛人若死而不滅必不可爲賤鬼然於先
朝本無位次不可違禮以從園陵此山之上可以終
託故葬焉別立后寢廟於崞山建碑頌德

文成帝初立尊保母嘗氏爲保太后興安二年三月
尊爲皇太后嘗氏本遼西人因事入宮乳帝有劬勞
保護之功累尊爲皇太后其兄英字世華自肥如令
超爲散騎嘗侍鎮軍大將軍贈爵遼西公弟喜拜直

東大將軍祠曹尚書帶方公三妹皆封縣君妹夫王
賄爲平州刺史遼東公追贈英祖父符監扶風太守
該爲征西將軍遼西蘭陵公父渤海太守澄爲侍中
征東大將軍太宰遼西獻王英母許氏爲博陵郡君
遣兼太嘗盧度世持節改葬獻王於遼西樹碑立廟
置守冢百家大安初英爲侍中征東大將軍太宰進
爵爲王喜左光祿大夫改封燕郡從兄泰爲安東將
軍朝鮮侯訢子伯夫散騎嘗侍選部尚書子員金部
尚書喜子振太子庶子三年英領大師評尚書事內
都大官伏寶泰等州刺史五年詔以太后母宋氏爲

遼西王妃和平元年喜爲雒州刺史初英事宋不能
謹而賭奉宋甚至就食於和龍無車牛宋疲不進賭
負宋於笈至是宋於英等薄不如賭之篤謂太后曰
何不王賭而黜英太后曰英爲長兄門戶主也家內
小小不順何足追計賭雖盡力故是他姓奈何居英
上本州郡公亦足報耳大安中英爲平州刺史訴爲
幽州刺史伯夫進爵范陽公英濁貨徒燬煌諸嘗自
與公及至是皆以親疏受爵賜田宅時爲隆盛後伯
夫爲雒州刺史以贓汙欺妄徵斬於京師和平葬於
廣寧磨笄山俗謂之鷄鳴山太后遺意也謚曰昭天

下大臨三日依惠太后故事別立寢廟置守陵二百
家樹碑頌德

唐中宗神龍元年封乳母子氏爲平恩郡夫人

玄宗先天二年五月太上皇誥曰皇帝乳母蔣氏莫
氏等行籍柔良心惟靜順襁褓祗事夙効於勤勞并
邑分封宜申於寵命蔣氏可封吳國夫人莫氏可封
燕國夫人是歲九月詔曰燕國夫人竇氏慈慧和順
掌執禮經女憲母師獨高柔則朕在孩幼躬勞乳養
遠惟恩義寧忘夙昔瞻既往而莫追見如存而永慕
撫渭城之事未足爲言視南陽之書益增其感俾錫

朝寵微申朕懷俸料祿課等一准職事三品給

代宗大曆八年六月勅曰古者緣情立禮著慈母之

制蓋聖人示德無不報之禮而漢宣帝亦追祿掖庭

郡邸嘗有兩保之勤以功深淺並授封賞記于前典

歷代是之故妳婆元氏朕在襁褓受其撫育推乾就

濕慈愛特深可謂仁人厚惠茂德者矣可贈潁川郡

太夫人

憲宗元和五年十月贈保母盧氏為燕國夫人

哀帝天祐二年九月勅妳婆楊氏可封昭儀妳婆王

氏可封郡夫人第二妳婆王氏先昭宗皇帝封郡夫

人今准楊氏例改封

中書門下奏曰伏以妳婆楊氏

澤以報勤劬竊以事體參詳合陳管見臣聞周制宮

職夫人只列三人漢氏後宮之號十有四位元帝時

置昭儀位視丞秩比諸侯王至於列妾縱稱夫人亦

無裂土割郡之號以乳母郭微卿胡維著保養宣帝

之功後子孫只受厚賞而無封爵之號且帝外祖母

封博平君非乳母之例後漢順帝封阿母宋氏為山

陽君則致漢陽地震安帝時封乳母王聖為野王君

亦致地震京師其時中正上言亦以封爵過當乃貽

厥咎非叶高祖山河之約至晉室中興乳母阿蘇有
保元帝之功賜號保帝聖君既非爵邑又彰其功爰
擇美名在理甚當至高齊陸令宣以乾阿妳授封郡
君尋亂制度中宗神龍元年封乳母子氏為平恩郡
夫人景龍四年封尚食高氏為脩國夫人封爵之失
始自于此後睿宗下詔封玄宗乳母莫氏為夫人竊
以中宗朝政歸韋氏睿宗朝駕躡軒轅當時無復紀
綱歷載寢為訛弊伏以陛下重興寶運再闡丕圖奉
高祖太宗之舊行往代前賢故事克臻至道以顯中
興庶彙提綱衆務畢舉今者進封保母為郡夫人再

至加恩須至封國夫人竊以婦人無爵從夫之爵以賞功勳則命爵又四方多事方注意公卿以勳勞昭著者室家爵邑自郡夫人今則宣授乳母為郡夫人加恩必及列土朝廷大柄以爵祿為主命爵不定其等差則天下之人無以為貴以為貴功則封比礪山榮室則爵同乳母臣等竊意有室家者實恥之况四海九州之內有功勞安社稷勳賢得不對室家慙於所命之爵其所封乳母楊氏王氏臣等參詳望賜釐革雖居濕推燥畢彰保養之勤但胙土分茅且異疏封之例况昭儀內侍燕寢位列宮嬪夫人則亞列妃嬪供奉左右竊按儀禮乳母總以其各母方有總服今則不可以嬪御之號增榮於阿保揆于禮文有乖事體宜加眷佑當樹鴻私永示規程以服寰宇臣等商量妳婆楊氏望賜號安聖君妳婆王氏望賜號福聖君第二妳婆王氏望賜號廉聖君從之

周太祖廣順二年九月癸未制敦敘九族糾綏六親生者錫其寵臨沒者優其追贈哲王茂典歷代芳規

故南陽郡韓氏婉淑居貞賢明垂範奉嬪率禮興家道於仁孝之基諸母推恩撫朕躬於幼冲之歲朝露流先而奚速慶雲華陰以彌高宜洽明恩追崇大國式是載揚之美寧攄欲報之情庶俾後昆永覃清懿噫嘻貞魄享此儀章可追封楚國太夫人太祖孩幼而孤楚國撫視教道有恩故有是命

册府元龜
尊乳保
卷之三十六

册府元龜

